



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thronus Dei Maria Deipara

Spinelli, Pietro Antonio

Coloniæ Agrippinæ, 1696

Secunda Pars Hvivs Tractatvs Qvæ Est De Templis Deiparę erectis.

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

## SECUNDA PARS

## HUIUS TRACTATUS

## QVÆ EST DE TEMPLIS

## Deiparę erectis.

## S V M M A R I V M.

Templa Deipara in urbe, num. 18.  
 S. Maria Major, ibidem.  
 S. Maria Trans Tiberim, num. 19.  
 S. Maria Angelorum in Thermis, num. 20.  
 S. Maria in Porticu, num. 22.  
 S. Maria Ara cęli, num. 23.  
 S. Maria ad Martyres, seu Rotunda, num. 24.  
 S. Maria in via lata, num. 25.  
 S. Maria schola gręca, ibidem.  
 S. Maria à Palmis, num. 26.  
 S. Maria Annunciata extra Urbis mœnia, ibid.  
 S. Maria in Dominica, num. 27.  
 S. Maria de Populo, ibidem.  
 S. Maria supra Mineruam, num. 28.  
 S. Maria in Via, ibidem.  
 Varia in Vrbe Deipara Templa sanctorum reli-  
 quis vel aliqua alia ratione insignia, n. 29.  
 S. Maria Nova, ibidem.  
 S. Maria libera nos à pœnis inferni, num. 37.  
 S. Maria Transpontina, num. 31.  
 S. Maria in Crypta picta, ibidem.  
 S. Maria à Trivio, num. 32.  
 S. Maria in Aquiro, ibidem.  
 S. Maria scala cęli, num. 33.  
 Varia Deipara Templa in Vrbe peculiari aliqua  
 ratione celebra, num. 34.  
 Alia Deipara Templa in Vrbe miraculis illustra  
 vel quibus Religiosorum, aut aliquorum Chri-  
 stiana charitatis operum, domicilia sunt an-  
 nexa, num. 36.  
 Templa Deipara Neapoli posita, num. 40.  
 Ecclesia cathedral. Neapoli Deipara dicata, n. 42.  
 S. Maria Major Neapoli, num. 42.  
 S. Maria à Carmelo, ibidem.  
 S. Maria ad pedem Cryptę, num. 44.  
 S. Maria ab Agnone, num. 45.  
 S. Maria Sicula, ibidem.  
 S. Maria à Donna Romana, num. 46.

S. Maria Regina cęli, & alia Monialium templa  
 Deipara sacra, num. 47.  
 Deipara Templa, quibus Nosocomia, Orphano-  
 trophia, & similes pietatis Christiana Domus  
 adiunguntur, n. 49.  
 Deipara Templa, qua ad viros religiosos perti-  
 nent, n. 50.  
 Templa domiciliorum Societatis Iesu Neapoli  
 Deipara erecta, n. 52.  
 Templa Deipara in reliqua Italia, num. 53.  
 Templa Deipara in Sicilia, & in nonnullis circæ  
 Italiam Insulis, num. 55.  
 Deipara Templa in Hispania, num. 57.  
 Deipara Templa nonnulla, & præcipue in Septen-  
 trionis Regionibus Gallia, Germania, Hunga-  
 ria, & Polonia, num. 68.  
 Deipara Templa in compluribus Orientis regio-  
 nibus Ierosolymis, Constantinopoli, Antiochia  
 & in Africa, num. 72.  
 Templa Deipara apud Barbaras nationes diver-  
 sis in Regnis excelsa, num. 78.

**E**XEGIMUS, quæ de diebus festis  
 Deiparę dicenda proposuimus, nunc  
 ad templa variis in locis eidem posita  
 veniamus. Et quidem Virgini Deipa-  
 ræ templa dicata esse non modo post-  
 quam erecta in cœlum est; sed etiam cum vi-  
 tam inter mortales ageret, & multo etiam tẽ-  
 pore ante ortum, complures, iique gravissimi  
 auctores literis prodiderunt. Nam & Druidę  
 Gallorum Sacerdotes Carauti Urbe Gallię  
 Lugdunenſis celeberrima, & fossa alte humo A-  
 ram excitarunt cum hæc inscriptione. VIRGINI  
 PARITUR, multo ante Deiparę ortum Egi-  
 ptii quoque à Jeremia, teste Epiphano, de Vir-  
 gine puerpera in Ægyptum ventura edocli an-  
 tiquissima consuetudine Virginem in lecto, &

Templa B.  
 Virgini  
 ante ejus  
 ortum dē-  
 catur

Epiphani.

Infantem in Præsepio adorabant. Porro Jason, & Argonautæ seu unum, seu duo Mânæ Verbi divini Genitrici templa dedicaverunt mille ducentis ante Christum annis; quæ fusc examinata & explicata sunt cap. 29.

*Templa eadem in terris degenti extructa.*

Jam Deiparæ ea ipsa in terris commorante Apostolorum tempore, templa etiam dicata sunt, nam ædes Laurentana jam tum dici potuit templum, cum Dei Genitricis orto, ac divini Verbi conceptu, Deiparæ usui consecrata est. Præterea Cranganore in Orientali India ab uno è tribus Magis; Calecurii item ab ejus conditore Deiparæ templa extructa, dicataque sunt. Cæsar augustus à S. Jacobo Apostolo templum, cui nomen est à Pylla, seu Columna, in qua Virgo ipsa se videndam Apostolo præbuit In Urbe Anteradeni in Syria sacellum à S. Petro Apostolo eidem conditum, magna non Christianis solum, sed etiam Saracenis venerationi fuit. In monte Carmelo, statim atque innotuit B. Virginis in cælum Assumptio, in ejus honorem à Christianis illius montis incolis excitatum templum est. Massilia Basilicam S. Martha Christo Jesu, ac matri erexit, In Æthiopia à Candace illa, cujus Eunuchum Philippus Act. 8. sacro fonte lustravit, templum Deiparæ extructum est regni præ excellentiæ, & miraculis olim nobile. Tungis Eburonum ædem B. Virgini consecravit S. Materius Episcopus S. Petri Apostoli discipulus à mortuis rediivus. Hæc cursim indicamus, ut Lector uberius tractata, probataque videat cap. 29. Quæ vero universè dicenda essent de infinitate prope templorum Deiparæ dicatarum, eodem illo capite compendio attigimus.

*Templa Deiparæ præcipua.*

Reliquum nunc est, ut singillatim, ac seorsim de templis B. Virgini erectis agamus: non de omnibus, ne de præcipuis quidem omnibus sed de nonnullis, ad quæ me vel structuræ magnificentia, vel fama miraculorum, vel adeuntium celebritas, vel privata quædam pietas allicit. Initium igitur faciemus à capite, & forte religionis urbe Roma; post ingrediemur Neapolim, tum plerasq; Italia urbes, & adjacentes insulas deinde Hispaniam, & quod super est Occidentis. Ad extremum Regiones eas percurramus, quæ pertinent ad Orientem solem.

*Cur aliæ quæ B. V. templa super idolorum*

Illud vero lectorem monitum velim, interdum Deiparæ templa super idolorum fanis à Christianis extructa, quod non absque Dei nutu factum arbitramur, ut perspicuum fiat omnibus quemadmodum, c. 29. monuimus, Dei-

param de Ethnicismo, & de Idololatria triumphasse, quippe quæ in eorum delubris, veluti in hostium arcibus expugnatis sui filii, suaque vexilla erexit.

Sed jam ad templa ipsa nominatim recensenda accedamus, initio factò ab urbe omnium principe, & Christianæ religionis sede primaria,

## TEMPLA DEIPARÆ in Urbe.

### S. MARIA MAIOR.

Inter alia in Urbe Deiparæ templa eminet illud S. Mariæ Majoris in Exquilis anno salutis 367. à Joanne Patrio Romano, ejusque conjuge ædificatum; qui quod liberis carerent Deiparæ suam hereditatem voverunt, à qua Nonis Augusti, cum maximi in Urbe calores esse solent, in iornis sunt admoniti, ut quem locum nive conspersum viderent, in eo Ecclesiam ædificarent, quæ suo nomini dedicaretur. Id quod Joannes ad Liberium tum Pontificem detulit, cui id ipsum Beata Mater per quietem eadem nocte edixerat, quare Liberius solemniter sacerdotum & populi supplicatione instituta, ad collem Esquilinum nive conspersum venit, locum Ecclesiæ designat quæ Joannis & uxoris pecunia est extructa. Eadem postea à Xisto III. anno 432. est restituta, sacrisque historiis musivo opere contextis, quæ adhuc extant, distincta. Id quod Adrianus I. Epistola ad Carolum Magnum pro cultu sanctarum imaginum refert his verbis: *Beatus Xistus Papa Basilicam sanctæ Dei Genitricis cognomento Majoris, quæ ad præsepe dicitur, tam in metallis aspreis, quam in divinis historiis, sacrisque decoravit imaginibus.* Ita ille. Est autem id templum multis decorum Religionis nostræ insignibus; nam & Præsepe Christi Domini, unde etiam Basilica nomen traxit, in ara exigui cujusdam sacelli ad levam templi reconditum erat, quod sacellum thesauri illius custodem, integrum cum præsepe anno Domini 1586. in aliud sacellum multo augustius, ornatusque transtulit Sixtus V.

In hoc etiam templo magno totius Urbis concursu, & religione coitit imago beata Virginis puerum Jesum in ulnis foventis à S. Luca depicta miraculis inclyta, atque illo im-

*S. Mariæ Majoris templum à Joanne Patricio conjuge ædificatum. Tempus Mariæ Majoris solum conspersum nive divinitus designatum.*

*Præsepe Christi Domini in templo S. Mariæ Majoris.*

*Idem B. V. templum aliis rationibus cele-*

herimum.

primis, quod à Sancto Gregorio saviente lue, per Urbem circumlata, ut capite vigesimo diximus, pettem depulsi: huic sicæ Imagini Paulus V, qui nunc clayum Reipublicæ Christianæ pietate, ac prudentia singulari tenet, ad templi dexteram facellum extuxit: è sacri regione præsepis longe nobilissimum, in quod imago illa translata splendidius colitur.

Eadem Basilica Sanctorum reliquiis locuples est multis, ac præclaris, corpore Sancti Mathiæ Apostoli, sanctæ Epaphræ, quem Apostolus vocat *conceptivum* suum, sanctarum item Romulæ, & Redemptæ virginum, quæ in ara maxima reconduntur: est etiam in clytym corpore sancti Hieronymi, quod ille esse translatum constanter anniversaria recordatione Martyrologium admonet die nono Maii. Adde alia pietatis decora, quod unum est ex quinque Urbis templis patriarchalibus, quæ hoc privilegio eminent, ut in eorum summo altari nullus Missæ sacrificium offerat, nisi ex speciali summi Pontificis auctoritate. Has autè quinq; Basilicas Patriarchales Joannes Monachus Piccardus Cardinalis, in *c. fundamenta, de elect. in 6.* refert his versiculis ex Onuphio de septem Eccles. cap. 1.

e funda-  
mentis, de  
elect. in 6.

*Paulus, Virgo, Petrus, Laurentius nîq; Joannes;  
Hi Patriarchatus nomen in Vrberenent.*

Hoc item templum unum est ex septem illis præcipuis, quæ magna religione ab indigenis, ac totius Orbis peregrinis obiri solent: item unum ex quatuor, quæ anno Jubilæi solemniter visitanda indicuntur, & peculiari porta insignè triumphantium instat, quæ semper clausa, illudumtaxat anno solemnæ cærimonie referatur. Nec Pontificum studium ad augendam ejus templi celebritatem defuit multis indulgentiis illud locupletantium, quæ in marmorea tabula publicè proposita leguntur: quindecim insuper dierum stationibus ibi solemniter institutis. præsertim die Nativitatis Domini propter præsepe, & ipso Paschæ is festo, quasi Ecclesia Parenti sanctissimæ gratuletur, quæ redivivum ab inferis natum prima conspexit. Quin etiam Basilica eadem supplicationibus, & litaniis jã inde à S. Gregorii Magni, & præcedentium Pontificum temporibus, ac deinceps sæpe deputari consuevit. Deniq; inter alias plurimas, easque nobiles Virginitatas Romæ Basilicas, hæc principem locum obtinet, ut propterea multis

etiam sit insignita nominibus. Dicta quippe est S. M. ad Præsepe, quod in ea Præsepe Christi Domini asservetur. Basilica Liberiana conditor S. Maria Major, quod cæteris dignitate præster, quare à S. Greg. I. II. reg. ep. 2. & 1. 4. Moral. c. 15. alijsq; per antonomasiam Dei Gehiticeis Ecclesia absolute appellatur. Et sane hæc B. Mater cereis accensis, nec absumpis illustrare solita erat, auctore Petro Cluniac. l. 2. mirac. c. 30. ex quo nos miraculum istud multis olim satis compertum, & exploratum commemoravim<sup>9</sup> supra in festo Assumptionis. In hac eadem Basilica S. Henricus Imper. ad Urbem veniens prima nocte excubare solebat ex Nauclero gener. 34. ubi & visionem quandam admirabilem semel consecutus est, quam nos uberius cap. 35. attulimus.

## S. MARIA TRANS TYBERIM.

S. Maria Trans Tyberim templorum ejusdem in Urbe antiquissimū insigni eruptionis olei prodigio Christi adventum præsignificante nobilitatum, & à S. Callisto Pp. & martyre, quæ admodum habet liber de Romanis Pontificibus, & Platina in Callisto annum Domini circiter 224. Alexandro Imperatore Dei Genitrici extructum eo in loco, ubi olim Taberna Meritoria erat, de qua in diebus Augusti, teste Paulo Orosio libro sexto capite vigesimo fons olei largissimus per totum diem fluxit, quo signo, inquit Orosius, quid evidentius, quam in diebus Augusti futura Christi, qui unctus interpretatur, Nativitas declarata est? Cumq; eo tempore, quo Cæsari perpetua Tribunitia potestas decreta est, Romæ fons olei per totum diem fluxit, hoc prodigio significatum est per totum diem, hoc est, per totum tempus Impetii Romani Christum, & ex eo Christianos, id est unctum, atque ex eo unctos de Meritoria Taberna hoc est de hospita, largaq; Ecclesia affluenter, atque incessabiliter processuros. hæc ex Orosio quæ eadem de olei fonte narrat Eusebius in chronico & Eutropius, qui vult oleum illud signum fuisse gratiæ Christi gentibus comunicandæ; huic historiæ, & illud fidem facit, quod cū circa annum 1130. tempore nemini Innocentii II. hujus Ecclesiæ fundamenta reficerentur, eodem in loco terra intus posita reperta est adhuc oleo madidus, quod habet tabella in eodem Templo exposita, & referunt Baronius 10. 2. annal. ad annū 224. & Pompeius Hugoni<sup>9</sup> in

19.  
S. Maria in  
Trans Ty-  
berim tem-  
plum à S.  
Callisto  
Pont. Co-  
mar. con-  
secratum:  
Liber de  
Romanis  
Pontific.  
Platina  
Ex ejusdē  
templi solo  
largissimus  
fons erupit

in lib. de Stationibus statione 16. quin etiam foramen illud, ex quo oleum scaturit, polito lapide circumcirca exornatum ad tanti prodigii memoriam visitur. Nec illud silentio prætereundum, quod cum Popinarii, hoc est il, qui obsonia, coctasque carnes vendebant, hunc Tabernæ Meritoria locum, teste Lampridio in Alexandro, ægide ferrent, à S. Callisto, & Christianis occupari, sibiq; vendicare contenderent, ab eodem Alexandro Imperatore tametsi Ethnicis, sunt rejecti, Christianisq; locus ille adjudicatus ex rescripto, quo respondit melius esse, ut quomodocumq; illic Deus colatur, quam ut Popinariis dedatur. Hæc uberius Baronius, tom. 2. annal. ad an. 224.

**Lampridius.**

**Alexander Imper.**

**Baronius.**

**Gregor. II. Pontif.**

**Anastasi-  
us biblio-  
thecarius.**

**Innocent.  
II. Pontif.**

**idem tem-  
plum mul-  
tis sancto-  
rum reli-  
quiis insi-  
gnitur.**

**Cant. I.**

**Gregorius  
IV. Pontif.**

**S. Maria à  
Clementia  
celebre in  
eodem tem-  
plo sacellum.**

Hanc Deiparæ Basilicam à S. Callisto dedicatam Gregor. II. circa annum salutis 735. teste Anastasio Bibliothecario penè de fundamentis dirutam novis fabricis cum tectis construxit, ac totam depinxit, multisq; Sanctorum corporibus insignivit. Innocentius II. teste Onuphrio sub altari summo recondidit corpora S. S. Pontificum Callisti, Cornelii, & Julii Calepodi ite Presbyteri, & Quirini Episcopi, ac martyris ex cœmiterio Callisti, & Catacumbis translata, & additis Indulgentiis, altare majus prope fontem olei excitatum solenni ritu consecravit. Adde S. Callistum, qui hanc Ecclesiam excitavit, eam titulum Urbis Romæ, id est Patriciam instituisse, & ab eo titulum Callisti esse vocatum. Quin etiam inter titulos Cardinalium primo loco recenseri solitam, certas quoq; stationes ad id templum esse decretas, præsertim feria quinta post Dominicam quartam Quadragesimæ, & die ipso Circumcisionis, idq; jure optimo, ut quo die sanctissimum Jesu nomē impostum est Christo, cui in Canticis c. 1. dicitur, *oleum effusum nomen tuum.* eodem ipso die statio ad illud templum instituat, unde fons olei uberrimam Christi gratiam præsignificantis largissimè effluxit.

Gregorius verò IV. qui sedit anno Domini 828 Monachos ibi constituit, cujus monasterii, quod B. Cornelio P. pæ dedicavit, diu vestigia supersuere. Sacellum item in hac Basilica instar illius, quod in S. Maria Majore Christi Præsepio erat dicatum, magnificè extruxit, atque auro & argento exornavit. Ad lævam hujus Templi Sacellum extat Deiparæ Imagini, cui nomen est à Clementia, insignitum, quæ miraculis claruit; nam in magna cæli, atq; terræ siccitate cum populi supplicatione circumlata

pluvia copiam est elargita: ad hæc, cum magna inter eos, qui cis Tiberim, & illos, qui trans Tiberim debebant, discordia intercederet, precibus coram hac imagine ad Deiparam fuis, est sublata.

### S. MARIA ANGELORVM in Thermis.

S. Maria Angelorum in Thermis Diocletiana in Quirinali. Hoc templum spatii magnitudine, structuræ immensitate, & insigni forma ob amplissimæ, ac perfectæ crucis figuram in primis admirabile, ac præclarum, altissimis fornicibus, & ingenti luminis claritate maxime jucundum, ac peramœnum; multorum millium martyrum sudore, qui in hac ingenti mole construenda in servorum morem laborare sunt coacti, sanctum, ac venerabile; memoria Deiparæ, & Angelorum, præsertim septem Principum Throno Dei altarium, quibus est dicatum, sanè inclytum, ac celebre; hoc, in qua, Templum divino consilio peculiari quadam ratione extructum, atq; erectum videtur: cujus historiam in eo, quod de septem Principibus Angelorum conscriptum opere ulterius explicatam, in præsentia summam perstringemus, & ut de ejusmodi Thermis, quod ad nostram facit, aliquid præmittamus. Erant ex immensa sane mole, ac præ incredibile amplitudine, ut Marcellinus l. 10. loquitur in modum provinciarum extructa; quibus exstruendis septem ipsos annos ad 40. Christianorum milia (quemadmodum Bartholomæus Marlianus l. 5. Topographiæ Urbis c. 20. & Andreas Fulvius in Thermis Diocletianis affirmant) veluti servi ascripti Thermarum operibus sunt incipati. Cum enim ann. Christi 298. (is fuit 15. Diocletiani, quo Thermæ auctore Eusebio in chron. edificari cœpæ sunt) ejusdem Diocletiani, & Maximiani consilio omnes ubiq; politæ legiones lustrarentur, qui in eisdem reperti sunt Christiani milites, exuti militia, ac vinciti Romam perducti, Thermarum operi sunt ad dicti. Absolutis verò Thermis, quod eorum ingens esset numerus, ne quid in imperium molirentur, ducti extra portam trigeminam, nunc S. Pauli, tertio ab urbe lapide in convexo valis, in loco, qui dicitur *Gutta jugiter manans* ad Aquas Salyias omnes die 9. Julii præclaro martyro sunt coronati. Hi fuere Sancti

20.  
S. Maria  
Angelorum  
in Thermis

Liber de  
septem Prin-  
cipibus An-  
gelorum.

Marcelli-  
nus.

Bartholo-  
mæus Mar-  
cellianus.

Andreas  
Fulvius.

Tommas  
Diocletia-  
ni militum  
martyrum  
labore lib-  
erata.

Eusebius.

Sep-  
tel-  
m-  
hor-  
per-

Sep-  
tel-  
ta-  
ton-

Ca-  
de-  
m-

Zeno

S. Zenonis  
Tribunus  
c. 10203.  
sociorum  
martyrii.

Zeno Tribunus, ac decem milia ducenti tres socii, quorum reliquæ in proximo templo, quod B. Maria scilicet dicitur, prope Templum SS. Vincentii, & Anastasii, de quo infra repetitæ visuntur; de quibus Baron. in notis ad Martyrologium die 9. Julii, & tom. 2. Annal. ad an. 298. qui illud etiam observat, reliquis Imperatorum Thermis collapsis, vel propemodum dirutis, Thermarum tamen Diocletiani potissimam partem, quod Christianorum labore steterent, tot secula perdurasse, & in Basilicam Dei Genitricis, & Angelorum religiose fuisse conversam. Nec illud silentio prætereundum, quo Pompejus Hugenius I. de Stationibus Urbis statione 25. scribit in lateribus Thermarum ruinis interdum crucis signum repertum fuisse incisum; & sua ætate fuisse aliquos, qui id se se spectasse testati sunt, quod aperte ostendit lateres illos non nisi à Christianis ad id opus damnatis effici potuisse. Quin etiam Antonius Duca, de quo mox plura, Thermarum Architectum reperisse se ait fuisse Christianum, ideoque Thermas figura septiformi, & latissimis crucibus in superiori parte insignivisse: hinc factum est, ut locus ille præcis illis Christianis semper venerationi fuerit: nam & in quadam Thermarum parte S. Cyriaco templum titulo Cardinalis exornatum, cujus vestigia adhuc visuntur, est erectum, ad quod statio erat feria 2. Dominica in passione, sed cum præ vetustate corruiisset, Sixtus IV. auctore Onuphrio in lib. de septem Ecclesiis, titulum & Stationem ad templum SS. Quirici, & Julitæ transtulit. His igitur, quæ ad majorem Thermarum sanctitatem declarandam facere videbantur expositis, subjiciamus nunc, quæ ratione in templum Deiparæ Angelorum conversæ sint.

**Septem Angelorum** 21. Cum Panhormi celebri Urbe Siciliæ an. 1516 in quodam per vetusto templo, quod S. Angeli dicebatur, septem sanctorum Angelorum ante conspectum Dei astantium. Imagines habitu, & aspectu venerabiles, cum eorundem insignibus ac nominibus in pariete depictæ casu repertæ essent; Cumque ea occasione, magna Panhormi omnium ordinum in hos 7. Angelorum Principes pietas esset excitata, ita ut templum illud septem Angelorum nomine diceretur, & Monialium orationis S. Francisci de Paula nobile cœnobium ibidem extrueretur; Antonius Duca Sacerdos natione Siculus, patria Cephaludensis, vir innocentia laude conspicu-

us hujus templi septem Angelorum Panhormitani Rector, propagandi cultus eorum uideri septem Angelorum impensè sollicitus, annum Domini circiter 1527. Romam contendit, omnemque movit lapidem, ut Pontificis auctoritate in urbe, arce ipsa pietatis, templum aliquod in eorum honorem excitaretur, qui sæpe irrito conaturum aggressus, sæpe Dei instinctu repetito cursu, ne difficultatibus frangeretur, quæpiam hominis studium retardabant, ad opus persequendum, & promovendum divinitus esse confirmatus.

Enim vero anno Domini 1541. die 7. mensis Septembris, cum post panis, & aquæ jejunia è strato surgeret sacrum Missæ sacrificium oblaturus, visus est sibi intra Diocletiani Thermas esse, easque intueri, simulque quodam lumine sibi significari, Thermas illas templum esse septem spirituum ante Deum astantium; hanc revelationis, quam biennio post Venetis primus, postea Romæ anno 1555. typis divulgavit, mentio fit in eius sepulchro, quod in hoc templo extat. Ea visione maxime confirmatus cum Bartholomæo Salucio postea Montis Regalis Episcopo ad Thermas quæ, quod ab Urbis frequentia longius abessent, ludendi locus erant, ac facinororum hominum receptaculum, se contulit, in quarum edificio 14. veluti sacella invenit: septem quidem ex parte Orientali, quibus jam tum singula nomina septem Angelorum, quæ Panhormi reperta sunt, singulis facellis, rubris litteris, quas sæpe legimus, inscripta sunt S. Michael, S. Gabriel, S. Raphael, S. Uriel, S. Seraphiel, S. Jehudiel, & S. Barachiel: ex parte verò Occidentali septem Martyribus, qui in S. Marcelli actis apud Surium tom. 1. in constructione Thermarum leguntur, totidem sacella attribuit, eorumque nomina iisdem facellis inscripta; ii sunt S. Marcellus Papa, S. Cyriacus, Silvanus, Largus, Sinaragdus, Diaconi, S. Saturninus senex, & S. Thrasion, qui suis facultatibus Christianos in Thermis laborantes a se ab eorum memoria die 11. Dec. in Martyrol. Rom. adnotatur. Itaque hac visione Antonius vehementer accensus majori studio Sanctorum 7. Angelorum templum apud Paulum III. supplicibus libellis eidem sæpe traditis procurabat. Tandem an. Christi 1550. Antonio id à Julio III. qui in demortui Pauli III. locum successerat, exire contendente, res omnis Philippo Archinto Urbis Vicario à summo Pontifice est demandata. Is eodem Approbante Pontifice

Antonii  
Duca visa

Septem  
Angelorum  
nomina.

Pppp decre-

*S. Maria  
Angelorum  
templum  
in Thermis  
per Antonium  
Ducam  
aedificatum.*

decreto sanxit, ut Diocletianæ Thermæ in templum B. Virginis, & septem Angelorum dicarentur: eodemq; decreto, (quod in Archivio PP. Carthusianorum Romæ asservatur) operis procurationem societati sanctissimæ Trinitatis commisit. Itaq; Thermæ die 15 Aug. ejusdem anni per Episcopum Sebastenum in honorem S. Mariæ Angelorum, & Martyrum sunt dicatæ duæ aræ ibidem erectæ, & sacra quotidie celebrari cœpta. Sed cum res quorundam improbitate, qui postea ultore Deo suæ temeritatis luerunt pœnas, parum feliciter processisset; Aræ quoq; cum ornamentis exturbatæ essent, neq; earum restituendarum spes esset ulla; iterum an. 1555 alia visione est erectus, qua eidem significabatur divino decreto Thermas in septem Angelorum templum consecrandas, sed cum bellorum occasione, aliisq; de causis protracta res esset; pervicit tandem constantis animi pietas. Nam Pius IV. Pontifex Maximus anno 1560. Antonium Ducam ad se accivit, ab eoq; de visionibus, quas super ea re habuerat, admonitus, quantum etiam tot annorum labore perfecisset, edoctus, ejusmodi opus maxime piæ ipse complectitur: negotium dat Michaeli Angelo Bonarotæ nobili in primis Architecto, templi in Thermis describendi, translatisq; illuc ad curam templi è cœnobio S. Crucis in Jerusalem religiosissimis Patribus Carthusianæ familiæ, ara lignea in medio templi excitata, temploq; pretiosissimis pontificis aulæis exornato, reliquis etiam rebus, pro temporis angustia ritè compositis, Pontifex ipse indè Cardinalium Capella die 5. Aug. 1561. præsentibus Cardinalibus universa Curia, & populo Rom. pontificis vestibus ornatus Thermas in honorem S. Mariæ Angelorum, solemnibus additis comprecationibus dedicavit. Factum est ibi sacrum Pontificali ritu; quanquam in diplomate de cœnobio à Monachis extruendo vocatur tēplum B. Virginis, & omnium Angelorum, & Martyrum, quod moles illa Martyrum sudore sit facta. Hi verò versus abside incipiti leguntur.

*Quod fuit Idolum, nunc templum est Virginis,  
Auctor*

*Est pater ipse Pius: daemones aufugite.*

Dicato templo Pontifex titulum Cardinalitium attribuit, statimq; decrevit sabbato post tertiam Dominicam Quadragesimæ, quo die statio est ad S. Susannam, quæ in ea est vi-

cinia. Idemq; templum compluribus Indulgentiis, sed præsertim iis, quæ sunt in S. Cruce Jerusalem, ubi prius erant Patres Carthusiani, auctum esse voluit Antonius Duca senio confectus, & voti compos viso templo, quod tantopere desideraverat, totq; laboribus procuraverat, lætus ex hac vita migravit, primusq; in eo templo ad gradus altaris summi sepelitur. Onuphrius in l. de septem Ecclesiis testatur huc Thermarum dedicationi à Pio IV. factæ se interfuisse, ipsumq; Pontificem hanc Ecclesiam mirum in modum exornare constituisse, sed morte præventum id opus imperfectum reliquisse. Gregorius XIII. templi pavementum sternendum curavit, ubi aliquot etiam facella magnificè exornari cœpta sunt.

#### S. MARIA IN PORTICU.

S. Maria in Porticu propè theatrum Marcelli. Hic domus erat S. Gallæ viduæ Symmachii Consulis & Patritii filia à Theodorico Rege Ariano interfecti; quæ teste S. Fulgentio Episcopo Ruspensi in Epistola ad eandem Avonem Patre Socero, Genere, consulis clarissima, intra unius anni spatium marito, cui primum nupserat, est orbara, secundas vero nuptias constantissimè recusavit, ad quas eam, ut scribit S. Gregor. l. 4. Dialog. c. 13. vocabant, & opes, & ætas, & deformitas barbæ, quam medici propter igneam quandam corporis conspersionem nisi nuberet, emissurâ eam fuisse prædicebant. Itaq; divinis rebus intenta, dum pauperes duodecim quotidie prandio excipit, ejus domum Angelicis manibus delata est Deiparæ filium in ulnis fovens imago, aureis lineis in lapide pretioso zaphirino Angelorum manibus, ut pie creditur, efformata, & multa luce circumfusa, cujus splendore vehementer commota S. Joannem Pont. ejus nominis I. martyr. o postea inclytum, tora de re commonefecit. Is cum ejus domum venisset, fufus ad Deum precibus, campanis nullo impulsu, sed sua sponte tota urbe concrepantibus, in aère suspensam Imaginem admirabundus conspexit, quæ ab Angelis in ejus est deposita manibus. Atq; eo ipso die B. Virginis beneficio, quæ tota urbe grassabatur, pestis abacta est: quare S. Gallæ in suis ipsa edibus templum hoc Christo, ejusq; Genetrici posuit, quod vulgò dicitur à Porticu, propter Porticum Octaviæ Marcelli matris, & Augusti fororis olim ibi sitam; sacra verò Imago eo ipso

22.  
S. Maria  
in Porticu  
templum  
in domo S.  
Gallæ viduæ  
extirpatum.

Imago Deiparæ  
S. Gallæ  
in Porticu  
delata.

S. Maria  
in Porticu  
unde dicitur

in loco ubi primum apparuit, collocatur. Et Gallia, inquit Gregorius loco citato, *ab ipso seculari habitu, ad Omnipotentis Dei servitutem sese apud B. Petri Apostoli Ecclesiam monasterio tradidit, ibiq; multo annis simplicitati cordis, & orationi dedita, larga indigentibus elemosinarum opera impendit, quæ postea ante obitum S. Petri visione mirificè est recreata.* hæc ex Gregorio. Hoc idem templum, ut videre est in lapide in summo altari collocato, vetustate pene collapsum Gregorius VII. restauravit, & consecravit, cujus etiam tempore nobile illud Ciborium, quod adhuc visitur, extractum fuisse existimatur, in quo sacra Imago supernè est reposita: in fronte verò Ciborii illi versus musivo opere extant, ex quibus pleraq; eorum, quæ hæcenus commemoravimus, indicantur.

*Hic est illa pia Genetricis Imago MARIÆ, Quæ discumbenti Gallia patuit messenti.*

*Per eandem imaginem pestis ab urbe depellitur.*

*Per eandem imaginem ab alio periculo urbis liberatur.*

*Eandem imaginem ludæi duo contemnentes, illud dantes pœnas.*

Ad ejsdem quoq; Imaginis commendationem facit, quod nulla temporum injuria læsa, in tot urbis incendiis, in tot hostium direptionibus inviolata perstiterit. Addam ad eam emulorationem quandam ab iis, qui eo conflant, recitandam, & ibidem jam pridem expositam, quæ hujus Imaginis dignitatem ponit ob oculos, est autem ejusmodi.

*Oratio, quæ in S. Maria in Porticu habetur.*

*Omnipotens sempiternæ Deus, qui legem Moysi digito tuo in tabula lapideâ scriptam adisti, & serpentem aeneum in eremo exaltari fecisti, concede quaesumus, ut hæc sacratissimam Genetricis Filii tui incarnationem opere tuo formatam. Et in hoc templo per sanctos Angelos tuos mirabiliter exaltatam devotè veneremur, cujus incuita à mortifera antiqui serpentis peste, & à quibuscumq; aliis corporalibus læsionibus liberemur. Per eundem Dominum nostrum Jesum Christum, &c.*

*Oratio ad S. Mariam in Porticu.*

*S. MARIA ARA COELI.*

S. Maria Ara cœli in Capitolio, ubi olim Jovis Feretrii fanum, Ejusmodi Deiparæ templum, cui FF. Minorum de Observantia nobile cœnobium nuac est adjunctum, in ea Capitolii parte situm est, ubi Octavianus Augustus, provectiori jam ætate, accepto à Pythio Apolline responso de puero hebræo, eodemq; Deo, ac omnium Domino ipsi in tartara detrudente Romam ex Oriente reversus, Aram maximam auctore Nicephoro l. i. c. 17 extruxit, eum ejusmodi latina inscriptione ARA PRIMOGENITI DEI, qua de re nos c. 23. In hoc templo imago Deiparæ à S. Luca depicta in summo altari magna pietate colitur: ibidem etiam lapis visitur insignis pedum vestigiis ab Angelo impressis, qui Romæ humana specie aliquando apparuit. Cùm autem in Urbe ex Onuphrio in l. de septem Ecclesiis in S. Joanne Viginti, ex Baronio verò in notis ad Martyrologium diei Novem. & die 5. Decemb. viginti duo essent Cœnobia, seu Abbatiæ, quarum Abbates in præcipuis quibusdam celebratibus summo Pontifici celebranti aderant, hæc Ecclesia Ara cœli, auctore eodem Onuphrio una erat ex illis Abbatiiis, quam postea Leo X anno 1516. Cardinalis titulum instituit.

*22. S. Maria Ara cœli in Capitolio.*

*Angelus humana specie apparens pedum vestigia in lapide impressit.*



S. MARIA AD MARTYRES  
seu Rotunda.

24.  
Structura  
templi S.  
Maria Ro-  
tunda.

S. Maria ad Martyres, quæ vulgò à structura figura Rotunda dicitur, olim fuit Ethnicorū celebre delubrum à M. Agrippa Augusti genero, anno ab Urbe condita 727. excitatum, ac biennio post auctore Dionæ absolutum, idemq; teste Plinio l. 36. c. 15. propter extinctum civile bellum, M. Antonio, & Cleopatra ad Actiacū promontorium ab Augusto superatis, Jovi Ultori dicatum, dictum est autem Pantheon: *Quod in simulachris Marsis & Veneris*, inquit Dio lib. 53. histor. Romanæ, *multas Decorum imagines acciperet, ut verò mihi videtur, quod forma convexa fastigiatam Celi similitudinem ostenderet*, sic ille. Cum verò Titi tempore conflagrasset, à Domitiano, ut auctor est Cassiodorus, restitutum est, nec multo post sub Trajano fulmine ictum ab Agriano, teste Spartiano, restauratur, postmodum à Septimio Severo, &

idem tem-  
plum plu-  
rimis san-  
ctorum ve-  
liquiis à  
Bonifacio  
IV. Pont.  
insignitur.

M. Aurelio Antonino, ut videre est in ejusdem templi inscriptione, cum omni cultu est restitutum. Anno verò salutis 607. Bonifacius Papa IV. ab idololatriæ sordibus expurgatum delatis in illud ex variis Urbis cœmeteriis octo & viginti eunibus onustis ossibus martyrum, iisq; propè summum altare ad ejus dexteram decenter collocatis, Dei Genetrici, & omnibus Martyribus die 13. Maji consecravit solenni, ac peculiari instituta festiuitate, ejus meminit Martyrologium, & adhuc Romæ ea die recolitur in hoc templo, quod propterea S. Maria ad Martyres est appellatum, ut videre est in Stationibus missalis terra 6. post Pascha. Eam festiuitatem postmodum Gregorius IV. qui anno 827. Pontificatum inivit, in honorem non tantum Martyrum, sed omnium etiam Sanctorum die 1. Novemb. in universa Ecclesia celebrem esse decrevit, quemadmodum supra in hoc eodem c. diximus, ad idem templum tolemnis statio habetur feria 6. infra octavam Paschæ.

S. MARIA IN VIA LATA.

25.  
S. Mariæ in  
via lata  
templum.

S. Maria in Via Lata inter præcipuas Cardinalium Diaconias, ubi hospitium olim fuit S. Pauli Apostoli, ejus habitazione, ac rebus ibidem gestis clarissimum, in hoc siquidem loco conducto, de quo Act. 28. idem Apostolus pro-

pter Christi confessionem catena circumdatus mansit biennio toto cum custodiente se milite, omnibus ad se aduentibus prædicans regnum Dei, & Christi fidem, ideoq; complures dedit Epistolas, ad Ephesios, ad Philipenses, secundam ad Thimotheum, ad Philemonem, in quibus suorum vinculorum meminit; item Epistolam ad Hebræos; quin etiam Dominus sua visitatione, & confortatione hoc in loco cum dignatus est. Nam 2. ad Tim. 4. agens de hac prima sua defensione. *Dominus*, inquit, *mibi astitit qui confortavit me*. de hoc S. Pauli hospicio in S. Maria via lata extat ibi memoria in lapide exarata. Eiusdem hospitii meminit Baron. tom. 1. Annal. ad Annum Domini 59. ibidem quoq; S. Lucas Evang. individuus comes Apostoli historiam Actuum Apostolorum, quæ ad biennium Romæ commorantis Pauli pervenit, conscripsisse existimatur. In hujus templi summo altari imago Deiparæ, quæ anulum gestat in digito, à S. Luca depicta religiose alleitur.

S. MARIA SCHOLA GRÆCÆ.

S. Maria Schola Græcæ in Delubro, ubi Ethnicorum tempore erat Ara, quæ vocabatur Maxima: ad hanc fontes ad veritatem iurejurando testandam adducebantur: cum verò ejusmodi Ara propè os cujusdam cloacæ sita esset, factum est, ut lapis ille perforatus, atq; ori cloacæ superpositus nostra ætate vulgò *Os veritatis*, appellaretur: nomen verò Scholæ Græcæ huic templo inditum videtur à proximo literarum græcarum Gymnasio. S. Dionysius Papa circa an. Domini 260. Donum suam, quæ eo in loco erat, in Ecclesiæ formam redegit, quæ à Deipara nomen accepit. Eam verò vetustate collapsam Stephanus III. Papa restituendam curavit, cum in Gallis desperato jam valetudine à S. Dionysio Areopagita in eorum civitate ann. 714. esset consecutus, ut videre licet apud Sur. to. 5. ad calcem vitæ ejusdem S. Dionysii: tandem eam Stephani obitum Paulus I. Pont. ejusdem Stephani frater compluribus SS. corporibus ibi reconditis, in honore SS. Dionysii Areopagite & Sociorum perfecit, & coniecrauit: mox Adrianus I. anno 772. illam misericordè exornavit, ut ab ædis ornata dicitur Sancta Maria in Cosmedin. In ejusdem templi facellum jussu Pii V. Pontificis transiata est Deiparæ

S. Pauli  
hospitium  
laberant.

S. Mariæ  
in Cosme-  
din  
Schola  
Græcæ.

Infirmus  
Stephanus  
Pont. à S.  
Dionysio  
Areopagi-  
ta inveni-  
mitur.

S. Mariæ  
templum

Deiparæ imago, quæ in ejuſdã domus pariete depicta multis clarebat miraculis deniq; inter antiquas Cardinalium Diaconias recenſetur.

## S. MARIA A PALMIS.

S. Maria in  
Palmis ſi  
ve in plan-  
tiis.

Surius S.  
Stephani I.  
Pont. Es-  
mari, præ-  
cipuus Mar-  
tiæ ſimula-  
crum con-  
titus S.  
Laurenti-  
um.

Chriſtus S.  
Petro ap-  
parens pe-  
dum veſti-  
gias lapi-  
de impre-  
mit.  
Baronius  
Reginald.  
Polus Car-  
dinalis.

S. Maria à Palmis via Appiæ extra portam Capenam, (nunc S. Sebaſtiani) ſic dicta, à Palmiarum multitudine, quæ ibi olim erat cum Templo Martis, ad quod duo Papæ, & martyres Stephanus & deinde Chriſtus II. ut illi ſimulacro ſacificarent ſunt pertracti, quemadmodum in eorundem actis legitur apud Surium tom. 4. & Stephani quidem præcipuus Martis Statua terræ motu concidit templumque contremuit. S. Xifto vero inde redeunt occurrunt S. Laurentius, qui ab eo de theſauris Eccleſiæ in pauperes diſtribuendis mandatum accepit. Hoc in loco, quemadmodum per vetus pictura ſupra templi fores indicat, Chriſtus S. Petro Neronis rabiem fugienti occurrunt, eidemq; roganti, Domine quo vadis? reſpondit. Romam iterum crucifigi, atq; in lapide pedum ſuorum veſtigia impreſſit: unde factum eſt, ut Eccleſia hæc S. Maria à Palmis dicta etiam ſit S. vero Petrus intellexit Chriſtum iterum crucifigendum eſſe in ſervulo, quare ad martyrium fortiter ſubeundum rediit; lapis autem Chriſti Domini veſtigis nobilitatus in proximo S. Sebaſtiani templo præſervatur. Hanc hiftoriam Ambroſius in Auxentium de baſili. non tradendis, Gregorius in pl. 4. poenitent. & alii tradunt vide Baronium tom. 1. Annal. ad annum Chriſti 69. Cum autem hoc templum præ vetuſtate ruinam minari videretur Reginaldus Polus Cardinalis Anglus, ne tam inſignis Chriſti apparitionis memoria, cum templo pariter interiret, Sacellum aliud forma rotundum paulo ſuperius eadem via Appiæ exaſtavit, cui nomen inditum, Domine quo vadis. Cardinalis vero Toletus hoc ipſum Deiparæ templum pro ſua in Virginis pietate teſticere coepit, verum perficere, & ſplendorem reſtituere per mortem non licuit.

S. MARIA ANNUNTIATA  
extra Urbem maniam.

S. Maria  
Annunc.  
templum

S. Maria Annunciata ad tertium ab urbe lapidem ſub cura, & protectione ſodalitatis facti Conſalonis in via, qua à tribus fontibus

itur ad S. Sebaſtianum. Hæc ſatis antiqua eſt, & una ex illis novem urbis Eccleſiis, quæ pietatis ergo obiri ſolent. Et anno 320. Honorio II. Pontifice ſolemni ritu eſt conſecrata plurimis in ejus altari reliquiis reſpoſitis, compluribus item indulgentiis eam viſitantibus conceſſis, quemadmodum in lapidis ibidem expoſiti inſcriptione legitur.

## S. MARIA IN DOMINICA

S. Maria in Dominica in monte Cælio, ubi olim manſiones Albanæ, quas Tullus Hoſtilius Alba everſa Albinis ad habitandum aſſignavit; ſic appellatur, vel à conditricem Dominica vel à S. Cyriacæ domo, quæ ex actis S. Laurentii erat in monte Cælio, ubi poſtea forte hoc templum eſt conſtructum (Cyriacæ enim latine idem eſt, quod Dominica) vel quod ſtatio ad eam ſit Dominica & Quadr. ut hoc titulo ab aliis Deiparæ Templis dignoſcatur, appellatur etiam à Navicella propter lapideam Naviculam pro templi foribus poſitam, ſive ad monumentum miraculi, vel beneficii à Virgine in aliquo inter undas collati, ſive ad ejuſdem templi ornatum. Hæc inter Cardinalium Diaconias præcipua fuiſſe videtur, in ea enim ex Onophr. c. 3. de ſeptem Eccleſiis Archidiaconus Cardinalis reſidebat, eandem ſua antiquitate venerabilem, & jam ruinam proximam Paſchalis Leuca annum Domini 877. auctore Anaſtaſio in ejus vita, ampliorum, meliorumq; à fundamentis renovavit, abſideſq; ejus muſivo opere muſicæ decoravit, eiq; multa dona obtulit: poſtmodum Leo X. adhuc Cardinalis circa annum 1510. eam teſte Blondo, brevi ruituram reſecit: mox Pontifex creatus ipſam majori ſplendore reſtituit, atque eleganti laqueari exornavit.

25.  
S. Maria in  
Dominica,  
ſive in Na-  
vicella.

Paſchalis  
I. Pont. A-  
naſtaſ.

## S. MARIA DE POPULO.

S. Maria de Populo ſub colle Hortulorum Religioſiſſimi Ordinis E. emitarum S. Auguſtini piſſima ejuſdem Deiparæ imagine à S. Luca depicta, nobilitata hoc in loco ſubter Nuceis arbore cineres impuſſimi, ac ſceleſtiſſimi Neronis, qui primus in Chriſtianos perſecutionem movit, condebantur, indeq; demones tanquam ex proprio depoſitionis, qui illac præteribant, mirum in modum erant inſecti quate Paſchalis II. anno 1099. ubi hæc divinitus

S. Maria de  
Populo ſub  
colle hor-  
tulorum.  
Neronis  
Imperator,  
cineris à  
demonibus  
cuſtodit in  
Tyberina

*dejecit  
tur Pasch.  
II. Pont.*

cognovisset, indicta supplicatione ad locum accessit, Nucem præcidi, ac impios cineres in Tyberim projici jussit, aramque extruxit, quam multis in ea reconditis reliquiis consecravit. Gregorius IX. circa annum Domini 1227. Imaginem Deiparæ à Sancto Luca depictam ex loco, qui dicitur *Sancta Sanctorum* perlatham cum omni clero ac populo in hoc templo reposuit. Sixtus V. eidem templo titulum Cardinalium dedit, septem altaria instar Templorum S. Petri, & Pauli designavit, easdemque indulgentias quas habet sancti Sebastiani templum est largitus; utque eorum commoditati, qui septem urbis Ecclesias obeunt; consuleret eis potestatem fecit, ut loco sancti Sebastiani hanc Ecclesiam visitarent.

#### S. MARIA SUPER MINERVAM.

**S.** Maria supra Minervam sic dicta à proximo Minervæ Chalcidicæ delubro, quod Pompejus Magnus, auctore Plinio libro 7. capit 26. Michridatico bello confecto, multisque Regnis ac gentibus in Romani Imperii ditionem redactis, ex hostium manibus decavit: ejus delubri vestigia in hortis cœnobii sacri Ordinis Prædicatorum, quibus hoc Deiparæ templum est demandatum, adhuc cernuntur. Paulus IV. hoc Templum Cardinalium titulo insignivit. In eodem Deiparæ Templo ad lævam summi altaris sacellum pulchre exstructum cum religiofissima Deiparæ imagine extat, in quo florentissima, & nunquam satis laudata Rosarii sodalitas in Urbe est erecta: in ejusdemq. sacelli ara corpus reconditur S. Catharinæ Senensis virginis præclarissimæ ex tertio ordine Prædicatorum, cujus opera in Gregorio XI revocando ex Galliis in urbem magno Reipublicæ Christianæ bono singulariter eluxit, de qua uberius nos in tract. de Virg. Ibi dem aliud quoque sacellum à Joanne Turrecremata Cardinali Ordinis Prædicatorum viro doctissimo B. Virgini Annuntiatæ dicatum est; ubi ab eodem sodalitas est instituta, quæ compluribus puellis nubilibus dorem assignat, quam summus Pontifex solempni pompa in illud templum veniens die ipso Annuntiationis Beatæ Virginis suis manibus eidem distribuit.

*Tract. de  
Virg. Joann.  
nes Turre-  
cremata  
Cardinal.*

#### S. MARIA IN VIA.

**S.** Maria in Via religiofissimi ordinis Servitarum Templi hujus, ac nominis ea fuit occasio: cum anno salutis 285. Innocentio IV. pontifice Deiparæ imago quædam in tegula depicta per imprudentiam injecta esset in puteum, qui quidem puteus ad equorum stabulum, ac prope viam publicam (unde templi nomen traxit originem) situs erat in aedibus Cardinalis Petri Capocci: nocte quadam exundantibus putei aquis, & equi ipsum inundantibus, equorum strepitu exciti famuli eam imaginem aquis supernatantem conspexerunt: aditum eadere Cardinalem docent, qui magna pietate, ac reverentia Deiparæ simulacrum domi suæ primo reposuit; mox Innocentii Pontificis jussu ibidem à fundamentis excitavit ædiculam, in qua imago est collocata: tandem Patres Servitæ in amplio rem formam extruxerunt. Puteus vero ille intra templum conclusit. Eundem in puteum conjectum est lapidis frustum ex fonte Jacob, super quem nimirum Christus Dominus Samaritanam alloquens confederat: quocirca ad pietatis, ac fidei significationem ea ex aqua ægroti potissimum bibunt; & feria sexta Dominicæ tertiæ Quadragesimæ, cum legitur Samaritanæ Evangelium, eo in Templo Indulgentia plenaria est posita.

*S. Maria in  
Via tem-  
plum.*

*Deiparæ  
imago in  
puteum  
projecta,  
superflua  
entibus  
maribus  
aquâ viti-  
pissur.*

*Joan. 4.*

**VARIA IN URBE DEIPARÆ** templa Sanctorum reliquis, vel aliqua alia ratione insignia,

#### S. MARIA NOVA.

**S.** Maria Nova in foro Romano, ubi olim S. Maria Solis, & Lucæ Faunum prope ruinas Templi Pacis à Vespasiano magnificentissime extructi. Ea Deiparæ Ecclesia adjutium no. habet cœnobium religiofissimorum Patrum montis Oliveti, in cujus hortis, auctore Andrea Fulvio, extant vestigia ædicularum Iliidis & Serapidis: cumque antea diceretur Sancta Maria Vetus, postmodum à Joanne Pontifice VII. Pontifice annum Domini circiter 705. restituta, & exornata, exinde Nova appellata est, in ejus summo altari imago Deiparæ à sancta Luca coloribus expressa à Troas de hoc delata pie colitur; quæ, cum templum hoc

*Deiparæ  
templi  
in fo-  
rum  
à S. S.  
stro  
fice  
pau-*

*Andria  
Fulvius  
Joan. 7.  
Pontifex  
Deiparæ  
imago à  
sancti  
no. laudat.*

hoc Honorio, III. Pontifice confis. graff. r. nihil ex incendio est passus. Gregorius V. Pontifex annum circiter 995 corpora sanctorum marie tyri Nemesii Diaconi, Lucille virginis filie, Synphroni, Olympii Tribuni, Exuperie eius uxoris, & Theoduli filij, de quibus in martyrologio die 31. Octobr. recondidit. Ante idem vero Altare sub fere cruce corpus S. Franciscæ Romanæ viduæ pietate, & miraculis clarissimæ asseruatur, quæ religioissimarum sororum à Turri Speculorum vulgo dictarum Fundaricem Paulus V. Pont. Max. anno 1603 in Sanctorum catalogum retulit, in eodem quoque Templo, quod est una ex antiquis Cardinalium Diaconis, lapis visitatur, in quo S. Petrus suæ genuesionis vestigia reliquit. *Cum* (ut verbis utar S. Maximi hom. 5. de SS. Petro & Paulo) *fixis genibus Dominum est precatus, & Simonem Magum magicis artibus volantem velum unctum de sublimi Aere deposuit, & quodam præcipitio in saxo elidens ejus crura contregit.* E regione Sanctæ Mariæ Novæ in monte ipso Palatino olim erat Ecclesia Deiparæ dicta in Pallara, nunc omnino diruta, & vitibus oblita, quæ, teste Onuphrio de septem Ecclesiis una erat ex viginti illis Urbis Aobatibus, ubi, inquit Onuphrius, fuit agituratus S. Sebastianus dicebatur autem in Pallara à Palladio, quod Diomedes ex atre Trojana sublatum, superstitione postea adductus Æneæ restituit, & in proximo Vestæ delubro, auctore Andrea Fulvio, ubi de foro Romano. à Virginibus Vestalibus custodiebatur.

### S. MARIA LIBERA NOS A penis inferni.

*Deipara templum in foro Romano, nunc à S. Sylvestro Pontifice nomen patuit.*

S. Maria cognomeno libera nos à pœnis inferni in foro Romano ubi olim sanum erat Jovis Statoris. In hoc loco aliquando, cum vasto, ac repentino hiatu terra subsidisset, M. Curtius Eques Romanus adductus superstitione cujusdam responsi, quo vivens aliquis ad eam complendam deponerebatur. Equum militariibus insignibus ornatus conscendit, eumque vehementer ad notis calcantibus præcipitem in illud profundum egit, ut auctor est Titus Livius libro septimo, Valerius Maximus libro 5. capite 6. Orosius libro 3. historiarum capite 5. ibidem etiam ex aquis proximi Tyberis stagnantibus lacus erat, cui nomen Curtius, de quo Ovidius libro 6. de Fastis:

*Curtius ille lacus, siccas qui sustinet aras,  
Nunc solida est tellus, sed fuit ante lacus.*

Ejusmodi Deiparæ templum in hoc loco excutatum, tamen non adeo magnum, nobilitatum tamen est propter draconem suo afflatu urbi pest. lentissimum, ubi S. Silvestri Papæ precibus mirabiliter extinctum; quod tanquam factis exploratum, multorumq; testimonio comprobatum recipit Baronius tom. 3. Annal. ad annum Domini 324. cujus occasione S. Silvester hæc a dem multis in ejus altare. repositis reliquiis Deiparæ dicavit, quæ ab ejus conditore aliquando appellatur Templum S. Silvestri in lacu; quod Julius III. anno 1550. Matribus venerabilis Congregationis Turris Speculorum attribuit, cum antea fuisset Cœnobium monialium S. Benedicti ab iisdem propter cœli insalubritatem desertum.

### S. MARIA TRANSPONTINA.

S. Maria Transpontina sacri ordinis Carmelitarum ejusmodi templi extraendi (quod titulum Cardinalis Sixtus V. instituit) occasio ea fuit; cum prope molem Adriani; quæ nunc Arx dicitur S. Angel, Templum hoc Deiparæ trans pontem Ælium unde nomen traxerat, situm, atq; ad muniendam arcem postea dirutum esset, voluntate summi Pontificis anno 1566. hoc in loco aliud templum est excitatum in quod ex antiquo illo Sanctorum reliquiæ, & præsertim Deiparæ imago una cum ejusdem templi nomine sunt translata. imago vero in summo altari est collocata; ejus festum præcipuum est Visitatio Deiparæ die 2. Julii. In quodam hujus templi sacello religiose asservantur duæ columnæ, ad quas S. Apostoli Petrus, & Paulus, priusquam pro Christi fide morte afficerentur, alligati, & virgis cæsi fuere, quarum meminit Baronius tom. 1. Annal. ad annum 69 Sub altari summo sanctorum martyrum Magdali, Basilidis, & Tripodii corpora ex antiquo templo accepta reconduntur.

### S. MARIA A CRYPTA PICTA.

S. Maria à Crypta picta in Campo Fiora ad Theatrum Pompeij; prope hoc templum anno 1525. repertum est marmor cum hæc inscriptione, *Veneris Vicitricis*, quod ibi eisdem sanum aliquod, vel ara forte esset dicata. Cæterum templum hoc ante trecentos prope-

*Draco pestilentem afflatu spiritum exhalans, S. Sylvestri Pont. precibus occiditur.*

31.  
*S. Maria Transpontina templum in honorem Visitationis.*

*Columna quibus alligati Apostoli Petrus & Paulus virgis sunt cæsi.*

*S. Maria in Crypta Picta templum in Conceptionis honorem.*

modum annos Deiparæ Conceptioni est consecratum, auctore Octavio Pancirolo in suo thesauro de Urbis Ecclesiis, cum enim summum altare cum templo pervetusto diruendū, ac restituendum esset, in charta pergamenæ ibidem reperta verba hæc legebantur: Anno Domini 1340 indictione 2. die vero Martis 8. Decembris, tempore Domini Bonifacii Noni, anno suo sexio consecratum est hoc altare cum Ecclesia in honorem Conceptionis B. Mariæ Virginis, hæc ibi.

### S. MARIA IN TRIVIO,

32.  
S. Maria  
in Trivio  
templum à  
Belisario  
Justiniani  
Duce ere-  
ctum.  
Gregorius  
XIII.

S. Maria in Trivio à tribus præcipuis, quæ illuc cocunt viis, unde etiam proximo aquæ Virginis celeberrimo quidem fonti nomen est inditum. Hoc templum dicitur etiam S. Maria in Synodo, ab aliqua fortasse synodo illic antiquitus celebrata, tandem à Greg. XIII anno salutis 1575. sacro ordini Cruciferorum assignatum est, in ejus templi pariete memorabile sane visitur exitum in lapide monumentum poenitentiae ob admissum icelus peractæ à Belisario Justiniani Duce, qui Persas in Oriente in Africa Vandalos, in Italia Gothos prælio vicit, ac debellavit, nam cum in gratiam impiæ Theodoræ Augustæ Justiniani uxoris S. Sylvesterum Pontificem martyrio postea clarum, in exilium misisset, facti postmodum poenituit, ideoque erigendam in Urbe Ecclesiam curavit, pro cuius foribus inscriptionem in lapide insculptâ posuit: & licet Ecclesia illa à Baronio tom. 7. Annal. ad annum 536 existimetur eversa à Gothis in odium Belisarii; lapis tamen ille in pariete hujus templi Cruciferorum asservatur cum inscriptione, quæ hujusmodi est:

*Hanc vir Patritius Belisarius Urbis amicus  
Ob culpa veniam condidit Ecclesiam:  
Hanc idcirco pedem sacram, qui ponis in adem  
Vt misereatur eum, sæpe precare Deum.  
Janua hæc est templi Domino defensa parenti.*

### S. MARIA IN AQVIRO.

S. Maria in  
Aquro

S. Maria in Aquiro prope Circum Flaminium (ubi olim Ididis fanum) vel ut alii malunt, in Equirio, sic dicta est à ludis Equiriis, qui Equorum, & curuum cursu in campo Martio in honorem Martis à Romulo instituti die decimo tertio Martii exercebantur, & illuc

transibant; de quibus Ovidius libro tertio Fa-

*Altera gramineo spectabilis Equiria Campo  
Quem Tyberis curvis in lacus urget aquis.*

Hoc templum Deiparæ in Equirio ab Anastasio Papa, teste Lucio Fanno l. 4. c. 21. fundatum inter antiquas Cardinalium Diaconas connumeratur. Eidemque templo attributum est Collegium Orphanorum, quorum domus consilio, & industria B. Ignatii Societatis Jesu fundatoris in urbe erecta est, teste Petro Ribadeneira lib. 3. vitæ B. Ignatii, c. 9. ne videlicet parentum præsidio, omniq; humana ope destituti atq; errabundi pueruli in aliquod animæ, corporisve discrimen adducantur.

### S. MARIA SCALA COELI.

35. S. Maria Scala cœli ad aquas Salvias tertio ab Urbe lapide ad collem parvum, ubi est exiguus fons, qui *Gutta jugiter manans* vocatur, prope sanctorum martyrum Vincentii, & Anastasii templum, ac prope tres fontes, ubi sanctus Paulus Apostolus pro Christo capite est cæsus, sub hoc Oratorio Scælæ cœli, quod figura rotunda curæ Patrum Ordinis Cisterciensis sancti Bernardi est demandatum, corpora sanctorum martyrum Zenonis, ac decem milium ducentorum & trium requiescunt, & per fenestellam conspiciuntur, qui ad Theodorus Diocletianas exituendas pro fidei confessione, ut supra diximus, damnati erant in hac adicula (inquit Onophrius de septem ecclesiis) *Sanctus Bernardus, dum in Urbe moraretur, sacra pro defunctis celebrabat. Quibus dum aliquando operaretur in mentis exitu sim raptus, scalam vidisse fertur, quæ Purgatorii ignis poenis animæ ejus suffragis liberata in caelum ab Angelis deducebatur. Hinc sacra illi adicula Scala cœli nomen inditum. hæc Onophrius.*

### VARIA DEIPARÆ TEMPLA in Urbe peculiari aliqua ratione celebrata.

34. S. Maria Angelorum, ut vocant in Pan-  
tano, qui quidem locus dicitur etiam Angeli-  
Macellum martyrum (ut videre licet in in-  
scri-

*lumin  
Pantana.* scriptione ad templi fores posita) propter mar-  
tyrum stragem illic aliquando editam.

*S. Maria  
Imperatrix* S. Maria Imperatrix prope Hospitale S. Jo-  
annis Lateranensis in hac ædificula imago est  
Deiparæ, quæ sanctum Gregorium dicitur al-  
locuta.

*S. Maria in  
monte A-  
ventino* Sancta Maria in monte Aventino, ubi olim  
templum Bonæ Deæ, hæc Deiparæ Ecclesia,  
auctore Onuphrio de septem Ecclesiis, quon-  
dam recensebatur inter viginti illas Urbis  
Abbatias, in qua, inquit idem Onuphrius,  
est de corpore sancti Sabini Episcopi, nunc pri-  
oratus est militum Jerosolymitanorum.

*S. Maria  
Purifica-  
tionis in  
Exquilis.* Sancta Maria Purificationis in Exquilis,  
ubi cœnobium est monialium sancti Franci-  
sci, anno 1600. fundatum; olim, auctore Onu-  
phrio, una erat ex viginti illis Abbatibus Urbis,  
& dicebatur S. Maria in monasterio juxta san-  
ctum Petrum ad vincula.

*S. Maria ad  
campum  
Martium  
templum  
reliquiis  
SS. misisse  
insignium  
Deiparæ i-  
mago à S.  
Luca depic-  
ta mirissi-  
ce ab incē-  
dio serva-  
ta.* Sancta Maria ad Campum Martium, qui  
à Marte, cui olim dicatus erat, nomen duxit.  
Huic templo cœnobium est adjunctum moni-  
alium Ordinis sancti Benedicti, quæ ante  
600. annos ex Græcia cum multis Sanctorum  
reliquiis venientes, quod earum Cameli reli-  
quias deferentes ad hoc Deiparæ templum  
constitissent, nec progredi possent, hoc in loco  
sedem posuerunt. Inter alia vero, quæ secum  
attulerant, erat imago Deiparæ à sancto Luca  
depicta, quæ aliquando post trabis proximæ  
incendium inventa est ad quendam puteum ab  
igne intacta, & in aëte suspensa: detu lerant e-  
tiam corpus sancti Quirini martyris, corpus i-  
tem sancti Gregorii Nazianzeni Doctoris  
præclarissimi, quod in hoc templo, ut est in  
martyrologio die undecimo Junii diu asserva-  
tum, Gregorius decimus tertius Pontifex in  
capellam à se in basilica sancti Petri magnifi-  
centissime exornatam summa celebritate, trā-  
stulit, ac post die sub altari d. gno honore con-  
didit, brachio ejusdem sancti muralibus re-  
hæto.

*S. Maria in  
Campo S.  
in Valle  
Vaticani.* Sancta Maria in Campo sancto in valle  
Vaticani, ubi olim erat Hippodromus pro-  
pe basilicam sancti Petri. hoc templum no-  
men traxit à terra sancta ex Jerosolymis à  
sancta Helena, seu à variis peregrinis illud de-  
lata; quare ibi celebre est cœmeterium in  
sepulturam peregrinorum, ad hoc cœmete-  
rium Leo Quartus Pontifex Templum ad-  
jecit Salvatori dicatum, quod postea à Deipa-  
ræ Concepta est appellatum, & Germanorum

sodalitati est commendatum; ibidem etiam  
summo Pontifice duodecim pauperibus eribus  
subministratur, aliæque Christianæ pietatis  
munera in pauperes exercentur.

*S. Maria à  
sancto Andrea erat dicatum, postea anno 1475  
Pace,  
à Sixto Quarto sub nomine Deiparæ à Pace ad  
pacem populo Christiano Deiparæ opera im-  
petrandam restitutum religiosissimis Canoni-  
cis Regularibus S. Salvatoris Lateranensis est  
assignatum.*

*S. Maria  
ad Monti-  
culum.* S. Maria ad Monticulum, vulgo in Monti-  
celli, à Paschali II. annum circiter 1120. conse-  
crata, ibique in die Nativitatis Virginis festum  
solemniter peragitur; in eodem templo cor-  
pora S. Nymphæ virginis, & sancti Marcelli E-  
piscopi asservantur.

*S. Maria  
Lauretan.* S. Maria Lauretana in Urbe prope colum-  
nam Trajanam, hæc Deiparæ ædes à celeberrima  
domo à Lauretana in Piceno, de qua su-  
pra egimus, nomen est mutuata.

*S. Maria à  
Regula, hæc ædes ab insigni Viterbiensi  
Quercu.* S. Maria à Quercu in Regione, quam vo-  
cant à Regula, hæc ædes ab insigni Viterbiensi  
Deiparæ templo à Quercu miraculis illustri  
nomen accepit.

*S. Maria  
Montis-  
ferrati.* S. Maria Montis ferrati nationis Aragonicæ  
à celeberrimo Deiparæ templo in Monte fer-  
rato Hispaniæ sic dicta hoc templum Urbano  
VI. Pontifice anno salutis 1381. à fundamen-  
tis extructum Purificationi Deiparæ est dica-  
tum: quo in templo, ut est apud Petrum Riba-  
deneiram in vita beati Ignatii libro secundo,  
capite decimo ter. io, idem beatus Ignatius So-  
cietatis JESU Fundator magno cum anima-  
rum fructu Hispanico sermone aliquando est  
concionatus.

*S. Maria  
de Anima  
de Anima  
VI. perfecit.* S. Maria de anima nationis Germanicæ. hoc  
Templum à Germanis inchoatum Adrianus  
VI. perfecit.

*S. Maria à  
Constanti-  
nopoli.* S. Maria à Constantinopoli nationis Sici-  
lorum, ejus festum solempne celebratur feria 3.  
Pentecostes, de hoc plura nos supra, cum de  
hoc festo egimus.

*S. Maria  
Purifica-  
tionis.* S. Maria purificationis nationis Lotharin-  
giæ in ea Urbis parte sita, quam vulgo in Ban-  
chi vocant.

(\*\*\*)

Q999

Alia

ALIA DEIPARÆ TEMPLA IN  
Urbe miraculis illustra, vel quibus Religioso-  
rum aut aliquo um Christiane chari-  
tatis operum domicilia sunt  
annexa.

36.  
*S. Maria à  
miraculis  
templum.  
Puer in  
Tyberinum  
fluvium  
delapsus à  
Deipara  
servatur.*

**S** Maria cognomento à Miraculis prope tem-  
plum S. Mariæ de Populo ad portam Urbis  
Flumen. anam, seu Flamminiam. hoc templum  
extructum est anno 1525. pueri cuiusdam sep-  
tenuis occasione, qui in proximi Tyberis undis  
Virginis ope servatus est. Is cum in flumen ca-  
su prolapsus esset, ipsius mater Deiparam, corā  
eiusdem imagine posita sub quodam prope  
Tyberim fornice, pro filii incolumitate precata  
est; & sane precum fructus extitit, nam puer su-  
per aquas delatus evasit, lætusque retulit, se à  
muliere quadam candenti habitu amicta, super  
ipsius ulnas sustentatum, ejusmodi templum  
religiosissimis Fratibus Minoribus Conventu-  
alibus, quos Reformatos vocant, est assigna-  
tum. Imago vero illa in eodem templo est col-  
locata; unde postea anno 1598. translata est in  
templum Hospitalis Incurabilium, quod ab  
Antonio Cardinali Salviato magnifice extru-  
ctum est.

*S. Maria in  
Montibus.*  
**S.** Maria in MONTIBUS Viminalem inter &  
Exquilinum sita; in hoc templo colitur Deipa-  
ræ Imago, quæ in foenilitor, tantisque miracu-  
lis illustrari cœpta est à die 26. mensis Aprilis  
anni 1580, ut brevi pulcherrimum templum ei-  
dem Deiparæ sit excitatum, & magno popu-  
lorum concursu in hunc usque diem celebretur.

*S. Maria à  
S. Joannino*  
**S.** Maria à S. Joannino; hæc enim per vetus  
ædes S. Joan. Baptistæ erat dicata, imago vero  
Deiparæ ibidem posita à die 1. Maii anni 1586.  
miraculis clarere cœpit; quæ fidelium elec-  
mosynis ædes hæc fuit restituta; & nunc popu-  
lorum concursu celebratur.

*S. Maria  
Puritatis  
in Burgo.*  
**S.** Maria Puritatis in Burgo. ubi Deiparæ I-  
mago miraculis illustris visitur, ejus festus dies  
est Præsentatio ejusdem Virginis.

*S. Maria  
Annunc.  
prope obe-  
liscum S.  
Machuti.  
Collegii  
Romani  
societas le-*  
**37.** S. Maria Annunciata prope obeliscum  
S. Machuti, sic dictum à proximo S. Machuti  
templo. Illic Collegium est Societatis Jesu,  
quod anno Domini 1551. tenuioribus initiis or-  
tum, & institutum magno Republicæ Christi-  
anæ bono sociorum numero mirifice est auctum  
ex eo in omnium nationum provincias, tamen si  
remotissimas, in Indiarum Orientalium, & Oc-  
cidentalium, in Septentrionis & Europæ Re-

gna idonei vineæ Christi cultores, & operarii  
sele lausissime diffuderunt: quorum fructu post-  
modum permotus Gregorius XIII. Pontifex  
Maximus propagandæ fidei, ac pietatis studio-  
sissimus, pro iua in Christianam religionem, &  
Societatem Jesu pietate, Collegium hoc na-  
tionum omnium Seminarium à fundamentis  
extruxit, ac dotavit. in eo à primis fere gram-  
maticæ rudimentis universæ plane facultates, Me-  
dicina duatatar, & Jurisprudencia exceptis tra-  
duntur. In hoc Annunciata templo in sacello  
Deiparæ honorifice depositum conditur Beati  
Aloysii Gonzagæ Societatis Jesu corpus. Is  
nobilissimus ortus natalibus Societatem no-  
stram ingressus vitam duxit multus virtutibus  
claram, quemadmodum capite 35. diximus, &  
cum adhuc ætate floreret, magnisque itineri-  
bus ad immortalitatis præmia contenderet, in  
hoc Collegio die vigesimo primo Junii anno  
salutis 1592. ætatis vero 20. sanctissime obiit.  
Ejus sanctitatem Deus quam plurimis mira-  
culis testatam voluit, quemadmodum per spi-  
rue apparet ex votivis apud ejus sepulchrum  
tabellis.

Neque tantum Deipara eorum est amplexa  
conatus, qui in hoc Gregoriano collegio lite-  
rarum studii dant operam; sed eorum etiam,  
qui proximorum salutis concionibus habendis,  
confessionibus audiendis, aliisque Societatis  
ministeriis obeundis strenuam operam na-  
vant. Nam in ipso propemodum Societatis  
exordio in suo templo ad radices Capitoli,  
quod Sancta Maria à Strata dicebatur, nostris  
exceptit, ubi fundata est domus professæ Roma-  
næ: sed cum templum illud fatis esset angustum  
Alexander Farnesius Cardin. Pauli III. nepos,  
aliud magnificentissimum è fundamentis in  
eodem loco Societati Jesu extruxit, Imago  
vero Deiparæ, quæ in priori templo erat, in no-  
vi templi sacellum ad dexteram altaris summi  
lapideis columnis, ac picturis egregie exorna-  
tum translata religiole colitur.

*S. Maria à  
Scala.*  
**S.** Maria à Scala in Regione Transiberina  
Religiosissimi Ordinis Carmelitarum Discal-  
ceatorum, quorum Fundatrix fuit B. Teresia  
Hispana, de qua plura in tractatu de Virginibus,  
hoc templum magnifice extructum fuit occa-  
sione cuiusdam imaginis Deiparæ, quæ posita  
sub cuiusdam Domus Scalis tot tantisque mi-  
raculis, ac beneficiis clarere cœpit, ut brevi tē-  
poris spatio piorum hominum elemosynis  
hoc templum eidem sit excitatum.

S. Maria à  
Valllicella.

38. S. Maria à Valllicella in Regione Parionis dicta à situ aliquantulum depresso; vocatur & Ecclesia Nova, quod de novo extructa; item Ecclesia à puteo albo, qui ibi erat. Gregorius XIII. Pontifex anno 1575. hoc templum antea exiguum religiosissimis Patribus Congregationis Oratorii, quorum Fundator erat Beatus Philippus Neri (de quo plura cap. 35.) attribuit. Idem Oratorii Patres in hoc eodem loco templum aliud forma, amplitudine, & ornatu satis conspicuum excitarunt, suoque exemplo, quotidianis item ad populum sermonibus, & sacramentorum poenitentia, ac sanctissimæ Eucharistiæ sedula administratione quamplurimos ad recte vivendi rationem perduxerunt.

S. Philippus  
Neri  
Congrega-  
tionis Ora-  
torii Fun-  
dator.

In huius templi sacello, quod ad dexteram summi altaris est situ, & lapidibus magno pretii magnificentissime est exornatum, religiose recunditur B. Philippi Neri eorum Fundatoris corpus, qui anno 1595. die decimo sexto Maii in cælum migrat. ex hac Congregatione complures tum pietate, tum doctrina præstantes prodire, cujusmodi fuit Cæsar Cardinalis Baronius editis ingenii sui, atque eruditionis monumentis toto terrarum orbe illustrissimus. Franciscus Maria Tarusius Cardinalis omnium virtutum laude cumulatus. Thomas Bozius, qui de signis Ecclesiæ insigne volumen edidit, & alii quamplurimi.

S. Maria à  
Consola-  
tione.  
S. Maria  
Gratiarū.

S. Maria à Consolatione sub rupe Tarpeia, cui tenuiorum, & egenorum hominum Nolo-  
comium adjunctum est.

S. Maria Gratiarum, ubi olim Vestæ erat fa-  
num, hæc tamen Deiparæ Ecclesia proximo  
ejusdem Deiparæ à Consolatione templo est  
unita.

S. Maria  
ab Horto

S. Maria ab Horto in Regione Transuberina, huic templo ad excipiendos, qui eo conveniunt, d. verfarum mechanicarum artium sodales, adjunctum est hospitale.

S. Maria à  
Pietate ad  
columnam  
Antonini.

S. Maria à Pietate ad columnam Antonini, cui ædi annexa est domus, in qua mente capti aluntur, & quo ad ejus fieri potest, curantur.

S. Maria à  
Charitate  
ad campū  
Martium.

39. S. Maria à Charitate ad Campum Martium, hoc templum cum adjuncta domo pio-  
rum eleemosynis extruendum curavit Joannes Leonardus è sancto Severino Diocesis Salernitanæ, qui quod literarum studii aliquandiu operam de disse, Litteratus est dictus. Is magno puerorum bono hanc sibi curam propter Christum suscipendam duxit, ut è qualibet natione pueros, qui veluti crones

humana ope destituti per compita vagaban-  
tur, conquiritis eleemosynis in hac domo cha-  
ritatis sub Beatæ Virginis præsidio educaret;  
& postea adultos, quo vitam honeste sustenta-  
re possent, alicui opificio perdiscendo addice-  
ret; tandem sanctitatis opinione præstans ex  
hac vita migravit ad Dominum; ejus imago ad  
vivum expressa typis mandata est Romæ anno  
1600. cum hujusmodi præclaro elogio, quod  
ad verbum sic habet Joannes Leonardus Geru-  
fius à sancta Severina vulgo Litteratus, suo no-  
glectus, ac despicientia amensiam simulans cum  
in collectis à se egenis, pueris piorum ope a-  
lendis; atque per Urbem circumducendus diu  
versatus fuisset, domumque illi continendis, &  
puellis inopia laboransibus extruxisset, divas  
charitatis meritis Deo spiritum reddidit Romæ  
anno salutis humana 1595. 15. Februarii, sepultus  
est in Oratorio Mortis ante Avam maximam.

S. Maria à  
Sanitate.

S. Maria à Sanitate supra sanctæ Pudentiæ  
templum, hæc Ecclesia ad eos, qui ex hospita-  
li apud sanctum Joannem Calybitam in Insu-  
la convalescunt, propter cæli salubritatem  
confirmandos extructa est opera Fratrum Jo-  
annis Dei, qui illud sancti Joannis Calybitæ  
hospitale curant.

Sancta Maria Refugium in Quirinali, hanc æ-  
dem cum adjuncta domo, in qua puellæ vir-  
gines educantur, Clemens Octavus Ponti-  
fex annum circiter 1595. fundavit atque dota-  
vit.

S. Maria  
Refugium.

Sunt & alia in Urbe Tempia Deiparæ con-  
secrata, quæ quoniam ad alia recensenda pro-  
peramus, brevitate studio consulto præter-  
mittimus.

#### TEMPLA DEIPARÆ NEA- POLI POSITA.

Sed jam ab Urbe ad Orbem digressi nonnul-  
la Deiparæ Tempia lustremus, quæ vel po-  
pulum religione, vel magnificentia stru-  
cturæ, vel miraculorum splendore commea-  
dantur. Ac primum Italiam percurramus, tum  
Occidentem reliquum, post Orientem; deniq;  
barbaras ingressi nationes, illi etiam Deiparæ  
Tempia commemoremus, quæ vel pium po-  
pulum studium, vel Imperatorum munifi-  
centia posuit.

Ac in Italia quidem primo loco sese of-  
fendit Neapolis, quæ & Urbi proxima; & mihi Deipara  
magis explorata. Ergo Neapoli, ejusque in  
Neapoli.



suburbii Petrus Stephanus, qui anno 1560. de locis sacris Neapolitanæ Civitatis insigne volumen edidit, sacras ædes numerat centum novaginta quatuor, è quibus septuaginta circiter Deiparæ nomen præferbant; quo ex tempore complures alias excitatas, & scimus, & vidimus nos insigniores aliquot recensebimus initio factò à primis usque temporibus. Enim vero sanctus Petrus Apostolorum princeps Romam

*S. Candida vidua cū S. Aspremo Episc. à S. Petro Apostolo in Christiana fidei mysteriis instituit. Infirmus S. Aspremus S. Petri baculo sibi misso valetudinem recepit.*

*Templa quamplurima à Magno Constantino Æmp. ac S. Helen. ejus matre extructa.*

pergens, cum Neapolim appulisset, & in Candidam viduam honestissimam incidisset, eidem tradidit Christianæ fidei doctrinam, quam miraculis etiam confirmavit. nam Aspremum tunc temporis decumbentem misso per Candidam sui ipsius baculo, (qui inter reliquias hodie aservatur) sanitati restituit; eumque ad fidem conversum baptismo lustravit, & Episcopum ejusdem Civitatis consecravit. Extat locus ubi sanctus Petrus Messæ sacrificium obtulit, in quo Templum postea coeditum est, quod propterea dicitur *Sancti Petri ad Aram*: Aspremus vero in suis ædibus oratorium ad Christianorum usum destinavit, ipseque & Candida ea vitæ sanctitate aliis præluxere, ut inter sanctos connumerentur; ac sancti Aspremi festum die 3. Augusti, sanctæ Candidæ die 4. Septembris Neapoli celebratur, quemadmodum martyrologium testatur. Hoc autem S. Aspremi Oratoriū solemni ritu, ut mox dicemus *S. Mariæ à Principio* dicatum est sub Constantino. Etenim Magnus Constantinus Romanorum Imperatorum primus Christi fide suscepta, & Idolorum templis deletis lege lata Christianis potestatem fecit publice templa extruendi, eosque ad sacram ædificationem tum suo edicto, tum etiam exemplo esse cohortatus. Nec Romæ solum, ubi basilicam Lateranensem, Basilicas sanctorum Apostolorum Petri & Pauli, aliasque magnificentissime à se extructas, & amplissimis muneribus, & imaginibus exornatas à sancto Silvestro Papa dedicandas curavit, verum etiam ubique terrarum quamplurimas tum ipse, tum ejus mater Helena excitaverunt Ecclesias, ad quarum ædificationem ex publico aërio necessariis sumptus à Provinciarum præsidibus suppeditari iussit Constantinus, quemadmodum Eusebius testis horum oculatus, libro 2. de vita Constantini capite 44. & libro tertio capite 49. Socrates libro primo historiarum capite sexto & Sozomenus libro 1. cap. 8. & libro 2. capite 2. asserunt; ubi nominatim templi Augustissimi Antiochiæ erecti, &

aliorum apud Nicomediam Bithyniæ, ac Byzantium meminere, quo factum est, ut complures urbes traditione à majoribus quasi per manus accepta à quorundam templorum origine ad Constantinum Imperatorem, & ad sanctam Helenam referant. Hoc autem Neapoli præsertim factum esse constat, quo Constantinus variis de causis sæpe diverit ab anno circiter 318. sive in Orientem trajecturus ad bellum cum Licinio conficiendum, ad Constantinopolim à se condendam, ad Nicenum Concilium, cui ipse interfuit; sive ex Oriente in Urbem reversurus. Ego Imperator ille ut constans est fama, aliquot Neapoli Tempia erexit, ac Deiparæ quidam duo, alterum sanctæ Mariæ in Porta Nova, ab uno ex nobilibus sedili ei proximo sit dictum, quod prius à Græcis, qui suo idiomate ibi aliquandiu divina officia celebrarunt ab ornamentis appellatum est in Comediam. Hæc inter quatuor præcipua Neapolitanæ Urbis parvas annnumeratur; ubi etiam sub arcu maxima in area marmorea corpus sancti Stasij Confessoris reconditur, tandem anno salutis 1608. religiosissimis Patribus Ordinis Clericorum Regularium sancti Pauli, quos Barnabitas appellant, est attributum, à quibus in proximorum utilitatem conciones, sacramenta item poenitentiarum, & sacra Eucharistiæ strenue administrantur. Alterum est sancta Mariæ rotunda ad aliud nobilitum sedile, quod *Nidi* vulgo appellant; Templum figura rotundum, quod ob marmorea ethnica superstitionis monumenta, alterum scilicet, in quo hostiæ machabantur earum cruore alicubi infectum, alterum quod vel tripus, vel vas erat, in quo ignis Vestæ custodiebatur, nunc aqua lustralis ad templi januam in eo asservatur, olim Vestæ delubrum à nonnullis rerum antiquarum peritis existimatur.

41. Eadem in Urbe Neapoli in Oratorio illo, quod à sancto Aspremo Episcopo in suis ædibus ad Christianorum usum constitutum fuisse diximus, sancta Helena Constantini mater sacellum extruendum, & à sancto Silvestro Papa dicandum curavit. cui propterea idem Pontifex sanctæ Mariæ à Principio merito nomen dedit, illicque Constantino inspectante missæ sacrificium sæpe obtulit. Quare Constantinus ad majorem tanti sacelli venerationem eidem adjecit basilicam sanctæ Restitutæ virginis, & martyris, quemadmodum testatur Martyrologium Romanum ad diem decimum septimum Maii quo

*S. Mariæ à Principio in S. Aspremi Oratorio sacellum.*

quo ipsius sanctæ Restitutæ sacrû corpus trã-  
larum esse, refert Baronius in notis ad marty-  
rologium, ubi etiam recunditur corpus S. Jo-  
annis Episcopi Neapolitani, cujus festum in  
Martyrologio die 22. Junii ascribitur.

S. Maria à  
Principio  
imago de-  
scribitur.

Nec illud silentio prætereundum in fornice  
primario sanctæ Restitutæ antiquam imagi-  
nem Salvatoris in throno sedentis, & septem  
Angelorum coram Deo assantium conspici, è  
quibus quatuor à dextris, tres vero sunt à sini-  
stris. Et sane Deiparæ imago opere musivo, quæ  
in sacello sanctæ Mariæ à Principio extat, mag-  
nam habet tum ab antiquitate, tum ab arte cõ-  
mendationem: est enim sedens in throno, inge-  
ti statuta, ore angusto, ac pio; fovetq; gremio  
puerum Jesum sinistra. Crucem præferentem.  
Porro opere etiam musivo à dextris assat S. Ja-  
narius Martyr Beneventanus Episcopus,  
præcipuus Neapolitanorum Patronus, à sini-  
stris eadem sancta Restitutæ, de qua nos in tra-  
ctatu de Virginibus. Hinc factum est, ut ad e-  
jusmodi sacellum, ejusque imaginem ingens  
fuerit semper Neapolitanorum veneratio, in-  
gens studium pietatis. quin etiam in hujus rei  
memoriam die 8. Januarii festum sanctæ Mariæ  
à Principio in eodem templo sanctæ Restitutæ  
solemni ritu celebratur, eodemq; die à foren-  
sibus litibus vacatur. Verum enim vero hoc sa-  
cellum S. Mariæ à Principio post mille prope-  
modum annos nimirum anno Christi 1322. lu-  
dio, ac pietate Canoniceorum Cathedralis Ec-  
clesiæ, quibus hujus sacelli procuratio una cõ  
sanctæ Restitutæ templo peculiariter est de-  
mandata, suo nitore est cõstitutum; quemad-  
modum subiecti versus, quos in eadem imagi-  
ne legimus, declarant, in quibus eã, quæ de hu-  
jus sacelli veritate, ac dedicatione attulimus,  
continentur.

*Lux Deus immensa postquam descendit ad i-  
ma,*

*Annis trecentis completis, atque peractis  
Novis hoc templum sanctæ construxit Hela-  
na,*

*Silvestro Graio Papa donante Beato.*

*Hic bene, quanti datur venia, vix quisque lo-  
quatur.*

*Annis datur clerus jam instaurator Parthe-  
nopensis*

*Mille trecentenis, undenis bisque retensis.*

*Ut mirum non sit, Neapolitanos pietati S.*

Helene de hac Civitate propter templa ab ea,  
ejusque filio ibi constructa optime merita  
hanc inscriptionem in ingenti basi lapidea ali-  
quibus locis posuisse, ut videre est in lapide a-  
pud sedile nobilium, quod *Montagne* dicitur; &  
in alio lapide in Collegio Societatis Jesu ex  
ruinis vetustissimi templi SS. Joannis, & Pauli.  
Inscriptio uti obique eadem sepe est, hic unam  
afferam ex lapide, qui est in Collegio, quæ sic  
habet.

*Piissima, ac Clementissima Domina No-  
stra Augusta Helena Mariæ Domini Nostri  
Victoris semper Augusti Constantini, & avia  
Dominorum Nostrorum Cesarum Beatorum  
uxoris Divi Constantii, Ordo Neapolitanus,  
& Populus.*

Ceterum intra templum S. Restitutæ ad de-  
xteram hujus sacelli S. Mariæ de principio sub  
ara alterius sacelli corpus B. Nicolai Eremite  
reconditum asservatur. Is cum è Galha Cisalpi-  
na procul è patria, suisq; Neapolim advenisset,  
in valle, quæ dicitur sanitatis, ad templum S.  
Mariæ à Circulo viginti annorum spatio vitã  
duxit asperissimam, pane duntaxat, & aqua con-  
tentus, quibus eruda interdum addebat olera.  
Utz acrius corpus vexaret, dormiturus ianite-  
batur lignæ scalæ ad pietatem incumbenti,  
quo vitæ cultu multa dæmonis tentamenta vi-  
cit. Sed cum Maria Regina S. Ludovici Tolosa-  
ni Episcopi mater pio in virum Dei studio fa-  
mulum ad eum invisendum quotidie mitteret  
famulus aliquando hujus laboris pertæsus, per  
summum scelus virum sanctum interemit die  
11. Martii anni 1310. Cujus corpus miraculis cla-  
rum è Canonis solemnè pompa elatum, atq; in  
hoc sacellum illatum in sepulchro marmoreo,  
quod adhuc extat, conditum est.

S. Hel. na  
Constanti-  
ni Impera-  
toris Ma-  
tris monu-  
menta  
Neapol.

B. Nicolai  
Eremitæ  
vita, &  
obitus.

### ECCLESIA CATHEDRALIS

*Neapolis Deiparæ dicata.*

Sed jam ad aliquot alia Deiparæ templa cõ-  
sequens: bus temporibus Neapoli excitata,  
quæ vel Sanctorum reliquiis, vel miraculo-  
rum splendore sunt conspicua, veniamus.

Virgini Deiparæ Assumptæ templum ip-  
sum Archiepiscopale est dicatum; nam cum Ba-  
silia S. Restitutæ, quæ diu Cathedralis Ecclie-  
sia fuerat, aucta Libe, nec ejus amplitudini,  
Assumptæ  
Deiparæ  
Cathedra-  
lis Ecclesie

1799

nec

*Neapolita-  
na à Rege  
Carolo  
dicata.*

*Eadem Ec-  
clesia col-  
lapsa. à  
Ferdinan-  
do primo  
Rege in-  
stauratur.*

*Sanctorum  
corpora  
quibus ea-  
dem Eccle-  
sia insig-  
nisur.*

*Sanctorum  
reliquie  
que in Ca-  
thedralis  
Ecclesie  
Neapoli-  
tana the-  
saurio as-  
servantur.*

nec populi frequentia par esset, Carolus Neapolitanorum Rex, ejus nominis primus templum multo majus sanctæ Restitutæ templo annexum condere cepit ipso die Assumptæ Virginis sacro anni 1270. auctoq; Canonicorum numero sedi Archiepiscopali datum, ac Deiparæ dicatum est. Id templum cum mense Novembri 1456 terræ motu concidisset, pari pietate, ac munificentia reparatum est à Ferdinando primo Rege, & à compluribus nobilibus, qui pro virili suam quisque partem reficiendam suscipere, adjectis familiæ stemmatibus, quæ adhuc cernuntur in parastatis. Est autem id templum compluribus insignis Sanctorum reliquiis, in ara quidem maxima corpore sancti Agrippini Episcopi, ac Patroni Neapolitani, & sanctorum martyrum Eutychis, & Acutii sociorum sancti Januarii. Ad templi dexteram sacellum est, in quo S. Athanasii Episcopi, eidem ac Patroni Neapolitani corpus una cum S. Laurentii Episcopi pariter Neapolitani corpore reconditur. Ad levam aliud sacellum visitur, in quo S. Aspremi primi hujus Urbis Episcopi, ac Patroni à S. Petro baptizati corpus asservatur, sub ara maxima extat elegans sacellum marmoreis columnis subnixum, ac marmore phario etiam superne in laqueari convehitum ab Oliverio Carrafa Cardinali, & Præsule Neapolitano constructum, sub cujus ara ab eodem anno 1506. reconditum est corpus S. Januarii Episcopi Beneventani præcipui Neapolitani Urbis patroni è celeberrimo Montis Virginis cenobio unius fere diei itinere ab Alexandro Carrafa Archiepiscopo anno 1497. allatum. In eodem inferiori sacello ab Oliverio Cardinali repositum est corpus S. Maximi Levitæ, & Martyris, quod è Cumarum Urbe anno 1207. Neapolim fuerat translatum.

Porro opulentissimus reliquiarum thesaurus cujus opibus, ac præsidio multo melius, quam vel argenti, atque auri copia, vel hominum solertia hæc urbs continetur, in alio sacello custoditur, quod uxor Ducis Albæ hujus Regni Protegis in superiori quadam turri ad templi valvas, quæ vulgo thesaurus appellatur, exornandum curavit. quo in thesauro multæ sunt sanctorum reliquie, ac præcipue caput S. Januarii caput item S. Maximi martyris, & complures aliarum reliquie, præsertim vero capita quinque Episcoporum qui eidem sunt hujus Urbis Patroni, nimirum S. Aspremi, S. Euphebii S. Agrippini, S. Athanasii, & S. Severi, quæ argenteis inclusa

theis per Urbem ea ipsa die, qua S. Januarii sanguis, ut mox dicemus, circumferuntur. Itaque duæ vitæ ampullæ, in quibus S. Januarii sanguis concretus asservatur, quæ cum in conspectu capitis ejusdem ponitur, admirandum in modum coherescunt & ebullire perinde, atque si recens effusus ad hæc usque tempora cernitur, id quod Breviarium Romanum in die S. Januarii testatur, quin etiam repetito quotannis miraculo die sabbati ante primam Dominicam Maii celebratæ maxima ad populi, atque omnium ordinum, ac gentium externarum conspectum ampullæ illæ per Urbem deferuntur, in quibus coram, ac publice spectantibus omnibus sanguis ille concretus, ac durus, ubi post longum ambitum obviam fit capiti, quod in publico, atque aperto loco ad ipsum composito ante collocatur, eidem illis spectantibus liquefcere, fervere, ac prope gesticere solet, sic prorsus ac si illo puncto temporis sanctissimi martyris caput incisum, & sanguis ille fusus esset.

Sed hæc scribente me sacellum aliud è Regione S. Restitutæ solo templi par, & æquum multo majus, multoq; magnificentius suis Civitas impensis extruit voti damnata, quod pro pestilentia, quæ anno 1527. sæde grassabatur, depellenda suscepit, ut in eo thesaurus ille reliquiarum augustius collocetur.

#### SANCTA MARIA MAIOR Neapoli.

**S**ANCTA MARIA MAJOR. Extruxit id templum Neapoli S. Pomponius Episcopus Neapolitanus annis Domini cititer 524. qui obiit 14. Maii, ut habet Martyrologium; in eoq; conditus est. In templi abide hæc verba leguntur: *Basilicam hæc Pomponius Episcopus Neapolitanus famulus Jesu Christi Domini fecit*, postea anno 533. Joannes II. summus Pontifex patria Romanus S. Pomponii consanguineus, cum venisset Neapolim, Basilicam hanc consecravit, ut in lapide pro templi foribus collocato incisum legimus. Est autem ea basilica una ex quatuor præcipuis Patrehiis, insignis etiam imagine Deiparæ, ut fama est, à S. Luca depictæ, quod nostra ætate anno scilicet 591. religiosissimis Patribus ordinis Clericorum Regularium minorum est attributum, & ab eisdem nitenti restitutum, ubi in animarum salute procuranda egregiam navant operam. Ad hæc hinc temple ædicula Deiparæ, ac S. Joannis Evangelistæ, quam

*S. Januarii  
Episcopi  
corpus, juxta  
ejusdem  
caput ap-  
positum of-  
feruntur.*

*S. Maria  
ad p-  
tylo,  
men-  
indis*

*S. Maria  
Majoris  
templum à  
Pomponio  
Episcopo  
Neapolitano  
extructum*

*Idem  
plum  
para  
extru-*

quam sibi, suisque Joannes Jovinianus Pontanus Poeta, & Orator insignis extructi, ac multis iisque præclari ingenii sui elogis, ac monumentis exornavit.

SANCTA MARIA A Carmelo.

*S. Maria à Carmelo.*  
S. Maria à Carmelo, cui celebre sacri Ordinis Carmelitarum cœnobium est adjunctum. In hoc templo pulcherrima Deiparæ filium in ulnis foventis imago, pictura sane pervetusta, & opere græcico, ingenti populorum beneficia poscentium concursatione religiosissime colitur, ea quam plurimis, idque potissimum ab anno 1500, claret miraculis, quæ admodum votivæ tabellæ testantur. Eodem in templo extat Christi Domini pendens à Cruce simulachrum; quod ad declinandum bombardæ ictum illi stri plane miraculo caput acclinavit, quæ de re fulius cap. 20.

SANCTA MARIA AD PEDEM Cryptæ.

*S. Maria ad pedem cryptæ rēplo, cur nomen hoc indiditum.*  
S. Maria ad pedem Cryptæ ad plagam maris sita, miraculis etiam celebri sacri Ordinis Canonicorum Regularium Lateranensium sic dicta, quod extructa sit ad initium cryptæ illius famosissimæ factæ à Lucio Lucullo, qui non solum, teste Plutarcho, cursus in mari, piscoso transitu, ædibus suis ibidem extructis circumduxit, ut propterea à Tuberone Stoico Togatus Xerxes sit appellatus; verum etiam; auctore Varrone l. 3. de re rustica propter proximam suam villam montem perforavit, quem dicunt Pausilypum; tamen si Pontanus Cocceio Blondus ignoro auctori istæ operis referant; quæ quid sit, de ejusmodi certe crypta Seneca l. 7. Epist. 38. *Nihil, inquit, illo carcere longius, nihil illis sanctorum visceribus.*

*Idem templum Deiparæ jussu extructum.*  
Quæ vero ejus templi fuerit ædificandi occasio, habetur in pervetusto quidem, ac manuscripto Codice, qui apud ejus templi cœnobitæ asservatur; in quo anno 1423 transcripta sunt hujus cœnobii bonæ ex catalogo bonorum omnium Ecclesiarum Neapolitanæ Diocesis, quod jam pridem anno scilicet 1353. Ludouico, & Joanna regnantibus factum asserebatur. Et vero ad monitiones Deiparæ tres ejus excitandi templi in eodem Codice leguntur, quas hic eodem ordine re-

ferre non pigebit, quo præclarissimi templi jussu Deiparæ crediti origo aperiat. Vir quidam pius, ac religiosus, qui apud S. Mariam ad Capellam debebat nomine frater Benedictus, cum ad balnea Puteolana pergeret, die 8. Sept. nascens Virgini sacro sub auroram imago Dei Genitricis filium in gremio foventis eo in loco ubi nunc id templum est, ei apparuit, Maria quoque de Duratio montalis regio genere apud Cœnobium Castri de Ovo die sabbati sub auroram, item per quietem admonita est à Deiparæ, ut id templum extrueretur. Cuidam præterea Eremitæ, qui B. Petrus dicebatur, cum super cryptam eo in loco, qui S. Maria de Itria vocatur, degeret, per quietem scilicet Deiparæ ostendit, idemque edixit; quo factum est, ut multorum elemosynis undique corrogatis excitatum sit ejusmodi templum, cui postea complures à summis Pontificibus indulgentiæ concessæ fuere. Quocirca plurimi die sabbati præsertim Deiparæ venerant eo confluere solent, ejus templi mentio fit in translatione SS. Martyrum Maximi Levitæ, & Julianæ V. è Cumarum Urbe eversa, unde ann. 1207. primum ad hanc Dei Genitricis ædem, sequenti vero die Neapolim fuit illata. Eiusdem quoque templi meminit Petrarca in Itinerario, testaturque ad illud assidue præternavigantium fieri concursum, quin etiam illud in more positum videmus ut majora navigia, ubi in ejus templi conspectum venerint, bombardarum displosione Deiparæ salutem, ac venerentur. Rex Alphonsus primus ex facultate Nicolai Papæ Quinti suo diplomate hoc templum cum adjuncto Cœnobio Canonicorum regularibus S. Augustini Congregationis S. Salvatoris Lateranensis gubernandum, & colendum anno 1452. attribuit; voluitque cœnobii bona ab omni vectigalium onere immunita esse, atque exempta.

SANCTA MARIA A B Agnone.

*S. Maria ab Agnone templum ab eorum i-bi anguem extructum.*  
S. Maria ab Agnone corrupto vocabulo ab Agnone, quod italica terminatione Anguem ingentem significat; & sane ejusmodi templum, non ut Python quondam Apolline Pythone Serpente interempto Poetæ fictis ambagibus dictum fabulabatur, sed ab ingenti, ac lethifero Angue ope Deiparæ eo in loco vere extincto nomen accepit. quo in loco

templum hoc grati animi monumentum à Neapolitanis eidem Deiparæ est extructum, cui nomen ab accepto beneficio inditum; cui sanctimonialium Cœnobium Ordinis S. Basilii an. Domini 833 est adjunctum: quæ postea relicto superioribus annis hoc in S. Gaudiosi monasterium Ordinis S. Benedicti commigrarunt unâ cum pulcherrima, ac piissima Deiparæ imagine, ad cuius pedes anguis visitur, ea imago cum ipso pariete, in quo erat depicta, ex templo S. Mariæ de Agone in templum S. Gaudiosi est translata, ubi nunc asseritur cum subjectis in lapide incisis versibus, quibus quidem, quæ diximus, universa indicantur:

*Anguis erat veteri quondam stabulanda palude,*

*Inficiens homines, paucos, & omne pecus.*

*Ibat forè die Saturni nobilitate illuc*

*Ara Cismuniam limina sacra Petri,*

*Cujus in auxilio Sancti confusus, & alma*

*Christipara illa spes transivit ille pius.*

*Noctæ sequente illam recubans per formosa vi-*

*dit.*

*Natum ampliflentem dulciter usq; suum,*

*Dimidiam pedibus lunam, qua visa tenere,*

*Ex sancto tales edidit ore sonos.*

*Mortuus est Anguis, non pestifer amplius ex-*

*istat.*

*Construito hic templum nomine viid meo.*

*Vir pius evocatur iussum, loca condidit,*

*atque*

*Virginibus sacris stare parata facit.*

*Quæ fuit appetitus titulus sic, sancta M A-*

*R T A.*

*ANGVONIS caso sumptus ab An-*

*gue truci.*

*Hæc loca sancta diu sub Basilii ordine Gra-*

*cæ,*

*Et Longobardæ percoluere sacra;*

*Nunc trita, castæ vivunt vexilla ferentes*

*Drui Basilii munera grata Deo.*

*Inde sub Augusto medio, cum Candida Vir-*

*go.*

*Assumpta in calum concelebratur O-*

*vans,*

*Ordinis istius S inctorum hæc ade diebus*

*Peccati veniam quicquid habere po-*

*ssit.*

Fund. anno Domini DCCCXXXIII. Hæde-  
nus ibi.

### SANCTA MARIA

*Sicula.*

S. Maria Sicula, templum est antiquum non Sadeo magnum in vicinia, quam dicunt For- S. Maria  
cella prope sancti Agrippini templum à Leone Sicula: si  
familia Sicula nobili Neapolitano Caroli I. flum ab  
Regis Neapolitani Protonotario anno salutis miracula  
1275. conditum. Quæ vero in hoc templo colitur  
Deiparæ imago, ea editis olim miraculis  
clarebat, ut videre licet in subiecta inscriptione  
lapidi insculpta, ac supra templi fores posita,  
quæ ejusmodi est:

*Ladislavus Rex, cum morbo siatica esset in-*  
*fectus, conversus ad Beatissimam Virginem*  
*Siculam liber evasit. Ioanna soror Regis*  
*Ladislavus qualibet hebdomada in die Sabbati*  
*eandem summa cum veneratione visitabat,*  
*ab eademque singuli patientes sanis redibant.*  
*sicille. Nunc vero templi hoc multiplicatis un-*  
*de equaq; ædificiis à plebsq; ignoratur.*

Sed ne in omnibus Deiparæ templis Neapoli extructis singillatim recentendis nimum immoremur, omnis ex industria reliquis, ea tantum brevissime perstrigam, quæ vel ad monialium Cœnobia, vel ad eas domos, in quibus Christianæ pietatis opera in egenos conferuntur, vel ad virorum religiosorum domicilia pertinent, erit neq; ab eorundem templorum splendore, neq; à gloria Deiparæ aliena commemoratio; & intelligant omnes ingentem in hac urbe tum virorum, tum mulierum multitudinem sub peculiari Deiparæ patrocinio degere, ejusdemq; præsidio, quæ ad vitæ cultum sunt necessitaria, illis suppeditari.

### S. MARIA A DONNA

*Roma.*

P Rincipio offert se inter monialium templum à S. Maria Donna Romata. cui antiquissimum Monialium Ordinis S. Benedicti cœnobium est annexum, illuc ex evertis Cumis an. salut. 1207. magna rotius Neapolitanæ urbis pompa illatum est corpus S. Julianæ Virginis, ac martyris præclarissimæ, de qua nos in tractatu de virginibus; ejus festum, ut in martirol. Rom. recolitur die 16. Februarii, illic recon-

illic reconditur tibia S. Antonii Abbatis toto terrarum orbe clarissimi, quæ in ejus festo omnibus spectantibus proponitur: illic etiam asser- vatur ampulla vitrea, qua S. Joannis Baptistæ sanguis continetur, qui ad ejus invocationem sæpe in missæ sacrificio colliquefcere cernitur. At dicit quispiam, qui fieri potuit, ut tibia S. Antonii hic recondatur, cum idem S. Antonius teste Athanasio in ejus vita, sui tumuli locum adeo occultum esse voluerit, ut duobus discipulis, quibus funus suum curandum commisit, severe edixerit, ne cuiquam illum commo- strarent, quare S. Hilarion, auctore S. Hieronymo in ejus vita, cum ad sancti Antonii Eremitum pervenisset, & sancti viri loca omnia pie perlustrasset, duos è discipulis sancti Antonii rogavit, ut illius tumulum sibi indicarent, qui ab eis seorsim est abductus; utrum verò illum viderit, ignoratur. Eadem suboriri potest de sancti Joannis Baptistæ sanguine dubitatio, cum illius corpus ex sacra Evangeliorum historia ab ejus discipulis sepulture mandatum post annos ferè trecentos ab Impio Juliano Apostata fuerit igne combustum, sic, ut ejus postea dispersæ reliquæ noctu à quibusdam Monachis ægrè colligi potuerint. At qui de sacro ejus sanguine non hujus modo cœnobii moniales gloriantur, sed illæ etiam quæ Neapoli ad sanctum Gregorium Armeniæ Episcopum (vulgo corrupto vocabulo sanctum Ligorium degunt, & verum esse Præcursoris sanguinem testatur miraculum illud omnibus notissimum quo die 29. Augusti, cum ejus decollatio celebratur, insperante populo colliquefcit. Utrique difficultati ut plenè satisfiat, rem omnem paulò altius repetam. Cum hujus Cœnobii templum pervetus illud quidem, postea à nobili quadam femina Andegavensi genere sub Neapolitanis Regibus è Galliarum genere ortis annum Domini circiter 1300. restitutum, & auctum fuerit facile fieri potuit, ut è Gallia, ubi hujusmodi reliquæ pie asservabantur Neapolim à Gallis, quibus cum eo tempore magna Neapolitanis intercedebat consuetudo, perferretur. Verùm, quoniam pacto in Galliam delatæ sint, est demonstrandum. Et sanè corpus S. Antonii Abbatis, auctore S. Antonino 2. part. hist. titul. 12. c. 39. ult. imperante Justiniano apud Ægyptum in Eremito repertum translatum est Alexandriam. Id ipsum testatur Marianus Scotus, quem refert Baron. tom. 7. Annal. ad ann. Christi 531. At verò de translatione in Gallias

idem S. Antonius loco citato: *Nunc autem, inquit, pro certo est in Abbacia monasterii majoris prope Avilatem in provincia Provincia, & Brachium est apud Vienneses, ubi nunc fit concursus populorum.* sic ille.

Petrus quoque de Natalibus lib. 5. Catalogi Sanctorum cap. 110. affirmat Jacobum filium S. Guliel. Comitis corpus sancti Antonii ab Imperatore Constantinopolitano dono acceptum detulisse Viennam. Quod verò spectat ad sanguinem Præcursoris; Gregorius Turonensis auctor gravissimus lib. 1. de gloria martyrum c. 12. quandam de eo refert historiam scitu non injucundam, quam hic inferere operæ pretium duxi, cum enim ageret de sancti Joannis Baptistæ martyrio. Tum temporis, inquit, à Gallis matrona quædam Jerosolymam abierat pro devotione tantum, ut Domini, & Salvatoris nostri præsentiam mereretur: audiens autem quod beatus Joannes decollaretur, cursu illuc rapido tendit, datisque muneribus supplicat percussori, ut eam sanguinem fluentem colligere permitteret. Illo autem percutiente, matrona concham argenteam præparat, truncatoque martyris capite cruorem devora suscepit. Quem diligenter in ampulla positum, in patriam detulit, & apud Vasatensem urbem ædificata in ejus honorem Ecclesia in sancto altari collocavit. hæc Turonensis. Ex quibus satis colligitur quomodo hujusmodi reliquæ in Galliam translatae, inde Neapolim deferri, & in templum à Gallis exornatum reponi potuerint.

**S. MARIA REGINA COELI, ET  
alia Monialium Tempora Dei-  
para sacra.**

S. Maria Regina cæli Monialium, quæ Ordinem Canonicorum Regularium S. Augustini proficetur. Hoc templum Deiparæ Assumptæ hæc occasione est dicarum. Cum anno 1518. moniales quatuor è cœnobio S. Mariæ de Agnone perfectioris vitæ studio novum monasterium fundaturæ in quandam se domum recepissent, & Franciscam Gambacurtam monialem è monasterio Nolano Ordinis Canonicorum Regularium in Abbatissam elegissent, brevi temporis intervallo earum numerus crevit ad quadraginta, postmodum an. 1534. die 14. Augusti eadem Abbatissa divino, ut rei probavit cœtus, permota spiritu jussit

R I T T ca

S. Joannis  
Baptista  
sanguis se-  
pocolliguo-  
lenti.

S. Joannis  
Baptista  
sanguis i-  
pso decolla-  
tione die à  
quadam  
Matrona  
asservatū.

S. Maria  
Regina cœ-  
li templum  
in Assum-  
ptionis ho-  
norem cur-  
dicatum.

S. Antonii  
Ab. corpus  
in eremio  
reperitum.

ea nocte omnes partim in suo, partim in superiori cubiculo pernoctare, cui cum omnes paruisent, eadem nocte ingenti fulgurum, tonitruorum, & pluviae procella excitata, earum domus anno superiore ab ipsis coempta, in qua jam debebant, ut erat vetustissima, corruit à fundamentis, duobus tantum cubiculis, ubi se moniales continebant exceptis, quare tanto Deiparæ beneficio, ea ipsa, quæ Virginis Assumptæ celebritatem præcurrit nocte, accepto, novo cœnobio juxta templum S. Mariæ à Gratia exædificato, Deiparæ Assumptæ nobile templum à fundamentis erexerunt.

*S. Maria à Donna Regina.* S. Maria à Doana Regina monialium Ordinis S. Francisci, quarum cœnobium extructum est à Regina Maria Hungarica Caroli II. Regis Neapolitani uxore, S. Ludovici Episcopi Tolosani ex Ordine Minorum matre, quæ ibidem anno 1323. est sepulta.

*S. Maria Aluini.* S. Maria Aluini è regione S. Mariæ Novæ monialium ordinis S. Benedicti. Hoc cœnobium à quibusdam monialibus Græcis sexcentos circiter annos est ædificatum, cum enim in mari sæva tempestate jactarentur, voverunt se, quo incolumes, ac salvæ pervenissent, illic cœnobium sibi extructuras, cum ergo Neapolim appulissent, hic cœnobium excitarunt.

*S. Maria Sapientia.* 48. S. Maria Sapientia monialium Ordinis Prædicatorum. Hoc templum exædificavit Oliverius Cardinalis Carafa anno salutis 1507. ut illic Collegium tenuioribus scholasticis ad sapientiam addiscendam fundaret: verum morte præpeditus cum id facere nequisset, bujusmodi ibi cœnobium monialibus sacri Prædicatorum Ordinis extructum est, quæ singulari pietatis, & regularis disciplinae observatione clarent, earum curam gerunt religiosissimi Patres clericorum Regularium, quos Theatinos appellant.

*S. Maria à Jesu Teste.* S. Maria à Jesu monialium Ordinis S. Francisci, quarum cœnobium à duabus tertiariis è cœnobio S. Hieronymi propter pestem, quæ anno 1422. grassabatur, egressis, extrui ceptum: postmodum elemosynis, ac liberalitate Joannæ Aragoniæ Ferdinandi Regis Neapolitani uxoris auctum est, & amplificatum.

*S. Maria à Jerusalem.* S. Maria à Jerusalem cœnobium habet adjunctum monialium Capuccinarum Ordinis S. Francisci, anno salutis 1533. à religiosissima scemina natione Hispana nomine Longa fundatum; quæ cum paralyti laboraret, præclaro miraculo à B. Virgine in æde Lauretana, auctore

Horatio Turfellino l. i. histor. Lauret. c. 10. fanitati est restituta: qua de re nos Tract. de Miracul. egimus. mox Neapolim reveria ex suis facultatibus hospitale incurabile extruxit, ubi multis annis ægrotis ministravit. Aliquot deinde nobilibus fœminis adniventibus hoc monasterium extruxit, ibiq; arctissimam Capuccinorum vivendi rationem una cum iisdem suscepit hujus cœnobii moniales magnæ laudatatis opinione apud omnes merito celebrantur.

S. Maria Conceptionis, cui cœnobium est adjunctum monialium Hispanæ nationis anno salutis 1534. fundatum sub cura Fr. Minorum de Observantia, utuntur candenti tunica, & scapulari, pallio vero caeruleo, & atro velo.

S. Maria à Consolatione cœnobium monialium ordinis S. Francisci.

**DEIPARÆ TEMPLA, QUIBVS  
Nosocomia, orphanotrophia, & similes  
pietatis Christiana domus  
adjunguntur.**

**J**AN. quod spectat ad ea Tempia Deiparæ in Urbe Neapoli, quibus domicilia ad pietatis munera exercenda sunt adjuncta, eorum copiose cap. 29. recensuerim, hic breviter attingam, tale est templum *Annunciatæ* anno 1304. Carolo II. Rege fundatum, à quo innumerabilia egentibus subsidia, ut supra dixi, conferuntur, hic octingentæ fere mulieres in separata domo aluntur. In hujus templi sacello mirifice exornato, & ad sacras reliquias custodiendas extructo complures nobilissimæ asservantur sacra reliquæ, præsertim:

Ex ligno Dominiæ Crucis.  
Una ex spinis coronæ spinæ Christi Domini.  
Digitus index S. Joannis Baptistæ.  
Caput S. Barbaræ virginis, & martyris.

Et hæc quidem omnia Joanna secunda Regina Neapolitana huic templo est clargita. In hoc item Templo reconduntur:

Duo sanctorum Innocentium corpora, alterum ab eadem Joanna II. alterum ab alio pio viro accepta.

Octo præterea corpora SS. ex Civitate Lesina in Apulia in hoc templum anno 1598. translata, quorum nomina hæc sunt.

Cor-

Lauretano  
templo sa-  
nata.

S. Maria  
Concept.

S. Maria à  
Consolat.

Cap. 29.  
Annunc.  
Virginis  
templum.

Sanctissimi  
reliquæ in  
eodem tem-  
plo asserv-  
untur.

Corpora sanctorum Firmiani, & Primiani fratrum martyrum.

S. Tellurii martyris,  
S. Alexandri martyris.  
S. Sabini Episcopi.  
S. Eunomii Episcopi.  
S. Paschalis Abb. Cassinensis.  
S. Ursulæ virginis, & martyris.

S. Maria de Populo.

S. Maria de Populo ad Nosocomium Incubabilem, ubi exhibentur varia in ægros charitatis opera. Mulieres item, quas convertitas vocant, ibidem in separata domo degunt.

S. Maria à Jesu Red. Captiv.

S. Maria à Jesu Redemptionis Captivorum, quos ab infidelibus persoluto pretio eripit.

S. Maria Montis Pietatis.

S. Maria Montis Pietatis, ubi gratis pecunia egenis datur.

S. Maria Montis Misericordiae.

S. Maria Montis Misericordiae, ubi septem ipsa misericordiae opera in egenos præstantur.

S. Maria de Laureto.

S. Maria de Laureto, quæ Orphanos alit candenti habitu amictos.

S. Maria Pietatis.

S. Maria Pietatis, quæ Orphanos item nutrit cæruleis vestibus indutos.

S. Maria à Columna.

S. Maria à Columna pauperum Jesu Christi ad pueros vagos, & per urbem errones educandos.

S. Maria à Columna.

S. Maria à Columna, ac tenuiores puellas alendas.

S. Maria à Splendore.

S. Maria à Splendore, apud montem Calvarium honestarum puellarum domicilium.

S. Maria à Splendore.

S. Maria à Splendore, ubi puellæ Capuccinorum vivendirationem amplexæ commorantur.

S. Maria à Splendore.

S. Maria à Splendore, Constanti-  
nopoli anno 1519. extruitur propter depulsam pestem, quæ ab Augusto anno 1526. ad initium usque anni 1529. grassata erat: nunc domus ibidem ad puellarum educationem est instituta, quod inscriptio in interiori pariete supra fores in lapide incisa in his verbis indicat: *D. Maria Constantinopolitana Neapolitana Civitas Carolo V imperante ad pestem arretruncandam ad eum vocata, extruxit, dicavit. A vetustate ruinosa Philippo III. regnante, piæ stipe collata, addito Virginum Collegio à fundamentis magnificentius excitavit anno 1612.*

S. Maria à Charitate.

S. Maria à Charitate anno 1546. fundatur, in qua complures mulieres degunt.

S. Maria à Refugio.

S. Maria à Refugio, ubi plurimæ mulieres nutriuntur.

S. Maria à Succursu.

S. Maria Succursus mulierum, quas vocant

illuminatas Virgines, aliasque mulieres nutrit.

S. Maria Solitudinis, virgines, quæ filiae sunt hispanarum educat in Eglæ Regione vulgo *Pizzofalcone*.

S. Maria à Carminello apud viciniam hispanorum, mulierum hispanorum, quas Convertitas vocant.

Ad templa Deiparæ referri potest S. Maria Præsentationis, ubi nobiles puellæ virgines propriis expensis educantur.

S. Maria item à Carminello in sedili Capuanæ mulierum natione Italarum, quæ ibi ad tempus aliquod commorantur.

S. Maria Solitudinis

S. Maria à Carminello Hispanorum.

S. Maria Præsent.

S. Maria à Carminello in sedili Capuana.

### DEIPARÆ TEMPLA, QUÆ AD viros religiosos pertinent.

Quod vero spectat ad Religiosorum virorum templa Neapoli Deiparæ insignita nomine, ea certe numero plurima sunt: singuli enim fere regularium ordines unum vel plura possident domicilia, quorum templa Deiparæ sunt consecrata, è quibus in præsentia omissis, quorum supra meminimus, præcipua quædam recensebimus.

Religiosorum virorum templa Neapolitana.

S. Maria Montis Virginis cœnobitium ejusdem Ordinis. Hoc vero templum à Bartholomæo de Capua magno Altevillæ Comite, ut est in inscriptione supra templi fores ante trecentos, & eo amplius annos erectum est, atque fundatum.

S. Maria Montis Virginis

Ordo Prædicatorum quamplurima in hac Urbe monasteria numerat, è quibus Deiparæ nomen præferunt.

S. Maria Rosarii, Ecclesia anno 1572. erecta una cum cœnobio.

S. Maria Rosarii.

S. Maria Sanitatis in suburbiis, ubi Deipara plurimis miraculis est illustris. Id templum dicebatur prius S. Gaudiosi, is Episcopus Bituntinis Ecclesiæ, cum esset in Africa, inde Genserici Vandalorum Regis Arianæ persecutionem fugiens Neapolim venit, annum Domini circiter 440. S. Stephani Prothomartyris sanguinis ampullam secum ferens, cum S. Quoduldeo & aliis Episcopis, ubi multis claris miraculis in monasterio sancto sine quievit, ex martyrologio die 28. Octob. Apud hoc templum visitur etiã per vetustum cœmeterium subterraneum, ubi tumulus, in quo aliquando jacuit S. Gaudiosi corpus, cū ejus inscriptione opere musivo exarata

S. Maria sanitatis olim S. Gaudiosi Episc.



rata monstratur Sed cum id templum vetustate desertum, terra obrutum, situ squalleret; egesta terra expurgatum sacro Ordini Prædicatorum est assignatum, ac Deiparæ à sanitate dicatum anno Domini 1377. Dominica II Quadragesimæ, quo die solemniter instituta supplicatione, eo venit Paulus Aretius Cardinalis, & Archiepiscopus Neapolitanus, vir pietate insignis ex religiosissimo Ordine Clericorum Regularium, quos Theatinos dicunt, obedientia summi Pontificis ad Præsulatum euectus. Nunc autem celebre ibi templum cum insigni cœnobio piorum elemosynis est erectum. Ea tamen Regio olim Vallis sanitatis dicebatur, non tam ob cœli clementiam, quam ob S. Gaudiosi miracula, quibus multi sanitatem ab eo consequebantur.

*Iesus Maria templi.* Aliud quoque templum Ordinis Prædicatorum, quod dicitur Iesus Maria, anno 1581, fundatum est.

Minorum Ordo, & ipse Neapoli multa habet cœnobia, e quibus ad eos, qui dicuntur de Observantia, spectant.

*S. Maria Nova.* S. Maria Nova templum à Carolo I. Neapolitanorum Rege anno salutis 1268. conditum, & Fratribus Minoribus attributum. In cuius templi sacello ad dexteram aræ maximæ piissima Imago Deiparæ cognomento à Gratia colitur, quæ ingenti miraculorum multitudine, ac populorum frequentia celebratur. In altero vero sacello, & eo quidem peramplo in arca super altare posita religiose aservatur corpus B. Jacobi de Marchia Deiparæ studiosissimi, cuius beneficio B. Jacobus Laureti ab insanabili morbo convaluit, quemadmodum cap. 20. diximus. De hoc viro sanctitate præclaro p. 3. chron. Fratrum Minorum lib. 6. c. 3. illud memoriam proditur, quod tanto animarum iuvandarum zelo flagrarit, ut prædicationis munere suscepto 40. ipsos annos fere quotidie sit concionatus, sive in urbibus, sive in pagis, sive ad alios quacunque ratione ad verbum Dei audiendum congregatos. quod si externi decissent auditores, ad suos Fratres verba faciebat; & ne cuiquam onerosus esset, panem, cepas, legumina, aqua infusa, quibus vesceretur, secum ipse deferebat.

*S. Maria Angelorū.* S. Maria Angelorum in suburbio eorundem Fratrum Minorum de Observantia anno 1581. extruitur.

*S. Maria à* S. Maria à Conceptione Patrum Capucino-

rum extra urbis mœnia anno salutis 1370. extruitur.

S. Maria à Spiritu S. extra urbem Fr. Minor. quos Conventuales appellant.

S. Maria à Veritate in suburbio Ordinis Eremitarum S. Augustini, quos Discalceatos appellant, & asperimam vivendi rationem propter Christum sunt amplexi.

S. Maria à Vita in suburbio Ordinis Carmelitarum, ubi prius templum erat S. Vito sacrum hinc à Patribus Carmelitæ Dei Genitrici à Vita dicatum.

S. Maria Mater Dei Ordinis Carmelitarum Discalceatorum, quorum Ordo à B. Teresa institutus, verbo, precibus, & exemplo proximos juvare studet.

S. Maria Virginum Ordinis Cruciferorum ab anno 1330. cum antea Nosocomium huic templo esset annexum.

S. Maria à Stella Ordinis Minimorum S. Francisci de Paula.

S. Maria ad Capellam, huius templi cœnobia anno 1134. monachorum S. Basilii, deinde Cassinensium, mox Olivetanorum fuisse legitur, in præsentia est Canonicorum Regularium S. Salvatoris.

S. Maria Montis Serrati Ordinis S. Benedicti hoc templum anno salutis 1506. Neapoli extrui cœptum est, & à celeberrimo illo templo Hispaniæ, cuius Congregationi est unitum, mutuatum est nomen.

S. Maria Partus Virginis in Mergillina ad Pausilipi montis radices Ordini Servitarum ab anno 1524 attributum. Hoc templum anno 1510. à Jacobo Sannazario Poeta in primis nobili conditum, atque dicatum fuit Partui Virginis, cuius eximias laudes cecinit egregio quidem, ac viginti annorum lima perpolito poemate, ejus corpus eodem in templo marmoreo tumulo conditum jacet.

S. Maria ab omni bono in clivo montis, quæ dicunt S. Martini, Ordinis Servitarum.

S. Maria à Gratia celebre templum annum circiter 1490. erectum, mox anno 1500. ordini Eremitarum S. Hieronymi Congregationis B. Petri de Pisa attributum.

S. Maria Angelorum in Eola magnificum, & insigne templum à religiosissimis Clericis Regularibus, quos Theatinos vocant, nuper extructum.

TEMPLA DOMICILIORVM  
Societatis Iesu Neapoli Deiparæ  
erecta.

Claudam universam hanc de templis Deiparæ Neapoli erectis narrationem iis, quæ nostra Societas Iesu in hac ipsa urbe habet. Quatuor omnino sunt Neapoli nostræ Religionis domicilia, eaque omnia Deiparæ templis insignia.

Annun-  
ciata Vir-  
ginis tem-  
plum Egla.

Tyrocinium in ea Urbis Regione, quam Eg-lam, vulgo *Echia* vocant anno 1587. fundatum in quo Novitii, qui Societati nomina dedere educantur. Cujus templum B. Virgini Annun-  
ciatæ est factum.

Collegium, in quo omnes, quæ ad Theolo-  
gum pertinent disciplinæ traduntur, nostro-  
rum in hac urbe domiciliorum primum extitit  
quippe cujus initia anno 1552. posita sunt, mis-  
sis à B. Ignatio Societatis parente ex urbe Ro-  
ma Patribus: ejus postea templum à Societate  
nostra excitatum prope sedile Nidi anno 1557.  
Iesu est, ac Matri dicatum, ut lapis pro templi  
foribus testatur.

Professorum vero domus Neapoli duæ nu-  
merantur.

Templum  
Professa  
Domus so-  
cietatis Iesu  
Deiparæ  
dicatum.

Altera in foro, ac majore Emporio erecta est  
ad vetus sacellum Virgini Carmelitanæ sacrum  
quod vulgo imminuto à Carmelo nomine  
*Carmine* dicitur, ubi anno 1611. non mino-  
ri populi, ac vicinorum civium studio, quam  
eorundem utilitate à Patribus Societatis nos-  
træ consueta Domus Professorum munera ex-  
erceri cœpta sunt, ad hujus Domus templum  
Pater Claudius Aquaviva Præpositus Genera-  
lis Societatis Iesu anno 1613. quatuor Sancto-  
rum corpora ex cœmeterio Priscillæ via Sala-  
ria desumpta religiose asservanda transmisit;  
S. nimirum Victorini martyris, & S. Eugeniæ  
virginis & martyris, duorumque ejusdem S.  
Eugeniæ lociorum martyrum.

Ejusdem  
aliud tem-  
plum in  
Conceptio-  
nis Deipa-  
ræ honorè  
dicatum.

Altera, quæ multo ante, anno scilicet 1576.  
prope templum sancti Blasij constituta, cum  
ad obeunda Societatis munera minus com-  
moda videretur, in Palatium quoddam aper-  
to, celebrique loco positum omnibus ad ad-  
eundum percommodum magnifice extru-  
ctum, ac piorum elemosynis coemptum anno  
salutis 1584. translata est. Ejusq; porro palatii  
extrinseca facies à fronte, ac lateribus quadrato  
lapide cuspidatum adamantis instar exciso, & in  
quincuncem disposito, opere magifico ac re-

gio extructa, templi etiam faciem mirifice æ-  
mulatur, quam intra faciem diruto, quod clau-  
debat, ædificio laxissimum. quod nunc cer-  
nitur conditum est templum Crucis ad exēplum  
quadratæ cameratum, quatuor ingentibus pi-  
lis seu parastatis innixum, quarū singulis qua-  
terni ducti fornices templum efficiunt, triplici  
testudine, seu tribus, ut vocant, navibus distin-  
ctum, sic explicatum, atq; oculis pervium, ut  
tanta amplitudo prospicienti fere pateat inte-  
gra. Excitari cœptū est an. 1584. die 15 Dec. ipsa  
Conceptæ Virginis octava, eidemque Deiparæ  
Conceptæ dicatum est. Ac prius à Lelio Bran-  
catio Archiepiscopo Tarentino solemnibus  
ceremoniis jactus est lapis hujusmodi cum in-  
scriptione. *Virginis Conceptæ Templo extruendo  
Societas Iesu Professa deiecit 18. Calendas Janua-  
rii 1584.* Et celebrati astabat Dux Osunnæ Re-  
gni Prorex cum conjuge, frequentiq; proce-  
rum, ac nobilium corona, ipso etiam tū vivente  
ac spectante Alphōso Salmerone, qui unus fuit  
de primis novem beati Ignatii in nostra Religio-  
ne fundanda sociis. Tertio ac trigesimo anno  
posteaquam Neapolim Societas Iesu advena-  
rat, septendecim vero annorum spatio ad hanc  
quam videmus, formam redactum est, nam cū  
nocte, quæ Calēdas Januarias anni 1596. est ob-  
sequuta, contignatio, testumque sub quo Ara  
maxima, dū perficeretur opus, erat excitata, mi-  
serandum in modum conflagrasset; tum vero  
majore omnium studio, ac pietate opus urgeri  
cœptum, spe & opinione omnium citius huc  
processit, ut non nisi ornamenta, ac Tholus,  
seu cupula desiderentur. Quare anno 1601. in  
honorem Virginis Conceptæ solemnī ritu est  
consecratum ab Alphonso Cardinali Gesualdo  
qui in arcula reliquiarum, quæ in majori alta-  
ri, quod una cum templo ipse consecravit, de  
more est recondita: testatum reliquit his ipsis  
verbis: *Anno Domini 1601. Dominica prima ip-  
sius Octobris, qua hoc anno in septimum ejus mē-  
sis diem incidit, Ego Alphonus Episcopus O-  
stiensis S. Romanae Ecclesie Cardinalis Gesual-  
dus, sacri Collegii Decanus, Archiepiscopus  
Neapolitanus consecravi Ecclesiam, & Aliare  
hoc in honorem Dei, & Gloriosissimi nominis  
JESU, & Beatissima semper Virginis MARIÆ  
sub invocatione immaculatæ CONCEPTIO-  
NIS ejusdem, & in eo inclusi reliquias, &c.*  
Additque singulatim reliquiarum, quas ibi re-  
posuit, nomina, & centum dierum Indulgentiā  
Ecclesiam hanc visitantibus in anniversario

Consecra-  
tio ejusdē  
templi de-  
scribitur.

consecrationis ejusdem concessit. Eademque die tria alia Altaria in facellis ejusdem templi, à tribus aliis Episcopis reconditis, in singulis Sanctorum reliquiis, consecrata sunt. Altare quidem facelli ad levam Aræ maximæ ab Andrea de Franchis, Archiepiscopo Tranenſi in honorem Dei, Deiparæ, & Sanctorum septem Angelorum ante Deum astantium. Alterum Proximi facelli è Fabio Maranta Episcopo Calvenſi ad memoriam Annunciationis Deiparæ, & omnium sanctorum Martyrum. Tertium vero, quod est in facello à Ferdinando Fornario exornato, à Paulo de Curtis Episcopo Aferniensi ad memoriam Nativitatis Dominicæ & omnium sanctorum Confessorum consecrata sunt.

*Reliquiis, quibus idem templum inscriptur.*

Ad hoc quoque templum spectant aliz nobilissimæ reliquiæ, quæ hoc tempore in sacratio reposita sunt: eatumdem complures argenteis thecis inclusæ solemnibus diebus in ara maxima populo adorandæ exponuntur, præcipuè autem hæ sunt.

De ligno crucis Dominicæ.

Truncus ex corona Domini spinea, ex quo duæ spinæ prodeunt, à Philippo Cardinali Spinello ex Germania anno 1603. acceptus, ab eodemq; huic templo attributus.

Corpora sanctorum Servandi, & Vitalis martyrum ex cœmeterio Priscillæ viâ Salaria à P. Claudio Aquaviva Societatis Jesu huc transfusa.

Corpora item sancti Leonis Presbyteri, & Martyris, & sanctæ Eugeniæ Virginis, & Martyris, ex cœmeterio sancti Sebastiani huc delata.

Caput sancti Cornelii Papæ, & Martyris, ex cœmeterio S. Sebastiani anno 1585. à Patre Claudio Aquaviva missum.

Pars capitis S. Euphebiæ Episcopi, & Confessoris.

Quatuor item capita sanctarum undecim millium Virginum & Martyrum.

Maxilla S. Lucæ Evangelistæ cum aliquot dentibus.

Brachia S. Andree Apostoli, S. Laurentii Martyris, sanctarum Barbaræ, ac Dorotheæ Virginum, & Martyrum.

Duæ tybiæ sanctorum Martyrum Thebeorum è sociis sancti Mauriti, Tybia S. Euthymii Martyris.

Ex reliquiis præterea S. Stephani Prothomartyris, sanctorum Innocentium, S. Januarii

Episcopi, & Martyris præcipui Patroni Neapolitanæ, sancti Abdon & Sennen, sanctorum Aniceti, & Antheri Pontificum, & Martyrum, sanctorum Demitrii, & Felicis Martyrum.

Sancti Rochi Confessoris, & aliorum Sanctorum.

Os præterea beati Ignatii Societatis Jesu Fundatoris in argenteo simulachro inclusum.

Ex reliquiis præterea beati Stanislai Kostkæ, & beati Aloysii Confessæ è Societate Jesu.

#### TEMPLA DEIPARÆ IN RELIQUA ITALIA.

Quod vero spectat ad reliqua in Italia Deiparæ templa, illud in universum de Italia, sicut & de reliquis, in quibus fides Catholica viget, Europæ Regionibus dici potest; singulas Urbes, singula Oppida, singulos vero Pagos non uno, sed pluribus Deiparæ templis, quorum pleraque miraculis etiam sunt illustra mirifice floret. Quod non vulgare est divinæ in eas regiones benevolentiz, ac misericordiz argumentum. Nos igitur reliquis (ne plus æquo opus excreſcat) ex industria prætermisſis, aliquot tantum ex iis, quæ vel magis explorata sunt nobis, vel peregrinorum concursu celebrantur, nullo antiquitatis, celebritatisve servato ordine strictim recenserebimus.

S. Maria ab Arcu Nobile in Nolana Diocesi templum Ordini Prædicatorum attributum: sex ab urbe Neapoli milliariibus distitum: ejus clarissima quidem miraculis initia, & incrementa in capite, hujus operis plenius descripsimus.

Nolæ, secundo ab ea lapide, sancta Maria à Pariete, cum insigni Canoniceorum Regulæ Lateranensis cœnobio, ejus templi initia, inscriptio supra templi fores indicat his verbis: Deo Optimo Maximo, Deiparæq; Virgini, cuius hæc olim imago sub terrâ septa vepris, Ausilia Scala divino monitu indicante, ex us a miraculis late claruit, & à pariete, in quo picta est, nomen habuit, anno ab ejusdem Virginis partu 1514 undecima die mensis Aprilis, hæc ibi.

S. Maria Montis Virginis supra oppidum Mercuriale, vulgo Mercogliano in edito monte Beneventum inter & Nolam sito, ubi celeberrima hæc Deiparæ ædes à sancto Gulielmo Vercellensi extructa est cum cœnobio Ordinis à se instituti; cui ab hoc eodem loco

*Deiparæ templum Italia.*

*S. Maria ab Arcu prope Nolam.*

*S. Maria à Pariete in Nolæ.*

*S. Maria Montis virginis super oppidum Mercuriale.*

Montis Virginis nomē est inditum. De ejusmodi Templo, ac Cœnobio ad calcem tractatus de miraculis Deiparæ aliqua fufius commemoravimus.

Ejusmodi non pauca Deiparæ erecta templa veræ pietatis monumenta, ac miraculorum officinas reperiemus intra Neapolitanæ Regni fines in subjeâs præsertim Urbibus.

*S. Maria miraculorum An-  
aria.* Andriæ in Appulia Deiparæ templum, quod propter miraculorum frequentiam à miraculis dicitur, sacro Ordini S. Benedicti Congregationis Cassinensis attributum.

*S. Maria à  
suis terris in Sa-  
lentini.* 54. S. Maria, quam dicunt in finibus terræ, quod ejusmodi templū in extrema Italia ora, quæ ad Salentinos spectat, conditum sit. Ac magna apud eos populorum concursatione colitur die illa qua ejus festum celebratur.

*Annunci-  
ata Virgi-  
niæ templū  
Hydruntis  
in Salenti-  
ni.* Hydruntis in Salentinis Cathedralis Virginis Annunciata dicata, in qua reconditur reliquiarum octingentorum, & eò amplius martyrum, qui pro Christi fide à Turcis in ejus Urbis expugnatione an. salutis 1480. per summam crudelitatem sunt interempti, quemadmodum testantur ii, qui ejus temporis historias literis prodidere.

Caruffini, quod Oppidum est etiam in Salentinis, nobile Deiparæ templum extructum videtur, miraculorum multitudine illustris.

*S. Maria à  
ab Armis  
apud Bru-  
tios.* S. Maria ab Armis apud Brutios in Calabria, templum est populorum concursatione, & miraculis præstans.

*S. Maria à  
Quercu  
Viterbii.* Viterbii S. Maria à Quercu templum est miraculis præclarissimum S. Ordini Prædicatorum assignatum.

*Deipara  
templum  
in Picenti-  
bus.* Apud Septempedanos in Picentibus vulgò sancti Severini, qui (ut est in martyrologio die octavo Junii) fuit eorum Episcopus, Deiparæ templum exstat miraculis in primis nobile.

*Aliud Flo-  
rentia.* Florentiæ Cathedralis templum structura, & amplitudine magnificèntissimum Deiparæ est consecratum.

*Aliud B.  
Virginis  
Annunci-  
atibidem.* Eadem in Urbe B. Mariæ Annunciatae templum populorum frequentia, & miraculis in primis clarum S. Servitarum Ordini est assignatum, illic Deiparæ Annunciatae imago coloribus à pictore expressa est, Angelica verò manu ejusdem Virginis vultus delineatus existimatur.

*Cathedra-  
lis Ecclesia* Senensis Civitas, (quæ ob insignem in Deiparam pietatem Urbis Virginis est appellata.)

Cathedralem eidem Deiparæ Ecclesiam structura planè insigni excitavit: in ejus Ecclesiæ pavimento, tum veteris tum novi testamenti historiarum admirabili opere tessellato marmorum diversi coloris visuntur.

Eadem in Urbe nobilissimum templum Beatissimæ Virginis, quam dicunt à Provenzano propter miracula prope modum innumerabilia perenni feidè & Civium, & advenarum concursu celebratur, quod erigi coeptum est anno 1594. paucis annis ad culmen usque est perductum.

Bononiæ in proximo colle templum Deiparæ erectum est, in quo sacra ejus imago totius Urbis veneratione colitur.

Chioze templum Virginis miraculis illustris exstat, cujus meminit Canisus libro 5. c. 24.

Mediolani Cathedralis Ecclesia, quæ elegantissima forma, admirabili arte, immensa magnitudine magnopere præcellit, à Martino V. cum è Constantiensi Concilio rediret, Deiparæ est consecrata.

Mediolani quoque templum Virginis, quod dicitur ad S. Celsum, miraculis clarum populi frequentia celebratur.

Forolivi in Æmilia, apud Collegii Societatis Jesu templum, super aram maximam collocatum asservatur, celebre in ea Regione Deiparæ filium in gremio foventis simulachrum è ligno, cubitali feidè magnitudine, in cujus tergo aliquantulum excavato, non exigua pars vestis ejusdem Deiparæ inclusa reconditur. Ea imago eleganti specie intuentes ad pietatem excitat, quæ 600. ante annos Brunsvichi in Germania vetustis est nobilitata miraculis: cum enim in Silva primum à nobili quodam Equite feras agitante, in trunco arboris per vetusto reperta domum suam delata esset, post die in eodem arboris trunco invenitur, quod semel atque iterum factum est, quare ab eodem Equite tum suis, tum aliorum sumptibus inibi opulentum virginum cœnobium edificatum est, una cum templo, in quo hæc imago est reposita. Verùm lutherana grassante hæresi, cum non eo quo par erat honore haberetur, Forolinum auctoritate Conjugis Erici Ducis Brunsvicensis in templum nostri Collegii translata, magna confluentium populorum veneratione colitur, ubi etiam pluribus coruscant miraculis.

Apud montem regalem vulgò Mondovi

in

in

in

in

in

in

in

*Senensis  
Deipara  
dicatum.  
Aliud ibi-  
dem cele-  
berrimum  
B. Virginis  
templum.*

*Cathedra-  
lis Ecclesia  
Mediola-  
nensis Dei-  
para conse-  
crata.*

*Aliud B.  
Virginis  
templum  
miraculis  
præclarū.*

*Simula-  
chrum Dei-  
para mira-  
culis cele-  
berrimum  
Forivii in  
Æmilia.*

*Idem B.  
Virginis si-  
mulachrum  
à domo cu-  
jusdam E-  
quitis di-  
vinitus re-  
cedit.*

in Allobrogibus Deiparæ templum extat miraculis tota ea Regione celebre.

TEMPLA DEIPARÆ IN SICILIA, & in nonnullis circa Italian Insulis.

*Deipara  
templa in  
Sicilia, &  
Insulis.*

*Templa omnia  
Frætrum mi-  
norum de  
Observ. B.  
V. dicata.*

*Epist. Deip.  
ad urbem  
Messanam  
Vrbis ejus-  
dem Cath.  
dralis Dei-  
para dica-  
ta.*

*Panhormi-  
tana  
Cathedra-  
lis B. V. di-  
cata.*

*Templum  
Deip. in  
Urbe Mon-  
tis Regalis  
structura  
pulcherrim-  
um.*

*S. Maria à  
Monte Ser-  
rato A-  
gringenti.  
Annunc.  
Virginis  
templum  
Drepani.*

*Templa B.  
Virginis in  
Melita.*

**I**N Sicilia maxima mediterranei maris Insula, plurima sunt variis in Urbibus Deiparæ templa insigni structura, aut miraculis illustra, de quibus Thomas Faselus in sua de rebus Siculis historia, & ut omittam religiosissimum Ordinem minorum, quos de Observantia appellant, qui suis omnibus templis, ac cœnobis S. Mariæ à Jesu nomen indiderunt Urbis Messana, quæ Epistolam à Deipara in terris adhuc agente accepisse se gloriatur, inter alia ejusdem Virginis templa cathedralem Assumptæ Virginis insigni magnificentia extractam habet; ejusque festum die 15. Augusti, solenni Deiparæ simulachri per Urbem pompa, ingentium civium, tum finitimorum populorū celebritate colere consuevit.

Panhormus præter alia multa Virginis templa, de quibus idem Thomas Faselus libro octavo de rebus Siculis, cathedralem insigni, & admirabili opere anno salutis 1181. Gulielmo Secundo Siciliæ Rege extractam habet.

Mons Regalis Urbis quarto ferme à Panhorme lapide, Archiepiscopatu opulentissimis rebus insigni decoratur, in eadem templum nobili in primis structura, & albo marmore porphyriticæ, ac lacedemonio ad admirationem ornatum, Gulielmus Siciliæ Rex, cognomento Bonus, Deiparæ condidit.

Agringentum in colle Vulcanio (à Præcis propter Vulcani delubrum sic dicto) nunc templum habet, cui sanctæ Mariæ à Monte Serrato nomen est inditum, apud Thomam Faselum libro 6. cap. 1.

Drepanum ad radices Etycii montis propter Veneris olim delubrum Poetis non ignoti, nunc templo insignitur religiosissimo Deiparæ Annunciatæ sacro, quod peregrinorum è diversis orbis terræ partibus confluentium concursatione celebre Patribus Carmelitis est attributum.

Melita Insula Equitum Jerosolymitanorum Sancti Pauli Apostoli tum naufragio, tum commemoratione clara, complura habet Deiparæ templa, inter quæ unum est extra urbem

cui nomen est à Gratia. Alterum vero cognomento de Moleca, quodam in colle populorum veneratione insigne

56. Lopadusa Insula vulgo Lampadusa inter Siciliam & Lyoriam, cujus meminit Strabo libro ultimo nunc omnino deserta, Deiparæ tamen templum habet ipsi etiam Babaris, ne dum fidelibus venerabile, si quis enim è præternavigantibus pecuniam in templum nullo custodiente oblatam furto succipere audeat, ferunt illico procellam in mari excitari, ac proinde ex insula exitum intercludi, quoad eam suo loco reposuerit.

Tremirana Insula in mari Adriatico, sive ut ait Plinius libro 3. capite 26. in Ionio dista sic est à trium montium aspectu, in quos venere, an fabulose dissimile fertur. Sanctes nunc Insule sunt tribus distinctæ montibus, dicebatur olim per Plinio Insula Diomedea, quæ teste Augustino libro 18. de Civitate capite decimo sexto, non longe est à monti Gargano in Apulia, illasque alites habet frequentes, quas Juba Cataractas, nunc Arrenas dicunt Anatum magnitudine paulo grandiore, Fulcarum similes, in quas socios Diomedis Ætholiæ Regis in bello Trojano celebres conversos bulati sunt Poetæ, ex Plinio lib. 10. cap. 44. & ex Augustino. Cum igitur quidam pius, ac rerum divinarum contemplationi deditus, illic solitariam vitam ducens, aliquando inter orandum sensibus excedens, Dei Genitricis admonitu semel atque iterum iustus est certum locum effodere; thesaurumque inventum construendo ei templo impendens, ab eo igitur ex inventa pecunia in Diomedæi delubri ruinis celeberrimum Deiparæ templum inædificatum est, in quo verum quidem, & pulcherrimum ejusdem Virginis repositum est simulacrum, quod miraculorum multitudine, ac magnitudine clarè; cœnobiumque illi est astructum in arsis munitissima formam ad pyratas arcendos, aliorumque facinorosorum hominum incursiones prohibendas, quod quidem cœnobium anno Domini 1060. auctore Leone Ostiensi in chionie. Cassinensi incolebant cœnobitæ Ordinis S. Benedicti: postea, auctore Benedicto Cochorella Canonico Regulari in sua descriptione Insulæ Tremiranae, attributum est Cisterciensibus, quibus à Dalmatis præ-

*Deip. tem-  
pla in Lo-  
padusa  
Strabo.  
Raptum  
bonorum  
ejusdem  
templi, q.  
fidus ma-  
ris procel-  
lis in Insu-  
la detinen-  
tur.  
Maria 7.  
templum  
in Tremi-  
rana Insu-  
la, ejusdem  
jussa, ac o-  
pe extru-  
ctum.*

*Ma-  
ra-  
dis*

*Chionie  
Cassinensi  
Benedicti  
Cochorella*

prædonibus per summum scelus contrucidatis, ac monasterio direpto, tandem anno 1412 à Gregorio XII. Canonicis Regularibus S. Salvatoris Lateranensis est assignatum.

DEIPARÆ TEMPLA IN  
Hispania.

57.  
Templa  
Deipara  
2000. à  
Iacobo I.  
Aragonii  
Rege ex-  
structa.

Hispania Catholica Religionis studiosissima quamplurima Deiparæ Tempia præclarissima, & miraculis celebrata habet: eorum multitudinem quis ex uno Aragoniæ Regno facile conjicere poterit. Eam vero Jacobus I. Aragonum Rex cognomento Expugnator, quemadmodum cap. 29. ex Hieronymo Blanca in Commentariis rerum Aragonensium ad annum 1285. diximus, tribus Regnis è Saraceno- rum manibus ereptis in Aragonia ad duo milia templa extruenda, ac Deiparæ dicanda curavit. Nos in præsentia aliquot ex præcipuis totius Hispaniæ afferemus.

MONTIS SERRATI TEMPLVM  
Deipara sacrum, & eiusdem templi  
fundatio.

Mons Ser-  
ratus unde  
dictus.

IN ceteriore Hispania milliarius circiter triginta distans Barcinone Urbe celebri mons est, undique præruptus, ac maxime editus, asper, ac sterilis ad aspectum, florum tamen varietate ac fructuum suavitate præditus, vertices habet multiplices, & diversas in partes quasi terra dissectos; ex quo factum est, ut vulgari nomine dicatur *Mons serratus*, olim profano falsorum Deorum cultui dicatus, nunc Virgini Deiparæ sacer ob vetustissimum ejus simulachrum in abditiſſimo Antro divinitus adinventum. In medio ejus montis clivo situm est Deiparæ templum, quod ad Lauretanum omnium celeberrimum proxime accedere videtur, sive miraculorum multitudinem, sive peregrinorum concussationem, sive ministrorum templi cultum spectare velimus. Templo verò aditum est Monasterium in primis celebre. Hujus templi ædificandi occasionem (ut antiquissima, quæ sunt in monasterio literarum monumenta testantur) præbuit per vetus quidem, & illustre miraculum. Enimvero cum nostræ salutis anno 888. Guisfrapeli filia (is erat Barcinonis Comes, generis nobilitate, sed multo magis in Deum pietate, ac

Templi  
Deipara  
Montis  
Serrati o-  
rigo.

bono exemplo inclutus) miserandum in modum à dæmone occuparetur, ac solemnes exorcismi nequicquam adhiberentur, præmonuit dæmon se nullatenus abscissurum, nisi obsessa Virgo ducatur in Montem Serratum à Joanne Garino liberanda. Is solitariam per idem tempus vitam agebat in ejus montis spelunca, quæ etiam nunc ab eo nomen habet, ac prope monasterium est sita procul ab hominū frequentia, ubi quiete solitudinis, atq; animi tranquillitate fruebatur, quocirca Guisfrapelus, seu quod idem est Guifredus cognomento Pilosus, ne quid intentatum pro carissimæ filiæ incolumitate relinqueret, una cum eadem contendit ad montem, solitariū hominem convenit, de re tota docet. Ille puellæ ærumnas miseratus, profusus lachrymis Deum pro ea suppliciter, atque ardentè invocat, ac illico immundum spiritum ab ea exigit. Guisfrapelus rei eventus lætus, memor tamen ejus, quod callidus hostis minatus erat, se rediturum in corpus nisi puella jam libera cum Joanne Garino in solitudine commoraretur dies omninò novè; orare hominem cepit, ut filiam in suam specum dies nimirum novem reciperet, ac contineret. Id ille graviter accipiens, primo constanter abnuī; ad extremum tamen invitatus Comitis precibus exorari se passus est: Comes interim Monistrolis (nomen est pagi ad situm ad Montis Serrati radices) commoratur: inde cubum per famulas filiæ trans mittebat, quoad dicta dies efflueret. Joannes verò Garinus puellæ monita salutis dabat, & ad studium virtutis incendebat. Ea familiaritas fecit, ut arripere occasionem diabolus felicitatada hominis animæ, deque suo statu deiciendæ: nam libidinis facibus vehementer sancti viri animum quasi machinis oppugnare incœpit. Per eos fere dies Dæmon Emeritæ specie sumpta, in altera ejusdem montis spelunca degere cœperat, (quæ etiam nunc Sarnæ spelunca appellatur) cum eo, quem Joannes Gainus Eremitam existimabat, suis contulit cogitationes, ab eoque consilium, num puellam deserere deberet petit. At veterator ille subsistere suadebat, ne ignaviæ locum daret. Joannes tamen per Comitis sermos cum orabat, filiam ut revocaret suam; sed frustra: timebat enim Comes, ne si autem nonum diem puella recederet, dæmon iterum eam occuparet. Tandem Joannes tentatione victus vitium per vim puellæ intulit.

Dæmonis  
illuſio ad  
scelera  
perpetran-  
da.

lit, & jam maximo pudore perfusus falso il-  
li Eremitæ flagitium suum aperuit, à quo con-  
siliium de interficienda puella, ne res evul-  
garetur, retulit. quare in speluncam rever-  
sus dormientem puellam cultro jugulat, eo-  
que condit in loco; ubi conditum deinde  
est templum cum monasterio. Guisrapelo  
verò de filia quærenti respondit ille, eam  
concessisse rus quoddam, nec quicquam aliud  
de ea se nosse. hic parens victimam illam om-  
nem studiose lustrare; cumque puella nus-  
quam appareret, domum repetit occurrens. In-  
ter hæc Joannes Garinus admitti sceleris con-  
scientia discruciebatur. quare ad summum  
Pontificem Romam contendit, eique con-  
scientiam atrocissimorum scelerum omnem  
per confessionem aperit; ejusque consilio,  
atque auctoritate in eadem illa, ubi Deum of-  
fenderat, vastitate montis, ac solitudine à se-  
met ipse peccatorum suorum poenas volonta-  
ria corporis afflictatione resolcere decrevit.  
Montis Serrati latebras secessumque repetit,  
atque ibi manibus, pedibusque quadrupedum  
more reperere verius, quam incidere cepit: nec  
unquam oculos attollere audebat in cælum,  
cujus opificem, & conditorem tanta crimi-  
num indignitate nuper irritaverat. itaque ca-  
pillis, barba, & totius corporis pilis subre-  
fcentibus, videbatur homo silvestris. Cum ve-  
rò venatores quidam ex aula Comitis Guisra-  
peli eum conspicerent forma, incesluque feræ  
non absimilem; atque silvestrem hominem  
rati injecto in collum suæ nihil obniten-  
tem, aut metuentem ducunt ad Comitem,  
qui domi eum suæ alebat, innutriebatque  
panis fragmine ad vitam sustentandam ei pro-  
jecto.

*Imago B.  
V. Montis  
Serrati,  
ælestibus  
aditis si-  
gnis reper-  
ta.*

58. Per idem fere tempus pastoribus ex Mi-  
nistrolo pago septem pueris sua in Montefer-  
rato pecora simul pascantibus, singulis sabbati  
diebus sub noctem intendentibus se tenebris,  
vita subita de cælo effundi flammaram lumi-  
na insolitis fulgoribus coruscantia, quæ certæ  
montis speluncæ incumberent, ac deinde ex  
eadem spelunca audiebantur quasi chori mo-  
dulate, ac suaviter concinentium. id pueri suis  
quisque parentibus narrant hi verò rem explo-  
ratam Ministroli paracho, seu Rectori expo-  
nunt. Rector pro officii sui ratione acceptam  
rem tradit Episcopo, qui tunc temporis Man-  
resæ morabatur. confestim ille magno cum  
comitatu sabbati die adit Montem Serratum

novem fere millibus passuum Manresa distan-  
tem. sub vesperam haurit suis & oculis lumina,  
& auribus symphonie cantum. Ergo admira-  
bundus jubet insequenti die Dominico lo-  
cum, ubi visio apparuerat perquiri: tandem  
quamvis ægè propter montis asperitatem in-  
tra cavernulam, unde odor quoque suavissi-  
mus afflabatur, eminentem ac solidam Deiparæ  
effigiem reperiunt, à quo verò ejusmodi  
Deiparæ simulachrum eo in loco collocatum  
fuerit ignoratur. quidam tamen existimant ab  
aliquo viro Sancto, eo tempore, quo Mauri  
Hispaniam occupant, ibi esse repositum, sta-  
tim atque effossum Virginis simulacrum agno-  
scit Episcopus, lætitia perfusus est ingenti, sup-  
plicationem cum cereis facibus edicit, virgi-  
neam statuam in Ministrolo, proximum pa-  
gum, asportaturus. verum postquam in id loci  
perventum, ubi hodie visitur Deiparæ tem-  
plum, qui statuam portabant homines, ex eo  
loco dimovere nequaquam valuerunt: unde E-  
piscopus intellexit divinam esse voluntatem,  
ne illinc demigraret. Quare astantis Episcopi  
jussu illico excitatur sacellum, ac magnifice in-  
struenda exornatur Ara; in ea Simulacrum reponi-  
tur relicto ad custodiam Ministroli Rectore  
viro probitatis expertæ, ac singularis in Virgi-  
nem pietatis. Ex templo peregrinorum concur-  
sus variis ex partibus cum ingenti animarum,  
& corporum utilitate fieri coepit. Statim  
verò ac sacra Virginis statua reperta est factum  
est, ut cum Joannes Garinus hunc ad collum  
vinculus apud Guisrapelum Comitem viveret  
reptanti feræ similis, & in salutatis poenitentia  
studio septem jam annos exegisset; Infans  
trium mensium Comitis filius coram eodem  
Comite elata, contentaque voce, ut ab omni-  
bus exaudiretur. *Erige te*, inquit, *frater Joannes  
Garine, nam Deus remisit tibi peccatum tuum.*  
Tunc ille cælesti quasi nuncio adinotus af-  
flictum et exit corpus, Deoq; gratias egit: exin  
ad pedes Comitis projectus suum flagitium,  
& immane contrucidatæ puellæ facinus ape-  
ruit; veniamque ab eo petit, seque pro ad-  
missio sceleris poenam omnem subiturum pol-  
licetur. At Comes admiratione plenus respon-  
dit se ei, cui Deus ignoverat, omnem in se  
admissi sceleris culpam remittere, & ut reli-  
giosum habitum indueret, deposita specie illa  
silvestri jubet. voluit tamen indicari sibi lo-  
cum, ubi extinctam filiam condidisset, quo  
honorificiori eam sepultura tumularet. Igitur  
Comes

*Pœnitentiam agens  
Garini ab infante  
puerulo de  
sceleris  
venia di-  
vinitus  
monetur*

*Interfecta  
puella B. V.  
devota, per  
7. annos  
ad vitam  
revocatur*

*Templi  
Montis  
Serrati  
cultus, ac  
magnifi-  
centia.*

Comes cum Garino magno septi comitatu ad locum iter arripuit; cumque ad sacellum illud Deiparæ pervenissent: primo ante ejsdem simulacrum recens repertum procumbentes in genua preces, aliquandiu effuderunt: deinde iussu Garinus certos quosdam amoveri lapides, quibus sepositus non tantum viva, sed etiam valens atque integra apparuit puella, nisi quod in gutture signum quoddam instar filii purpurei, ubi vulnus acceperat, conspicietur. rei miraculo obstupescens Comes, atque ingenti gestans gaudio, filiam percontatur de casu, successuque universo: ac illa se ante illatam aciem Virgini Deiparæ addictissimam fuisse, cuius precibus vitæ erat restituta: & quoniam parens domum tentabat adducere, ut eam matrimonio collocaret, negavit præcise puella ab eo Deiparæ Virginis sacello se recessuram, ubi perpetuo ejsdem obsequio addicta permanere volebat. Motum gessit roganti filæ Comes, ibique cœnobium edificavit. Virginum sub sancti Benedicti disciplina, ac legibus, in illud redi-viva filia Abbatissa admittæ sunt multæ, eæque perillustres puellæ: quarum suscepta est procuratio à Joanne Garino, ac Ministrioli Rectore: quorum uterque in eadem solitudinæ vitam sanctæ, ac religiosè traduxit. Elapsis jam annis centum cum & pietatis in religiosissimam ædem usque adeo creveret in dies, ut vis hominum ad Deiparæ simulacrum adventantium esset continenter magna; minime verò deceret religiosam vitam professas virgines tam frequens habere cum peregrina gente commercium; Borellus Barcinonis Comes Moniales illas omnes summi Pontificis auctoritate transtulit intra Barcinonem ad sancti Petri Monasterium; in Monte verò Serrato cœnobitas ex ejsdem sancti Benedicti familia posuit. deinde anno 1498. Ferdinandus, & Isabella Catholici Reges in idem Monasterium ejsdem sancti Benedicti severioris disciplinæ Monachos innexerunt, primo omnium Abbate Garzia de Cisneros, qui sanctimonix laude præcellens Monasterium prudenter, ac religiosè rexit. Extra verò Monasterii claustra in vastis, desertisque montis speluncis debebant Eremitæ, quorum vivendi ratio, ac tenor veterum Ægypti Monachorum vitam refert; præclarissimo deinde templo extructo, Deiparæ statua sublimis sita est in maximo templi sacello; an-

te eam lampades ex argento quinquaginta pendent, & usque collucunt, quas dono dederunt vari diversis temporibus Pontifices, Reges, Imperatores: ardent certis diebus cerei complures immensi propemodum ponderis. Templo est supellex sacra in primis luculentata cum opulento cultu margaritarum, & unionum, monumentum piæ munificentix virorum Principum, ac dynastarum. Sanctorum reliquix complures ibi pie asservantur miraculorum innumerabilium, quæ idoneis testibus sunt probata, ingens exat liber, in quo quamplurimi ægroti recensentur curati, emergunt liberati, captivi ab infidelium servitute exempti, mortui ad vitam revocati, quorum votive tabellæ, vel cereæ, aut lignæ statux eorundem beneficiorum indices in templo, & cœnobii claustro dependant. Quare sacrosanctum templi limen intrantes illico emolliuntur, & quasi adjectis pectori sacibus, ad studium pietatis accenduntur. Et hæc quidem omnia, quæ de templo Montis Serrati diximus ex Alfonso Villegas 2. p. ejus operis, qui Flos sanctorum dicitur, ubi de B. Virgine cap. 23. desumpta sunt, & ex vulgari idiomate translata: eam vero historiam ex vetustissimis, quæ in Monasterio asservantur litterarum documentis se accepisse restatur: cui assipulantur non modo spelunca Joannis Garini, & alia Satanæ sub falsa Eremitæ specie se ostendentis, quæ adhuc in Monte Serrato peregrinis ostenduntur, in quibus lapideis imaginibus hæc expressa cernuntur, verum etiam vetustissima traditio, & innumerabilia, quæ in eo templo miracula produntur, hoc ipsum satis confirmant. Hactenus ex Villega. Et sane, ut est in ejus templi historia, miracula octoginta duo supra trecenta Deiparæ à Monte Serrato edita numerantur. Hoc etiam in templo, quemadmodum cap. 35. diximus, B. P. Ignatius Societatis Jesu Fundator anno salutis 1521. confessione generali peracta coram Virginis simulacro, deposita seculari hinc sub tanto Virginis præsidio Christi militix nomen dedit.

Ad extremum nec illud prætereundum tantam esse fidelium pietatem erga Deiparæ Monte Serrato templum, ut Romæ, & Neapolis sub hoc nomine templa constructa cernantur.

Illud minime reticendum, his, quæ de Joanne Garino conscripsimus, aliquo modo simile esse id, quod Jacobo Eremitæ (cui-

*Simile exemplum in Jac. Erem.*



ius festum die 28. Januarii in martyrologio adnotatum evenisse, memorie proditum est. Is enim cum vite sanctitate fulgeret puellam, a qua demonem exegerat, & apud se biduum retinere a parentibus rogatus erat, violavit, violatam interfecit, & in flumen projecit, sed eius flagitii severissima poenitentia intra sepulchrum quoddam decenniis spacio peracta, veniam a Deo consecutus, miraculis clarus migravit ad Dominum. Ejus res gestas ex Metaphrasie recitat Surius tomo 1. & nos in Tractatu de Virginibus sect. 2. ubi de mulierum confortio cavendo agemus.

S. MARIA DE GVADALVPE.

59.  
Imago B.  
V. de Guadalupe  
eiusdem  
jussu, miraculo confirmata,  
invenita.

**I**N eadem Hispania, Oppido Guadalupe (quod Latine flumen luporum, seu aquas lupinas) Templum Deiparæ est præclarissimum, ac miraculorum multitudine, ac peregrinorum frequentia maxime illustre, quemadmodum ex votivis tabellis, ac donariis perspicue apparet. Ejus templi extruendi ea fuit occasio; S. Gregorius ad Leandrum Hispalensem Episcopum, cui inscripsit librum *Moralia in Job*, dono misit Deiparæ imaginem, quæ in magna apud Hispalenses veneratione habebatur. Verum Mauris Hispaniam irumpentibus, eam una cum corpore S. Fulgentii Astigitani Episcopi fratre S. Leandri, quodam in antro abscondito posuerunt, ibique scriptum quoddam, quo hæc continebantur, reliquerunt. Hæc porro Deiparæ Imago ibi tamdiu permansit (permansit autem ad annos sexcentos) dum B. Virgo bubulco cuidam apparuit, eumque rei totius admonuit, ac ne quid decisset ad fidem, addidit & signum in rei comprobationem, fore nimirum, ut quem vita defunctum erat inventurus, a mortuis infans ejus filius resurgeret. Ergo cum ex dicto Virginis omnia successissent, is evocatis una secum ex eodem Oppido sociis, Deiparæ sculptilem ex ligno imaginem, quantitate non adeo magnam, quæ tamen intuentes ad pietatem excitabat effodit; eodemque in loco S. Fulgentii corpus est reperiendum. Aedicula ad Imaginis honorem pro loci opportunitate ædificata, quæ præcipua totius Hispaniæ Religione colitur. Mox Alfonso Rex hujus nominis IX. Templum extruxit, dote auxit, Clericosque constituit, qui divinum Officium rite persolverent. Tandem Joannes I. Castellæ Rex reli-

giosissimo Ordini S. Hieronymi procurandum dedit.

S. MARIA DE RUPE GALICA in Hispania.

**I**N quodam Hispaniæ monte editissimo Rupes Gallica dicta. Hispani suo idiomate *La Pigna di Francia* vocant, qui situs est in Salmaticensis Diocesis confinio, templum extranuncupatum sancta Maria de Rupe Gallica, in eo miraculorum fama celebris colitur Imago Deiparæ; cujus quidem inventio, ac divina miracula impressa, collectaque leguntur ex vetustissimis ejusdem monasterii manuscriptis. Nos ejus templi primordia breviter perstringamus. Cum Parisiis in Gallia Simon Robanus vulgo dictus Simon Vela, parentibus jam vita defunctis, ac patrimonio in pauperes, & in Ecclesias distributo, annum agens quadragesimum primum, in monasterio tertii ordinis sancti Francisci, nullo religionis habitu suscepto, aliquandiu vixisset; semel, atque iterum per quietem divinitus est admonitus, ut in Gallica Rupe versus Occidentem, Deiparæ Imaginem studiosè perquireret, quæ in Galliis toto nunquam qua sita quinquennio, in Hispaniam ad sancti Jacobi in Compostella profectus, & Salmaticæ aliquandiu commoratus, Deiparam Virginem impressius orabat, atque obtestabatur, ut sibi Rupem Gallicam, ubi tandem locorum esset, certo aliquo indicio declararet. Haud ita multo carbonarii cujusdam indicio, atque aliorum responsa secutus, cum ad eam Rupem, sylvamque pervenisset lætabundus, post preces illic enixè effusas, per somnium oblata est Deiparæ species, filium gestantis in ulnis, ac multo lumine circumfusæ, quæ jussu suam ex eo loco effosam imaginem in summo montis apice collocari, ac ibidem templum erigi.

Itaque Anno nostræ salutis 1434. ætatis suæ 49. die 19. Maji feria 4. quorundam ope adjutus, Imaginem effodit; effosam in tuguriolum quoddam ex lignis raptim, ac subito excitatum intrulit, reposuitque. Verum tot, tamque divina miracula illic edi continuo cæpta sunt, ut tribus dumtaxat exactis mensibus in aediculam juxta Deiparæ præscriptum in editissimo montis fastigio extructam, Imago sit collocata: & tandem miraculis quotidie magis incre-

61.  
Imago S.  
Maria de  
Rupe Gal-  
lica; jussu  
dem mon-  
asterii re-  
perita.

Te  
Ca  
le  
nu  
par  
tur

B.  
Il  
ap  
ju  
pl  
m  
co  
Si  
D  
ca  
m  
ni  
fa

increbrescentibus, ei templum constructum est, & à Joanne II Castellæ Rege, Ordini Prædicatorum attributum. Simon verò Anno aetatis suæ 53, ad præmia, ut patet credere, immortalitatis admittus, sepultus est in maximo sacello prope altare, ubi reposita est sanctissima Deiparæ Imago.

TEMPLVM CATHEDRALE  
Ecclesie Toletanae dicatum Deiparæ, cuius  
piissima Imago ibidem religiosissima  
colitur.

Templum  
Cathedra-  
le Toleta-  
num; Deip-  
aræ dica-  
tum.

56 **T**OLETANVM cathedrale templum Deiparæ consecratum toti Hispaniæ est clarissimum; in eius verò sacrario (is est locus aservandis sacrosanctis reliquiis destinatus) supra secundam ejus loci januam, Deiparæ simulacrum ex ligno lamina argentea conveffito, sedet in throno, eleganti venustate, ac gravitate, perquam similis vultui, quem habuisse Deipara scribitur ab Epiphano Piesbytero Constantinopolitano apud Nicephorum libro 2. histor. c. 23, cujus verba c. 5. cum ageremus de Deiparæ pulchritudine attulimus.

B. Virgo S.  
Ildesunfo  
apprens  
sui com-  
plectēdo si-  
mulacrum  
consecrat;  
Simulacrū.  
Deiparæ  
caelesti lu-  
mine divi-  
nitus pate-  
factum.

Puer verò Jesus matri simillimus ejusmodi simulacrum, S. Ildesunfo ætate, erat Aræ maximæ superpositum, etenim die 18. Octobris Deipara innumerabili propemodū Angelorū, ac Virginum stapatā comitatu, magnoque splendore circumfusa, in hoc templum Toleticæ cathedrale descendit, & in cathedra confedit, ex qua verba ad populum facere consueverat S. Ildesunfo, eique vestem ad sacrificandum donavit, quemadmodum c. 35, diximus.

Verum cum vellet abscedere, suum hoc simulacrum in Ara maxima positum, archius est complexa; Ex illo ingens populi in sanctissimam effigiem est excitata pietas. Verum dum Mauri Hispania potiti essent, illud Christiani in puteo quodam sub Ara maxima furtim absconderunt: postmodum exactis Mauris atque in Christianorum ditionem templo redacto, divina luce, quæ & hora, quia in officio divino LAUDES concinuntur, eo in loco mirificè radiabat; Archiepiscopus, & Clerus admonitus, tadem jejuniis, ac precibus intellexere, eam ibi Imaginem fuisse reconditam, atque eam esse horam, qua Deipara olim in hoc Templum descenderat, in cujus memoriam Angeli ad imaginem illam tunc temporis con-

cinabant.

Igitur Imaginem sacram palam extractam, tandem in eo, quem diximus loco collocarunt; quæ plurimis miraculis coruscet.

Hinc in templum, quasi Deiparæ præsentia illustratum, & ad hanc Deiparæ Imaginem ejusdem contractu consecratam, peregrini divina beneficia petitori plurimi accurrunt. In illo Reges sepultura sibi locum elegerunt; in illo militaria vexilla Regibus in bellum contra Mauros profecturis benedici consueverunt; & quamvis primò, Hispaniam occupantes Mauri, in eo Templo Mahometi superstitionem exercuerint; mox tamen dejectis illis, Christiano ritu Deo, ac Deiparæ de novo consecratum est, instituta, post die festi S. Ildesunfo; nimirum, die 24. Januarii, solemnitate, quam Festum Descensionis B. Virginis, vel Festum B. Virginis de Pace appellant, ex Mariana libro 8. de rebus Hispan. cap. 17. & ex Ribadencya de vitis Sanctorum die 24. Januarii.

Hæc omnia ex Garzia de Aloyfa Toletani Templi Canonico apud Alfonso Villegas parte 2. de vitis Sanctorum in B. Virgine c. 23.

ALIQVOT ALIATEM-  
pla in Hispania.

62 **C**ÆSARUGUSTÆ præter templum B. Virginis de Pillari à S. Jacobo Apostolo Deiparæ adhuc in terris agenti excitatum, de quo in c. 29. diximus; extat & aliud ejusdem Deiparæ templum, quod vocant de Portillo, multis clarum miraculis. ejus ædificandi occasionem recenset Hieronymus Blanca in Commentario rerum Aragonensium ad annum 1134. his verbis: scio in ejusdem Ecclesiæ tabulis contineri, scilicet Mauris Cæsaraugustam Urbem, quam nostri jam obtinuerant, noctu clam invadere contententibus, quadamque muri parte ab eis conquassata, & diruta; sanctissimam Dei Genitricem Mariam, cœlesti Angelorum agmine coacervato, ipsis infidelibus restitisse, ac ne urbis sibi carissimæ potirentur, illius se præbuisse propugnatricem, ac murum.

Propterea nostros mœnium reparadorum negligentiores redditos, firmam ac salvam urbem ipsam statuentes, quæ ejusdem Virginis patrocinio muniretur; in ipsius verò muri direptionis loco, quo cœleste signum apparuerat, factum ibi templum cõstruxisse tantæ rei con-

Liberas  
Deiparæ  
Cæsaraugustanam  
Urbem à  
Mauris  
expugna-  
tam.

secratum, quod nomine inde sumpto sub B. Mariæ del Portillo memoria celebre, nostra hæc ætate invisitur, Alia enim sacra delubra in eorundem mœnium, continuatione ædificasse, eidem sanctissimæ Virgini dicata, nempe, ut tota urbe ipsius templis circumdata, & quasi circumscripta celebre tantæ rei, ac perpetuum signum extaret. hæcenus Blanca.

Quin etiam Adrianus Pontifex in quodam suo diplomate, eandem urbem Cæsaraugustam, aliquando à Mauris occupatam, Imaginis Deiparæ ejusdem templi de Portillo liberatam fuisse, testatur his verbis: *Olim cum Christi fideles Civitatem Cæsaraugustanam contra Mauros Infideles, Catholica fides hostes, qui tunc dictam Civitatem occupabant, expugnaverunt: quædam Imago ejusdem B. Mariæ miraculosè in Ecclesia ipsius B. Mariæ Portillo Cæsaraugustanensis ejusdem Christi fidelibus, dum bellum adversus eosdem infideles gererent, apparuit, cujus visibus favore, & auxilio præfati fideles, vicloriam adversus eosdem infideles consecuti fuerunt. Ex tunc omnipotens Deus meritis, & intercessione ejusdem Virginis Mariæ crebra miracula in eadem Ecclesia operari, in dies dignatus est hæcenus in Diplomate Adriani.*

Templa  
Deiparæ  
Oveti.

62. Oveti in Asturiis Alfonso II. Rex cognomento Castus, Anno Domini 803. Deiparæ templum posuit marmoreis columnis insignè auro, argentoque variè exornatum.

Oveti quoque secundo ab Urbe lapide, in latere Narenti Montis, Ramus Rex Anno 846. aliam ædem ex belli manibus, Deiparæ ædificavit structuræ genere, & totius operis majestatem, in paucis elegantissimum Auctore Mariana lib. 7. de rebus Hispan. c. 13.

Imago B.  
Virginis à  
Mercedo  
coel. stibus  
prodigiis  
reperita.

Ejusdem  
Deiparæ  
templum à  
Iacobo A-  
ragonum  
Rege ex-  
structum.

63. S. Mariæ de Mercede Templum inter Saguntum, ac Valentiam pari fere intervallo, sexto nimirum ab utraque urbe milliario, cum adjuncto cœnobio ex ejusdem nominis ordine, extruxit Jacobus cognomento Expugnator Aragonum Rex,

Enim verò indicio cœlestium luminum in eum locum delabentium, effossa terra templum magnum, sed terra obrutum inventum est, tum magno quodam tinnabulo, sub quo reperta est marmorea tabula, altitudine duorum cubitorum, in qua insculpta erat Deiparæ Imago ulnis filium gestantis. creditum est ibi olim templum Deiparæ fuisse, sed irrupten-

tibus Mauris in templo diruto delituisse Imaginem annis quingentis decem ab Jacobi tempore, qui Imaginem, in novo supra vetus erecto templo, ad altare majus superponendum curavit, ubi & miraculis claret, & magna Urbis totiusque Valentini Regni veneratione colitur. hæc ex Bernardino Gomes Saguntino lib. 10. de rebus gestis Jacobi Aragoniæ Regis ejus fere verbis.

Hispani in Bætica Cathedrali Templum Deiparæ est dedicatum, de quo Paulus Metula parte 2. Cosmograph. lib. 2. scribit, eo templo Christianum Orbem nullum habere excellentius, si quis Operis amplitudinem spectet, & majestatem; cui ascriptur Mariana lib. 13. de rebus Hispan. cap. 7.

Addit verò Paulus templum huic Turrim ad sitam esse summæ altitudinis, unde in campos circumjacentes latissimè est prospectus; intus verò cochleam perquam Eques commodè ascendere potest.

Hispani item extra urbem via, qua Toletum est iter, aliud Deiparæ templum visitur miraculis nobilissimum, omnibus vicinis populis ob antiquam Deiparæ Imaginem in primis venerabile.

Legione in Castella, Ordonius Rex Anno 918. Mauris bello devictis, B. Virg. Basilicam posuit, ex Joanne Mariana lib. 7. de rebus Hispan. c. ult. ubi Rex de manu Legionensis Episcopi Regni coronam capiti suo imponendam curavit.

Mursiæ Alfonso Castellæ Rex cognomento Astrologus, qui Annum Domini circiter 1250. regnabat, ea urbe à Mauris recepta Deiparæ templum ædificavit.

64. Ollisipone in Lusitania in ipso Portus aditu, Emanuel III. Lusitanæ Rex ædiculam ab Henrico Principe in Deiparæ honorem extructam, miram in amplitudinem auxit in usum classiariorum in Indiam proficentium; ejus procuracione Cœnobitis ex familia S. Hieronymi attributa, quemadmodum e. 35. ex Maffeyo lib. 2. histor. Indicæ diximus.

Ebore in Lusitania templum nostræ Dominiæ gratiarum est erectum cum ad sito cœnobio Ordinis S. Augustini.

In Oppido Olhana extat Templum Deiparæ Castellædrensis insigni, & anniversario miraculo celebre, quod nos ex Lucio Manneo Siculo lib. 5. de rebus Hispaniæ cap. ult. suis verbis hic adscribemus, sic verò habet:

Apud

Ecclesia  
Deiparæ  
Cathedrali  
in Bætica.

Aliud Deiparæ templum in eadem.

Aliud Legionis in Castella.

Aliud Mursiæ.

Aliud Ollisipone.

Aliud Ebore.

Templum B. Virg. Castellædrensis.

In Oppido Olhana.

*Cathedralis Ecclesia Carnutis.*

*Idem templi divino prodigia accensis lapidibus sæpè insignuntur.*

Apud Oppidum Olianam, quod est in Ripa Sicoris, & distat ab Ilerda passuum millia circiter 40.

Domus est Mariæ Virginis Castiluedrensis in alto loco posita, ad quam Domum, singulis Annis, in Martio mense, diebus Venetis, ex Insula fluminis tria lumina cærulei coloris ascendunt, & Ecclesiam per fenestras ingressa lampades accendant, & subinde descendunt ad eundem locum, vnde venerant, ibique ab insipientium oculis evanescent. Quæ res admirabilis à populis illius regionis, & viris fide dignis affirmatur hæc ille.

TEMPLA IN GALLIA ET BELGIO Deipara sacra.

*66. Cathedralis templi Parisius celeberrimum Deipara dicatum.*

GALLIA, & Belgium studio erga Deiparam mirifice incensa ejusdem templis præcipue abundant, & ut præteream Massiliense à S. Martha, & Tangrense à S. Materno eidem Virgini Apostolorum ætate posita, (de quibus c. 29. hujus operis.) Al quot alia ex præcipuis breviter attingam.

Parisius totius Galliarum Urbe celeberrimum Templum Cathedrale, antiquitate vetustum Deiparæ est sacrum, id quod, Auctore Aimonio libro 3. de gestis Francorum c. 57. Fredegundis Regina marito Chilperico viduata, cum thesauris suis se contulit. Sed Philippus Augustus ejus templi structuram magnificentiorem Anno 1191. est aggressus, quod Mauritius Parisiensis Episcopus Deiparæ consecravit, quemadmodum indicat inscriptio, quæ in Episcopali sacello legitur: & sanè hujus templi præstantiam, litteris prodidit Paulus Merula parte 3. suæ cosmograph. lib. 3. cap. 21. ubi templum hoc, ait, columnis 20. sustinetur, ejus longitudinem passuum esse 120. latitudinem 60. altitudinem 100. chorium habere lapide circumctum historiis ex veteri, novoque testamento insculptis in ambitu verò sacelli 45. ferreis elatris munita, & universum Portas 11. ad latera quoque turres campanarias altitudine 34. cubitorum, Campanam maximam, cui à Maria cognomen, 20. viros flagitare pulsandam, sonitum verò sereno Cælo per septem leucas, (quæ miliaria sunt 28.) audiri: hæc ille.

*Aliud idem templum.*

Parisius quoque Regium sacellum à S. Eudovic. singulari artificio conditum Deiparæ

est dedicatum Anno 1248. ut est in ejus sacelli inscriptione.

65. Carnuti Cathedralis ædes magnificentissima Deiparæ est posita à Christianis eo in loco, ubi ante Christi Adventum, Druidæ Galliarum sapientissimi, eidem Deiparæ nondum natæ aram, hæc inscriptione, VIRGINI PARITURÆ, insignem dicarant, quemadmodum cap. 29. dixi. Hujus templi fundator, vel, ut alii malunt, instaurator extitit Fulbertus Carnutensis Episcopus, Deiparæ in primis addictus, sanctitate, ac doctrina clarissimus, adjunctus largitionibus Cnutonis, aliàs Cantuari Anglorum Regis, Auctore Wilhelmo Malmesburienfis lib. 2. de gestis Anglorum c. 11. In ejus templi Crypta Puteus ostenditur, dictus Sæthorum forisum, in quem magnus Christianorum Carnutensium numerus, cum Christi Domini fidem suscepissent, Quirino Proconsule est præcipitatus.

66. Laudunum in Gallia insigni Templo Deiparæ gloriatur, quod antiquo templo incenso eleemosynis fidelium propter plurima miracula edita, est extructum, quemadmodum ex Hugone Faslito, & Vincencio Belvacensi in Tract. de miraculis fusius diximus.

*Templo duo B. Virginis Lauduni.*

In Laudunensi quoque Regione Templum B. Virginis de Læticia vulgo *Nasire Dame de Luffon* miraculis claret. Cum enim tres Equites Ordinis S. Joannis Jerosolymitani patria Laudunenses, generis nobilitate incliti Ann. 1134. Ægyptum appulsi, in obicaram & horridam custodiam Cauri à Sulcano coniecti essent, à Deipara multo lumine circumfusa, & Angelorum multitudine stipata benignè invisuntur: ejusque statuum ab ipsius manibus acceptam, ubi in Galliam admirabiliter Deiparæ ope sunt perducti, in hoc templo reposituerunt, ibique miraculis præcipue nobilitati. cuius historiam literis consignavit F. Jacobus Bosius Ordinis S. Joannis Jerosolymitani Procurator Generalis.

*Simulacrum à Deipara Jerosolymitana equitibus donatum.*

Avarici Biturigum, quod vulgo *Burges* dicitur, nostræ Domine Caldesurnensi templum est positum propter insigne miraculum, quod regnante Childeberto filio Clodovei annum circiter 546. contigit. cum enim puer Hebræus die sancto Paschæ unà cum filijs Christianorum sacram Eucharistiam suscepisset, eaque de causa à parente in ardentem furnum coniectus, & obitru-

*Templum B. Virginis Caldesurnensis.*

to furno clausus fuisse; tandem à Christianis locum referantibus, illæsus repertus; testatus est se ab ea, quæ in Christianorum templo filiolum brachiis complectitur, servatum, quare eodem in loco templum à Calido Furno denominatum, extruitur. hæc ex Annalibus Francorum in Chisdeberto, & hoc quidem Deiparæ miraculum non absimile est alteri, quod Constantinopoli evenisse scribunt Gregorius Turonensis, & alii Græci scriptores, quod nos attulimus cap. 29.

Aliud Deiparæ templum in Colle.

Templum in Colle, quem dicunt *Rupem Amatoris* apud Caturcenes in Gallia Deiparæ sacrum quamplurimis coruscavit miraculis ab Anno 1140. quorum Hugo Fasitius lib. de iis miraculis, quæ suo tempore edita sunt scripto, centum viginti septem, literis mandavit. ejus templum meminit Casarius lib. 7. cap. 15.

Templum Virginis.

67. Sueffionense Templum Deiparæ dictum, & miraculis nobilitatum sublatre Beate Virginis habet, teste Anselmo Abbate Gemblacensi in Appendice manuscripta ad Chronicon Sigeberti.

Hugo Fasitius 40. enumerat miracula suo tempora audita, & visa ab Anno 1128. nos aliqua eorum retulimus in Tractatu de miraculis ex Vincent. lib. 27. c. 2. & sequentibus.

Aliud Clariaci.

Clariaci prope Aureliam Deiparæ templum olim peregrinis eò confluentibus celebre; tamen ab Anglis circa annum 1428. vastatum, à Ludovico tamen XI. Galliarum Rege Anno circiter 1480. magnificè est restitutum.

Cathedrale templum Claremontense.

Claremonte in Arvernia templum Cathedralis extat nostræ Dominæ à Portu jam pridem fundatum à S. Avito ejusdem Urbis Episcopo, qui Anno 594. ex hac luce migravit: verum à Nortmannis Anno circiter 853. incensum, S. Sigonius ejusdem Civitatis Episcopus Anno 966. antiquo splendore restituit.

Templa B. Virginis in Normannia.

In Normannia celebrantur subjecta Deiparæ templa. Rothomagensis præclarissimum. Constantiense structura insignis. Balocense miraculis celeberrimum.

Aliud in Castro Augensi.

In Augensi Castro apud Nortmanniam Ecclesia eminet Deiparæ dicata, in qua Canonici instituti sancti Victoris Parisiensis degebant, ad quos divertit S. Laurentius Archiepiscopus Dublinensis in Hybernia, ibi-

que sanctè obiit circa Annum Domini 1171. in eoque templo ejus corpus reconditum jacet.

Anicium in Avernia, & Ambianum in Piccardia illustribus Deiparæ templis nobilitantur.

Alia Deiparæ templa alii in locis.

In Andegavensi Regione in edia Rupes Deiparæ à S. Maurilio Andegavensium Episcopo, tempore Honorii, excisis Deorum simulacris est posita.

In extremis Galliarum ad mare Oceanum Insula extat S. Mariæ Bovinæ nuncupata, ubi templum est Deiparæ miraculis ab antiquis temporibus celeberrimum, quod & Inula nomen dedit.

In littore verò non procul ab Insula, Oppida duo visuntur de nomine Deiparæ dicta Gallicè *Nostre Dame*, ob templa olim miraculis clarissima.

E Regione quasi Rupellæ in Insula quadam, ædes est B. Virginis, quæ Oppido nomen dedit.

In Belgii verò Urbibus, & Oppidis nobilissima visuntur Deiparæ templa, nobis satis sit in præsentiarum proponere.

Hallense, & Siehaimense miraculis celebrata, de quibus aliqua diximus in c. 20. & in Tract. de miraculis.

DEIPARÆ TEMPLA IN GERMANIA, & in aliis Septentrionis Regionibus.

IN Germania complura extant Deiparæ templa antiquæ pietatis documenta certissima; nam ut omittam ex iis plurima miraculis illustrata, quæ in una Diocesi Herbipolensi ex Trutemio commemoravimus, in hoc opere cap. 20. & in tractatu de miraculis; certè alia magnificentissima sparsim in tota Germania exiuncta cernuntur: eorum aliqua attingemus adjectis aliis, quæ in aliis Septentrionis Regnis olim posita erant, quamvis nonnulla hæreticorum furore antiquum splendorem minime retineant.

Spiræ à sancto Henrico Imperatore in honorem Deiparæ excitari cœpta est Basilica Cathedralis, Regia magnificentia, quam postea perfecit Conradus Secundus.

Cathedralis Basilica Spiræ.

Argentinae Clodoveus, qui primus à Francorum Regibus Christo nomen dedit, templum Deiparæ crexit, quod miraculis suis illustrè.

Aliud Argentinae Ratis-

*Aliud Ratisbonæ.* Ratisbonæ Templum Deiparæ miraculis olim celebre posuit, & suis manibus consecravit sanctus Rupertus primus Episcopus Salisburgensis Bavariorum Apostolus, baptizato Theodone eiusdem Urbis Duce.

*Aliud Oettingæ.* Oettingæ quoque in Bavaria non procul ab Aeno fluvio sitæ, idem S. Rupertus, baptizato Uroue Urbis Duce, aliud in honorem Deiparæ extruxit, & consecravit templum, quod in hanc usque diem miraculis est ornatissimum; cuius meminit Canisius lib. 5. de B. Virgine cap. 23.

*Aliud Salisburgi.* Idem S. Rupertus Salisburgi sorori suæ Erentrudi sanctitate inclytæ, monasterium Ducis munificentia ædificavit sub nomine Dei Genitricis, teste Baronio tom. 7. ad Annum Domini 590.

*Aliud Augustæ Vindelicorum.* Augustæ Vindelicorum primarium templum Deiparæ erat consecratum.

*Aliud apud Helvetios.* 69. Apud Helvetios in mediis sylvis Eremitorium Deiparæ visitur, ( sic enim appellant Deiparæ sacellum, ) id à sancto Meinardo inchoatum, ab Othone I. Deiparæ est destinatum, & à SS. Episcopis Udalrico, & Conrado Dei nutu eò convenientibus, est dedicatum; multisque est nobilitatum miraculis; quod teste Canisio lib. 5. de B. Virg. cap. 24. non modo multis ab hinc annis inter medios hostes, impiosque vicinos: sed etiam nuper admodum horrendis flammis cuncta undique absumentibus, integrum mirabiliter perseverat.

*Aliud in Episcopatu Mendensi.* In Mendensi Episcopatu apud Monasterium *O verchereb* vulgo appellatum, celebris erat ædes Deiparæ, teste Cranzio in sua Metropoli libro 4. cap. 24. *Quo in loco*, inquit, *Deipara sanctissima singulariter invocatur, & multum ibi miracula clarescentibus edocuit singulare se ejus loci præsidium, ac tutelam accipisse*, sic ille.

*Aliud Aquigrani.* Aquigrani à Carolo Magno conditum est templum Deiparæ structura admirabili, compluribus ex Italia illuc adductis marmoreis columnis, & ingenti sacrarum reliquiarum thesauro ibidem reposito, quas ex Palestina acceptas quorannis populo spectandas exponi decrevit, adeò ut Aventinus lib. 4. Annal. Bajorum templum hoc ex publicis Caroli operibus præcipuum, & toti Europæ venerabile vocet, ad quod miraculis florentissimum per multi ex remotis locis, Religionis ergo adveniebant.

In Vestphalia monasterium Virginum Deiparæ sacrum idem Carolus Magnus ædificavit, quod olim miraculis adeò erat insigne, ut permulti eò confluentes, in loco Mymingrode vocato Urbem præstantissimam propterea dictam *Monasterium*, condiderint.

*Templum Hildeshermensense.* Hildeshermensense Ecclesiam Deiparæ dicatam excitavit Ludovicus Pius Caroli filius, de qua Cranzius in Metropoli, lib. 1. cap. 10. & in Saxonia lib. 2. cap. 16 & 17.

*Aliud apud Albam Regiam.* 70. In Hungaria apud Albam Regiam urbem celeberrimam Sanctus Stephanus Rex Hungariæ pietate, & in Deiparam studio clarissimus Basilicam Regia magnificentia in primis nobilem Dei Genitrici condidit: *Optus* inquit *Bonfinius* libro 1. decadis 2. de rebus Hungaricis, *mirabili sumptu incrustationibus marmoris veniens, ubi pavimenta tessellata cernere est, magnificas columnas, aras iconibus, ac tabulis nonnullis, mirum in modum exornatas, ex purissimo auro, argenteve constatas*, sic ille.

*Alia Dei-paræ templum.* In eadem Hungaria erectum fuit templum S. Mariæ in Zel Auctore Bonfinio, ob auxilium à Deipara Hungaris contra Turcas impensum.

In Polonia Crisochoviz, seu in monte Claro templum extat Deiparæ miraculis illustre cum Imagine ejusdem Virginis à S. Luca coloribus expressa, de qua uberius c. 20. diximus.

*Alia in Anglia.* 71. In Anglia Insula, quo tempore catholica religio ibi vigeat, plurima erant templa, & monasteria Deiparæ consecrata, ejusmodi fuit.

Londini Basilica nostræ Dominæ ad Arcus.

Lincolniæ præter ædem à Remigio Episcopo circa Annum 1080. Deiparæ ædificatam; altera à sancto Hugone Carthusiano Lincolniensi Episcopo, ( qui Anno Domini 1207. ex hac luce migravit ) Deiparæ condita est, & consecrata; in qua postea ejusdem sancti Hugonis corpus reconditur.

In Insula Corylandia, quam aquæ circumdantes in Anglia efficiunt, insigne fuit cœnobium Ordinis S. Benedicti Deiparæ dicatum, cui Ethelbaldus Rex Merciorum in ejusdem cœnobii foundationem totam Insulam tradidit amplissimo diplomate dato Anno Domini 716.

*Templum  
Deiparae in  
Wallia e-  
jusdem iussa  
à S. Lau-  
rentio Dub-  
linensi Ar-  
chiepiscopo  
consecra-  
tum.*

Nec silentio prætereunda est basilica illa Deiparae in Wallia apud Angliam circa annum Domini 80. à quodam pro divite in suo castro recens extructa, in qua solitarius quidam se incluserat, quam S. Laurentius Dublinensis in Hybernia Archiepiscopus hac occasione consecravit. cum enim idoneam tempestatem ex Anglia in Hyberniam trajicendi diu expectasset, iustus est à Deipara per solitariū illum, cui hoc Virgo sanctissima noctu edixit, templum suum consecrare, adjectis que non antea prosperum in Hyberniā ventum illi afflaturum, quam id perficeret. S. Laurentius, qui Diocæsano Episcopo inconsulto se id facturum modis omnibus recusaverat, tandem Dei voluntatem secutus Basilicam illam prostridie dedicavit. Cumque missam, & divina officia peregisset, gustato pane cum suis navim ingressus eut su prospero, ad portum desideratum pervenit. Ex eo tempore innumera fiunt miracula in Ecclesia illa. hæc Auctor vitæ S. Laurentii Archiepiscopi Dublinensis capite 20. apud Surium die 14. Novembris tomo 6.

*Aliud  
Dublinia.*

Dubliniæ in Hybernia idem Sanct. Laurentius Dublinensis Archiepiscopus ad Dei & Beatæ Virginis ejus matris honorem Ecclesiam novam construebat: cum que in Angliam navigaret, horribili cœorta tempestate, omnes ad sancti Præsulis preces accurrunt, cuius hortatu multa donaria in novi templi structuram largientes, optata tranquillitate sunt potiti. hæc Auctor vitæ ejusdem S. Laurentii e 22. apud Surium tom. 7.

TEMPLA ALIQUOT CONSTANTINOPOLI, & in aliis Orientis, & Africa Regionibus Deipara olim erecta.

72.  
*Templa  
Deiparae in  
Orientis,  
& Africa  
Regionibus.*

QUAMVIS in Orientis Regionibus insignitum Imperatorum, tam populorum pietate ac studio, plurima, eaque nobilissima extiterint templa Deiparae nomini consecrata; quia tamen multis ab hinc annis propter schisma, & errores, quibus complures illius nationis homines ab Apostolica sedis obedientia, pertinaci obstinatione se impiè subdlexerunt, iusto Dei iudicio, gravi Turcarum servitute miserè premuntur. Idcirco mirum esse non debet, si ejusmodi Deiparae templa antiquo splendore careant, quin etiam si pleraque eorum vel diruta jaceant, vel

situ squalleant. Nos aliquot eorum, quæ priscis temporibus erant illustria, in præsentia commemorabimus; quo intelligamus cultum templorum Deiparae etiam in locis illis quibus Barbari nunc potiuntur, olim mirum in modum floruisse: initium verò faciemus, ab ipsa urbe Constantinopolitana Orientalis Imperii olim sede.

Constantinopoli (quam Constantinus Magnus in prima ejus fundatione ab Episcopis, qui ad Nicenam Syoodum coaverant, Dei Genitrici solemniter dicari voluit) pietas erga Deiparam magnopere floruit. Hinc Templum illa magnifica à diversis Imperatoribus eidem Deiparae constructa: hinc singulare Deiparae patrocinium, quod ea Urbs quamdiu in fide Catholica, & obedientia Romani Pontificis stetit, in repellendis Barbaris eam obsidentibus sæpe est experta; de quibus fusius in cap. 37. Ubi & de Basilica à Constantino Imperatore Deiparae ingenti miraculo extructa egimus.

73. Pulcheria Augusta Theodosii Junioris soror, Marciani Imperatoris conjux; sed quæ virginitatem, teste Glyca 4. parte Annal. Deiparae consecratam perpetuo coluit, Religionem, ac pietate insignis; Tria Virgini beatissima templa pulchritudine, & Regia magnificentia exulta, in Urbe Constantinopolitana condidit; quorum pulchritudinem, necnon & Deiparae reliquias, quas eadem Pulcheria admirabili studio undique conquisitas, in eis reposuit, verbis ipsius Nicephori lib. 14. histor. Eccles. cap. 2. & lib. 15. c. 14. hic adseribam, quamvis aliqua ex his alibi in hoc opere suis locis inseruerim. Pulcheria tria quoque Dei matri ex ipsis fundamentis Templa erexit, quorum unum est in Chalcostrateio, seu Fabricorum foro, sacri tumuli nomen habens: in hoc veluti thesaurum Dei Genitricis, deposuit Zonam. Hoc in templo, ut quarto quoque hebdomadae die pervigilium, & supplicatio ad lucernas, & lampadas fieret, constituit, quam, & ipsa pedes frequentare solita erat.

Secundum templum, τῶν ἀδελφῶν hoc est, viæ Ducum, ubi Antiochia missam Verbi matris Imaginem, quam Lucas Apostolus suis ipse manibus depinxit, ea adhuc vivente, & tabulam ipsam vidente, gratiamque adeo illi formæ suæ immittente, (de qua nos plura c. 29.) sacrum quoque pen-  
sum;

*Templa  
Deiparae  
tria à Pul-  
cheria Au-  
gustate-  
ria.*

sum, & servatoris ipsius fascias perinde atque thesaurum, quem ad eam Eudocia Augusta, cum Jerosolymam profecta est, missis servandas curavit. In templo isto, ut tertio quoque septimanæ die previgilium iudem, & supplicatio perageretur Pulcherrima curavit: quod ad hunc usque diem fit. Utraque verò hæc fana pulchritudine simul, & amplitudine ambitiosè, ac magnificè sunt constructa.

Tertium autem maximum, quod ab ea, & à Marciano constructum est verbi matris incredibili pulchritudine, & omnis generis materia ornatum consecravit templum, cui Blachernæ cognomen est, quo abundè per ambitionem quandam, & liberalitatem decorato, Deiparæ tumulum, & sepulchrales fascias à Juvenali Jerosolymitano Episcopo missas cum veneratione maxima posuit, Marciano Imperatore adhuc superflite. hæc ex Nicephoro locis citatus. Quid verò dicendum sit de tumulo Deiparæ, an scilicet Jerosolymis, vel in hoc templo asservetur, egimus in c. 29.

*Sterilis Mater S. Stephani Junioris martyris prolem precibus impetrat.*

In hoc Deiparæ templo Blachernensi, mater sancti Stephani Junioris præclarissimi martyris, Deiparam enixè precata pro masculina prole, qua carebat suscipienda, quam Christo se dicaturam pollicita est; voti compos effecta, Sanctum Stephanum filium in eodem Templo ei, à quo acceperat, obtulit; quem admodum cap. 26. ex Damasceno in vita ejusdem S. Stephani diximus.

*Templum à Leone Imperatore in Blachernis Deiparæ sacratum.*

74. Leo Imperator hujus nominis Primus, qui Anno 458. regnare cepit, duas aedes Deiparæ à fundamentis exædificavit, utramque pro Urbis mœnibus tanquam inexpugnabile eidem Urbis propugnaculum. Alteram in Blachernis ad maris litus figura rotundam, in qua Vestem Deiparæ suo tempore à Galbinio, & Candido Patriis Constantinopolim delatam in arca ex argento, & auro confecta deposuit, ex Nicephoro lib. 13. c. 14. 24. & 25. de quo nos uberius cap. 29.

*Aliud Deiparæ dicatum.*

Alteram verò ædem construxit in loco, qui Fontis nomen habuit, ad Portam Auream, quæ ad Arcis finem est, & unico ab Urbe stadio distat; cujus extruendæ ea fuit occasio. Cum adhuc privatus ageret, & eo in loco cæco cuidam sitienti ducem viæ se præbuisset, atque aquam ibi diligenter con-

quisitam Deiparæ monitu inventam cæco illi attulisset, ejusdem Deiparæ jussu luto inde accepto cæci oculos inunxit, qui vitam recepit. Imperii quoque mox obtinendi idem Leo ibi Nuncium à Deipara accepit, à qua jubetur sibi eodem in loco ædem sacram ponere: quare Imperium adeptus, & loco repurgato, & fonte ipso circumquaque structura solida probè munito delubrum præstantius, quàm ut verbis explicari queat, Dei matri construxit, & ædificium ipsum supra fontem statuit. cujus formam atque præstantiam fusè describit Nicephorus. In hoc Templo quàm plurima miracula edita sunt; & Justinianus Imperator ei templo maximam, & pulcherrimam extitit domum gratiam pro beneficiis acceptis Virgini matri referens. hæc omnia Nicephorus lib. 15. cap. 25. & 26.

Justinus Imperator anno duodecimo Imperii, quærat annus Domini 577. cum audisset à Persis vastari imperium, ad Deum sibi conciliandum ejus Genitrici templum Constantinopoli erexit, de quo auctor Miscellæ in anno duodecimo ejus Imperii in hunc modum scribit: *Justinus Imperator Synagogam Iudaorum, quæ erat Constantinopoli in Chalcopectis ablata ab eis fecit Ecclesiam Domina Nostra sancta Dei Genitricis, quæ proxima est magna Ecclesia. sic ille: qui mox subdit, Justinum hoc ergo Deiparam obsequio illud assecutum esse, ut cum deliquit mentu laboraret, ideoque res Imperii in summo essent discrimine; Dei Genitricis beneficio tantum sanata esse adeptus, ut delucido intervallo potius, cunctis velle dispositis, statum Republicæ in tuto collocaret, a seculo sibi Tiberio in c. legam. hæc ex Miscella.*

75. Jerosolymis Justinianus Imperator Templum Dei Genitricis locavit, novam Ecclesiam incolæ vocabant; ejus magnitudinem, ac pulchritudinem Procopius lib. 5. de ædificiis Justinianæ Imper. accuratè literis mandavit, cui templo nullum plane aliud æquiparari posse ipse testatur; illius autem structuram, & fundamenta admirabilia fusè persequitur, additque ad rectum templo imponendum, cum arboribus sublimibus artifices egerent. invenisse eos silvam quandam cedris altissimis abundantem. Ad ejusdem verò templi columnas, quarum & forma templi elegantia responderet, & magnitudo mo-

*Idem cæco cuidam visum reddidit.*

*Aliud templum Constantinopoli.*

*Mentis deliquit laborans Justinus Imperator à Deipara juvatur.*

*Aliud templum à Justiniano Imperatore extructum.*

*Ad templum sibi extruendæ trabes ad-*



qua colū-  
nas Deipa-  
ra præuis  
mirifica.

do molem impositā sustinere posset, quomo-  
do nova lapidicina non absq; Dei providen-  
tia sit invēta, idem Procopius sic scribit. Cum  
Regio Jerosolymitana lōge à mari sita, & u-  
dique præruptis montibus vallata, columnas  
aliunde inferendi locum nō præberet, Deus in  
proximis montibus lapidis naturam indicavit  
huic operi satis congruam; qui lapis aut prius  
existens hic delituit, aut nunc primum condi-  
tus est. hinc igitur ingentium columnarum, &  
ignis flammam quodam colore imitantium  
magna copia, quæ suffulciebant templum su-  
perne, & inferne, & ad porticus totum fere tē-  
plum obeuntes. Denique post alia admirabi-  
liā, quæ de hujus templi foribus, porticu, atrio,  
vestibulo, atque hemicyclis enarrat, concludit  
Procopius, Justinianum Regem templum hoc  
Dei genetrici consecratum pecuniarum red-  
ditu honorasse. In via verò, qua ad templum  
itur stant hospitia utrimque duo, uno hospi-  
tes peregrini suscipiuntur, altero refocillantur  
pauperes ægroti. hæc ex Procopio.

Templū à  
S Helena  
Jerosolymis  
ædificum.

In Urbe itidem Jerosolymitana, S. Helena  
Constantini mater templum apud sacratissi-  
mum Deiparæ sepulchrum condidit, cujus  
meminit Nicephorus lib 8. Eccles. hist. cap.  
30. his verbis: Excitavit quoque mirificum a-  
liud tēplum in Gethsemani prædio Genetrici  
Dei, atque in sacratio ipso vivificum ejus se-  
pulchrum firmiter inclusit. cum verò declivis  
is sit locus, gradus marmoreos fieri curavit,  
viatores ex sancta Urbe Orientalem plagam ver-  
sus ferentes. Multorum quoque sermonibus  
circumfertur, declivorem eū locum Vallem  
fletus, & Torrentem Cedron, atque etiam  
Vallem Josaphat dici. in propinquo etiam esse  
hortum illum, in quo proditus est Christus, &  
in quo orare solitus erat. hæc Nicæphorus.  
76. In Monte Olivarum templum Beatissimæ  
Virgini extruxit Justinianus Imperator, teste  
Procopio lib. 5. de ædific. Justinian.

Aliud tē-  
plum in  
monte O-  
livarum,  
Aliud De-  
para tem-  
plum apud  
Bethleem.

Apud Bethlehē in loco Nativitatis Domi-  
nicæ S. Helena templum condidit, quod postea  
Constantinus ejus filius ornatus reddidit: au-  
ctore Eusebio lib. 2. de vita Constantini cap.  
42. qui cum ageret de S. Helena rem totam  
his verbis litteris consignavit: Imperatrix san-  
ctissima De para patriū eximijis monumentū exor-  
nare, & sacrum illud antrum varijs cujusq; ge-  
nerū insignibus illustrare studuit. Imperator au-  
tem paulo post eundem locum ornamentū regali-  
bus honorare, & monumentū ex auro, & argen-

to, varijsq; aulæ matris suæ magnificentiam  
adaugere: ædificavit. hæc Eusebius, quod ipsum con-  
firmat Nicephorus lib. 1. cap. 30.

Reda de locis sanctis cap. 8. de hoc ipso tē-  
plo Dei Genetricis in Bethlehem posito qua-  
dam admirabilia, quæ ab Episcopo, qui recens  
inde advenerat, accepit, eaque narrat his ver-  
bis: Hæc spelunca, inquit, tota interiori speciosa  
marmore tecta supra ipsum locū, ubi Dominus  
natus specialiter traditur, sanctæ Mariæ gran-  
dem gestat Ecclesiam. Petra juxta murum ca-  
vata primum Domini corporis lavacrū de nu-  
ro missum suscipiens hæcenus servat: qua si qua  
forte occasione, vel industria fuerit exhausta,  
nihilominus continuo dum respicit, sicut ante fu-  
erat, pleno redundat. Hæc Reda.

Eadem S. Helena aliam in agro Bethlehe-  
mitico Deiparæ extruxit. Eadem, de qua Nicæ-  
phorus loc. cit. Sanctū, inquit, infantibus, & u-  
bi Angelus Pastoribus lacum attulit nuncium,  
in eū ipsi locū sacras extruxit ades, infantibus  
videlicet ipsis, & Virgini Deipara, nec non aliā  
quoque sponso Iosepho adem. hæc Nicæphorus.  
Aliud in  
In Jericho templum Dei Genetrici extruxit  
Justinianus Imperator, quemadmodum testa-  
tur Procopius lib. 5. de Justin. ædific.

In Sina monte, in quo debebant monachi  
vita sanctissimi, ad radicem ejus Justinianus  
Imperator nobilem Ecclesiam Deiparæ Ma-  
riæ nomine nuncupatam condidit, ita Proco-  
pius loc. citat. Quare autem eam non ædifi-  
caverit in summitate Sina rationē reddit. Nam,  
inquit, in vertice Sina homo pernoctare non po-  
test, propter assiduos strepitus, & fragores, aliāq;  
terriculamenta quædam diviniora, quæ noctur-  
nis horis illuc exaudiuntur humanam mentem,  
& sensum percellentia. hæc ille.

77 Antiochiæ nobile extitit Deiparæ tem-  
plum à Justiniano Imperatore conditum. Cum  
enim idem Justinianus annū Domini circiter  
543. Antiochiam à Cosrohe Persarum Rege  
incensam restitueret, & præclaris ædificijs il-  
lustriorem redderet: inter alia, ut verbis utar  
Procopij lib. 2. de ædific. Justinian, ingenus in sa-  
cræ Dei Genetrici Templum ædificavit, cujus  
splendorem, & magnificentiam oratione æquare  
impossibile est, sic ille.

Carthagine in Africa post Vandalos virtute  
Belisarij Ducis, sub auspicijs Justiniani Impe-  
ratoris devictos, idem Justinianus auctore Pro-  
copio lib. 6. de ædific. Justin. posuit sacra Dei  
Genetrici templa.

In

Aliud pul-  
cherri-  
mū  
templum  
in Paro  
Insula.

In Paro Insula Maris Ægei hominum incolatu post Agarenorum incurSIONem deserta, templum Deiparæ olim etiam longe præclarissimum, quod in vita S. Theodistiæ Lesbicæ apud Metaphrastem die 10. Novembris tom. 6. describitur his verbis; *Templum Domine nostræ Dei Parentis erat in Paro Insula spectatu dignissimum, & servans adhuc reliquias veteris pulchritudinis; erat enim undiq; iusta constructum symmetria, & frequentibus erat fulium columnis ex lapido Basilio, & secio lapide vestiti erant ejus parietes, non siccus ac columna, lapidem autem adeo tenuem, & subtiliorem effecerat artifex, ut viderentur parietes esse induti textis byssinis. Marmoreus vero nitore lapidum tantum ostendebat candorem & splendorem ut vel margaritarum superaret splendorem. Lapis vero, qui erat altaris tegumentum, & ab Arabe Nisiri Agareno contractus jacebat, mira erat elegantia, hæc ibi. Ubi etiam subdit, Arabem illum Nisirim in Eubææ Promontorio submersum suæ temeritatis poenas dedisse. Hæc ex Metaphraсте.*

DEIPARÆ TEMPLA APUD  
Barbaras nationes in regnis variis  
excitata.

Dei Genitricis  
templum apud  
Abagos  
populos.

Abagi populi auctore Procopio lib. 2. de Bello Persico apud montem Caucaſum habitant, ac Religionem Christianam tempore Justiniani Imperatoris, qui regnare cepit Anno Domini 527. complexi sunt, & que ad humaniorem vivendi rationem composuerunt: Justinianus vero inquit Nicephorus l. 17. hist. c. 15. ex Procopio) *Dei Genitricis templum in Abagum regione pulchritudine, atq; amplitudine præstans edificavit, Sacerdotes ei attribuit, & alia, que ad cultum divinum faciunt, rite constituit. Unde populo ei accidit, ut accuratissimè in Christianorum dogmate exerceatur. Hæc Nicephorus.*

In India citra Gangem in ora Comorinensi prope Urbem Ceulani extat Templum B. Mariæ Virginidicatum, quod earum Regionum indigenæ summa cum Religione frequentabant antequam Lusitani in illas oras penetrarent, teste Joanne Empolitano in suo Itinerario.

In Itinerario quodam Persico, quod libris Haytonis Armeni attextitur, quemadmodum refert Thomas Bozius lib. 9. de signis Eccles. cap. 9. auctor illius Itinerarii describit honorificentissimum Deiparæ templum in Urbe (ut putamus) Mediæ ad mare Caspium sitæ amplissima, quam nunc Caramit vocant, conditamque volunt à Constantino Imperatore.

Inter Sinas quoque, populosque Indicos ultra Gangem positos scribit Consules Mendoza libro 2. hist. Sinarum initio, fuisse præcis temporibus Tempia, cultumque Virginis Mariæ; sed postea Christi cultu extincto, extinctus est & Mariæ cultus.

Atque his de Templis, quæ in Deiparæ honorem, ubique terrarum sunt excitata, utrumque commemoratis, finem huic Tractatui imponamus: nam si omnia Virginis templa, quæ non minori pietate, quam magnificentiam in singulis Provinciis, ac Urbibus, in singulis Oppidis, ac Pagis fidelium studio sunt posita, quorum pleraque non tantum structura, & ornatu, verum etiam miraculorum gloria, & fidelium concursatione, ac frequentia celebrantur, commemorare velimus; opus esset immensi laboris, & quod vires nostras longe excederet, hæc pauca de multis attigisse sit satis, ut intelligamus quanto animi ardore omnes, qui Christi religionem sunt amplexi, Virginis quoque Deiparæ pietatem omni ratione colere, ac propagare studuerint.

Aliud antiquissimū  
templum  
in ora  
Cosm.

Aliud templum  
apud  
Mædas.

Aliud templum  
prope Si-  
nas.

Finis Tractatus de Jesu, ac Templis Deiparæ.